





Ս. ՏԻԳՐԱՆԵԱՆ

Դ Ա Շ Ն Ա Կ Ց Ա Կ Ա Ն

Պ Ա Տ Գ Ա Մ Ա Ի Ո Ր Ն Ե Ր Ը

Ե Ր Կ Ր Ո Ր Դ

Պ Ե Տ Ա Կ Ա Ն Դ Ո Ւ Մ Ա Յ Ո Ւ Մ

Գ Ի Ճ Ն Է 30 կոպ.

Թ Ի Յ Լ Ի Ս

1907





Ս. ՏԻԳՐԵՆԵԱՆ

9(47)173

Տ

1899.

329.14

# Դ Ա Շ Ն Ա Կ Ց Ա Կ Ա Ն

## Պ Ա Տ Գ Ա Մ Ա Ի Ո Ր Ն Ե Ր Ը

### Ե Ր Կ Ր Ո Ր Դ

### Պ Ե Տ Ա Կ Ա Ն Դ Ո Ւ Մ Ա Յ Ո Ւ Մ

A II 3248


Թ Ի Յ Լ Ի Ս

Էլեկտրոպոստային «Հ Ն Բ Մ Է Ս» Ա. Պ. Եղիզուրեանի.

Մարտ. փոյ. № 5.

1907

(18)





ԴԱՇՆԱԿՑԱԿԱՆ ՊԱՏԳԱՄԱԻՈՐՆԵՐԸ Բ. ՊԵՏԱԿԱՆ  
ԴՈՒՄԱՅՈՒՄ

(Փետրուար—յունիս 1907 տմի)

I.

Պաշտօնէութիւն ստանձնելը պատասխանատուութեան և հաշւետուութեան հետ է կապւած անխզելի կերպով: Ընտրող ժողովրդի և կուսակցութեան առաջ հաշւետուութեամբ ներկայանալը մի ընտրեալ կուսակցական պատգամաւորի համար ոչ միայն քաղաքական և քաղաքացիական անվիճելի պարտք է, այլ նաեւ անձնական հոգեկանի մի անզսպելի պահանջ: Թող յետագայ համառօտ պատմութիւնը այդպիսի մի հաշւետուութեան անկատար կատարումը լինի:

Սակայն, բացի այդ ընդհանուր զրդիչ պատճառից՝ մի ուրիշ յատուկ նպատակ էլ կայ, որ ստիպում է ներկայ հակիրճ տեղեկագրով նկարագրել ընդհանրապէս հայ հասարակութեան առաջ դաշնակցական պատգամաւորներին խմբակի՝ երկրորդ Պետական Դուռայի գործունէութեանը ունեցած մասնակցութիւնը: Ռուսաստանի հայ ժողովրդի և հայ կուսակցութիւնների համար այս՝ ընդհանուր պետական ներկայացուցչական ժողովին ինքնուրոյնաբար \*)

\*) Առաջին Պետ. Դուռայում էլ կային հայ պատգամաւորներ Անդրկովկասից. բայց նրանց գործունէութիւնը ոչ միայն խիստ կարճատե կդաշտ ուշ ընտրելու և սեղ հասնելու պատճառով, այլ և զուրկ էր ինքնուրոյնութիւնից. նրանք բոլորովին ձուլւել էին կաղէտների սուտը զանգւածում: Երկրորդ Պետ. Դուռայում էլ կային կաղէտներին միացած հայ պատգամաւորներ. մէկը Ռուսական Հայաստանից, միւսը հարաւային Ռուսաստանից ընտրւած: Բայց Դաշնակցական պատգամաւորների մասնակցութիւնը այն առաւել հետաքրքրականութիւն ունեցաւ, որ սրանք ոչ թէ հայ պատգամաւորներ էին, այլ Ռուս. Հայաստանի հայ (աշխատաւոր) ժողովրդից ընտրւած լինելուց զատ, նաև ուրոյն հայոց (սոցիալիստական) կուսակցութեան թեկնածուներ էին, և, ինչպէս կասեմենք, ինքնուրոյն, որոշ շափով առանձին խմբակ և զիրք ունեցան երկրորդ Պետ. Դուռայում:

մասնակցելու առաջին փորձն էր. և որքան էլ թերի, սակաւաբովանդակ և ապարդիւն լիներ Բ. Դուժայի եռամսեայ գործունէութիւնը, որքան էլ համեստ եղած լինէր դաշնակցական պատգամաւորների այնտեղ ցոյց տւած մասնակցութիւնը, որքան էլ քիչ նիւթ տւած լինի Բ. Դուժայի գոյութիւնը մեր ժողովրդի և կուսակցութիւններին քաղաքական փորձառութեան տէսակէտից, բայց և այնպէս այդ քիչն էլ ոչ միայն արհամարհելի չէ, այլ մտացի զիտողին և դատողին հետաքրքրական փաստական պաշար է մատակարարու՞մ՝ ապագայի համար ուսանելի և պիտանի եզրակացութիւնների գալու: Թէ Ռուսաստանն ընդհանրապէս, և թէ մանաւանդ Կովկասն ու հայ ժողովուրդը դեռ շատ զեռահաս, փորձով ազրատ և անվարժ են քաղաքական կեանքից և գործունէութիւնից, որ հիմք ունենային արհամարհելու փորձառութեան ամենափոքր պաշարն անգամ:

Մանաւանդ որ կան մի շարք առանձնայատուկ հարցեր ու հանգամանքներ, որոնք անխուսափելի կերպով կապւած են Ռուսական Հայաստանի հայ ժողովրդի և ընդհանրապէս Հարաւային Կովկասի ազգաբնակչութեան պատգամաւորութեան՝ ընդհանուր պետական պառլամենտու՞մ ինքնուրոյնաբար գործելու եղանակի և պայմանների հետ: Այդ հարցերը և հանգամանքները նաև ապագայում ամեն անգամ հանդէս են գալու, և հայ աշխատաւոր ժողովրդի գիտակից մասնակցութիւնը Պետական Դուժայում պայմանաւորւած է այդ հարցերին որոշ և մտածւած լուծու՞մ տալուց, յիշեալ հանգամանքները ճշտիւ հաշի առնելուց: Այս տեսակէտից Բ. Դուժայի կեանքի և գործունէութեան ցոյց տւած փորձերը չը պիտի մոռացութեան մատնեն և կորչեն. այլ որոշ յինակէտ դաճանն ապագայի նորանոր փորձերով ստուգելու և լրացելու:

Ներկայ տեղեկագիրը կազմելու յիշեալ անմիջական շարժառիթները որոշում են նրա ունենալիք յետագայ բովանդակութեան սահմանադիրը: Երկրորդ Պետական Դուժայի կեանքի ամբողջ անցած-գարձածի պատմութիւնն անելը ի հարկէ հաշուառութեանս համեստ շրջանակից դուրս մի գործ կը լինէր: Պարբերական մամուլի (մանաւանդ մայրաքաղաքի, մասամբ էլ Կովկասի) էջերում ժամանակին բաւականին մանրամասն տեղեկութիւն էր տրու՞մ այդ մասին ընթերցող հասարակութեանը (տես նաև դաշ-



նակցական պատգամաւոր Ստ. Տէր-Աւետիքեանի թղթակցութիւնները կուսակցական օրաթերթերում): Յետագայ զեկուցագրովս կանգ եմ առնելու գլխաւորապէս, մինչև իսկ յատկապէս, դաշնակցական պատգամաւորների ընթացքի և քայլերի վրայ, յիշատակելով նաև սոցիալիստ-յեղափոխականների խմբի գործունէութեան մասին, որովհետև, ինչպէս յայտնի է, այդ կուսակցութեան պառլամենտական խմբին էր յարել դաշնակցական պատգամաւորների խմբակը մի միացեալ խումբ կազմելով:

Յիշեցի պարբերական մամուլի՝ Բ. Պետական Դուռայի գործունէութեան մասին ժամանակին տւած տեղեկութիւնների մասին: Պէտք է նկատեմ, որ այդ տեղեկութիւնները շօշափում էին Դուռայի գոյութեան ոչ բոլոր կողմերը, շօշափածն էլ նկարագրում էին ոչ համաչափ և հաւասարաչափ մանրամասնութեամբ ու ճշտութեամբ: Ամենից հանգամանօրէն մամուլի միջոցով հազորդում էին Դուռայի ամբիոնից արտասանւած ձևերը, համեմատաբար աւելի թերի և տակաւ ճշտութեամբ տեղեկացւում էր Դուռայի յանձնաժողովներում կատարւածի մասին, իսկ Դուռայի կուսակցական ֆրակցիաներում և խմբերում անցածի մասին շատ հազիւ էր բիշ թէ շատ լրիւ և ճիշտ բան հազորդում:

Դուռայում գործող զանազան կուսակցութիւնների մասին պարբերական մամուլի օրգանների հազորդած տեղեկութիւնների նկատմամբ պէտք է մասնացոյց անեմ, որ սոցիալիստ-յեղափոխական ու դաշնակցական պատգամաւորների միացեալ խմբի գործածի մասին լրագրներում համեմատաբար շատ քիչ բան էր գրւում:

Այս կողմից ամենից լաւ էր կազէաների ֆրակցիայի դրութիւնը: Արանց կուսակցական օրգան «ԲՆԳԵ» օրաթերթը, որը անընդհատ և անարգել կարողացաւ հրատարակել, շարունակ ոչ միայն մանրամասն և լրակատար տեղեկութիւն էր տալիս կազէաների ֆրակցիայի Դուռայում գործածի մասին, այլև այդ լրբացնում ու պաշտպանում էր իր լուսաբանութիւններով: Սոցիալիստ յեղափոխականները (ինչպէս և սոցիալ-դեմոկրատները) նոյնպէս մի բանի անգամ փորձ արին իրենց օրաթերթերը հրատարակելու. բայց, իբրև թէ վերացւած ցնդուրայի ստեղծած «ազատ» պայմանները այլև բարեխնամ կառավարութեան սահմանադրական ճարտանքը վերջ դրին մէկը միւսի ետևից այդ «անտանելի» կու-



սակցութիւնների «Ֆնասակար» օտգաններին, գրաւելով իւրաքանչիւր լոյս տեսած թերթի բոլոր համարները և պատասխանատուութեան ու դատի ենթարկելով խմբագիրներին:

Չունենալով իրենց սեփական թերթերը՝ թէ՛ ընդհանրապէս բոլոր ձախակողմեան կուսակցութիւնների, և թէ՛ առանձնապէս սոցիալիստ-յեղափոխականների ու դաշնակցականների խմբերը և ֆրակցիաները զուրկ էին իրենց Դումայում կատարած գործունէութիւնը հանգամանօրէն և ցանկալի հարազատութեամբ ժողովրդի առջ ևրևան հանելու և ինչպէս հարկն է լուսարանելու հնարաւորութիւնից:

Ինչ որ սեփական թերթերը հնարաւորութիւն չունեցան կատարելու ձախակողմեանների համար, պիտի անէին «օտար» թերթերը, ի հարկէ դիմադիր ուղղութեան, օպոզիցիային պատկանողներից: Սակայն սրանցից «Рѣчь»-ը, կաղէտների կուսակցական օտգանը լինելով՝ բացառապէս իր կուսակցութեան շահերին էր նւիրւած, և ձախակողմեանների գործածների մասին կամ ոչինչ չէր գրում, և կամ նրանց արածը բնականաբար իր կուսակցութեան տեսակէտից էր ներկայացնում և լուսարանում: Մնում էր «Товарищъ» օրաթերթը, որը կաղէտներից ձախակողմեան ուղղութեան պատկանելով հանդերձ, նոյնպէս կարողացաւ անընդհատ հրատարակել: «Товарищъ»-ը իրօք էլ աւելի մեծ ուշադրութեամբ և հարազատութեամբ էր հետեւում ձախակողմեանների գործունէութեանը Դումայում:

Բայց այստեղ էլ սոցիալիստ-յեղափոխականների և դաշնակցականների միացեալ խմբի դրութիւնը միւս ձախակողմեանների հետ համեմատած ամենից աննպաստն էր: «Товарищъ» լրագիրը, որը իրեն ձախակողմեան անկուսակցական օրաթերթ էր յայտարարում, իրօք գլխաւորապէս սոցիալ-դեմոկրատներին էր ծառայում և մասամբ էլ «աշխատաւորականներին» (տրուդօվիկներին), իսկ սոցիալիստ-յեղափոխականների խմբի նկատմամբ (սրանց պատճառով նաև դաշնակցական պատգամաւորների նկատմամբ) մի դատապարտելի կողմնապահութեամբ դիտաւորեալ և յամատուութիւն էր պահում. օր. սոցիալիստ-յեղափոխականների և դաշնակցական պատգամաւորների Դումայում արտասանած ճշտերը կամ իսպառ չէին յիշատակում, կամ առաջ էին բերում չափազանց կրճատւած և բննադատական որևէ անհիմն ու անարդար

ակնարկով, մինչդեռ սոցիալ-դեմոկրատներէց ոմանց մինչև իսկ համեմատաբար թոյլ ճառերը գովարանուած էին. եթէ Գումայի որևէ յանձնաժողովուս սոցիալիստ-յեղափոխական կամ դաշնակցական պատգամաւորը մի կարեւոր հարց էր յարուցանուած և սոցիալ-դեմոկրատները լոկ միանուած էին նրան, «Товарищъ»-ը, բոլորովին չը յիշատակելով իսկական նախաձեռնողի մասին, գրում էր՝ իբր թէ սոցիալ-դեմոկրատները յանձնաժողովուս յարուցին այս ինչ հարցը. երբ յանձնաժողովներէց որևէ մէկուս մի սոցիալ-յեղափոխական նախագահ կամ նախագահի օգնական էր ընտրուած, «Товарищъ»-ը այդ մասին ուղղակի լռում էր:

Միայն «Русь» օրաթերթին էր, որ մասամբ ու երբեմնապէս, այն էլ Բ. Գումայի գոյութեան երկրորդ կիսուս, ընդարձակ տեղ էր տալիս սոցիալիստ-յեղափոխականների և դաշնակցականների Գումայուս կատարածին նւիրած տեղեկութիւններին. նոյն «Русь»-ուս տպեց ամբողջութեամբ սոցիալիստ-յեղափոխական պատգամաւոր Մուշենկոյի ընդարձակ ճառը հողի խնդրի մասին, սոցիալիստ-յեղափոխականների ու դաշնակցականների միացեալ խմբից Գումային առաջարկած հողի Օրինակիծը և այլն:

Պարբերական մամուլի ժամանակին հաղորդած տեղեկութիւնների այս բոլոր միակողմանիութիւններն ու թերութիւններն աչքի առաջ ունենալով՝ յետագայ տեղեկագրուս աշխատելու եւ լրացնելու այդ պակասը գոնէ դաշնակցական պատգամաւորների վերաբերմամբ:

## II.

Բացի մի քանի տասնեակ (մօտ 50 հոգի) անկուսակցականներից («վայրենիներէց») Ֆրացած բոլոր պատգամաւորները որոշ կուսակցութիւնների պատկանող կամ որոշ կուսակցութիւնների կողմից իբրև պատգամաւորութեան թեկնածու առաջարկուած անձեր էին. Համակուսակից պատգամաւորները բնականաբար միանուած, մի կուսակցական միութիւն էին կազմուած Գումայուս միասին համերաշխ և նոյն կուսակցութեան ուղղութեան համեմատ զործելու: Երկրորդ Գուման ոչ թէ առանձին անհատ պատգամաւորների, այլ պատգամաւորների հաւաքական խմբերի, կուսակցական միութիւնների մի համագումար էր. և իւրաքանչիւր պատգամաւոր (բացի ան-

կուսակցականներին) գործում էր ոչ թէ անհատաբար, այլ կուսակցաբար, ղեկավարելով ոչ թէ իր սոսի անհատական տրամադրութիւններով ու հայեացքներով, այլ ենթարկելով իր կուսակցական մարմինների և Դուժայի համապատասխան կուսակցական խմբի հաւարական որոշումներին:

Բացի այդ զուտ կուսակցական միութիւններից՝ որոշ ձևի մօտիկութիւն, նոյն իսկ միութիւն կարող էին լինել և եզան իսկ Բ. Դուժայուձ հաս տարրեր կուսակցական խմբերի միջև, ի հարկէ նման ուղղութեան պատկանելու ղէպրում. օր. դեմոկրատիկ բարենորոգումների կուսակցութեան Բ. Դուժայում եզամ մէկ հատիկ պատգամաւորը միացել էր կաղէտների Ֆրակցիային, «տրուզովիկները» և գիւղացիութեան միութեան պատկանող պատգամաւորները մէկ խումբ էին կազմել Դուժայում (մօտ 100 հոգուց բաղկացած). հօկտեմբերեանները և «շափաւորները» նոյնպէս մի խումբ էին կազմել: Միացման հարցը ի հարկէ կարևորութիւն ունի մանաւանդ սակաւամարդ խմբերի համար:

Երկրորդ Պետական Դուժայում գործելիս դաշնակցական պատգամաւորները \*) իրենք իրենց մէջ մի ուրոյն և սերտ միացած սեփական խմբակ կազմելով հանդերձ, պէտք է յարէին Դաշնակցութեանը նման և մօտ (յը ծրագրով ու տակախկայով) Ռուսաստանում գործող որեւէ խոշոր կուսակցութեան պառլամենտական բաղմանդամ Ֆրակցիային կամ խմբին: Այդպիսին էր սուսաց սոցիալիստ-յեղափոխականների խումբը Դուժայում, որին և յարեց դաշնակցական պատգամաւորներ խմբակը:

Երկրորդ Դուժայի ղեռ պատգամաւորական ընտրական գործառնութիւնների ժամանակ Դաշնակցութիւնը իւր պատգամաւորացուների համար մի հրահանգ \*\*) էր յօրինել, ուր ի միջի այլոց սուսած էր նաև, որ Դուժայում «համերաշխ գործեն սոցիալիստ-

\*) Բ. Դուժայում ընդամենը երեք դաշնակցական պատգամաւոր կային՝ Երկուր Երեանի (Յովհաննէս Մաղաթիեան և Միրական Տիգրանեան) և մէկը (Սեփան Տէր-Աւետիսեան) Դանձակի նահանգից ընտրած:

\*\*) Այդ հրահանգը պատերակ Սիմ. Զաւարեանը կարգաց Թիֆլիս բաղարի պատւերակների ընտրողական ժողովում: Նոյն հրահանգը ապակց շժամանակ՝ օրաթերթի 31-րդ №-ում (փետրուարի 9, 1907 թիւ), որ և տես արտատպւած գրքոյկիս վերջում Յաւերամների բաժնում:



յեղափոխական աշխարհայեացք դաւանող բոլոր կուսակցութիւնների հետ և նրանց հետ բլոկ կազմեն:

Սակայն առանց յատուկ հրահանգի էլ դաշնակցական պատգամաւորների խմբակը բնականօրէն Գումայում համերաշխութեամբ էր գործելու սոց յեղափոխականների խմբի հետ, և մինչև իսկ այս կամ այն ձևով յարելու էր նրանց, քանի որ այդ էր պահանջուած ընդհանուր քաղաքական բողէի որպիսութիւնը և համայն պետական պատրամենտի ներքին կազմը, այդպէս էր տրամադրուած նաև նոյն ինքն Դաշնակցութեան կուսակցութեան սեփական բնոյթը:

Այդ կերպ վարելու հէնց առաջուց արդէն տրամադրուած էր Դաշնակցութեան ոչ թէ մի նեղ ու զուտ ազգային, այլ սոցիալիստական (հայ սոցիալիստական) կուսակցութիւն հանդիսանալը, և առսաց սոցիալիստ-յեղափոխականների կուսակցութեանը իր աշխարհայեացքով, ծրագրի ու տակտիկայի ոգով ու ուղղութեամբ Ղ. Յ. Դաշնակցութեան լախտ նման, համասեւ լինելը:

Սակայն այդ բնական տրամադրութիւնն ու ներքին հակումը մի անխուսափելի անհրաժեշտութիւն էր դարձնում դաշնակցական պատգամաւորների խիստ քչւոր, ընդամենը երեք հոգի լինելը: Առանձնացած, մենակ մնալով, Պետ. Գումայի աչքի ընկնող որևէ Ֆրակցիայի չը յարելով, այլ միայն երեքով մի առանձին խումբ կազմելով՝ դաշնակցականները կորչելու էին հարիւրաւոր պատգամաւորների և պատգամաւորների տասնեակներից բողկացած Ֆրակցիաների սոււար զանգւոցի խորքերում, առանց հնարաւորութիւն ունենալու որևէ ազդեցութիւն գործելու որևէ խնդրի լուծման եղանակի վրայ, առանց Գումայի որևէ յանձնաժողովի անդամ ընտրել կարողանալու: Մինչդեռ սոցիալիստ յեղափոխականների խմբին Գումայում միանալու շնորհիւ դաշնակցական պատգամաւորները ընտրեցին Գումայի բոլոր կարևոր յանձնաժողովների անդամ, միևնոյն ժամանակ Պետ. Գումայի վճիռների և ռէզոլյուցիաների վրայ հարկաւոր դէպքում ցանկալի ազդեցութիւն գործելու համար հնարաւոր էր դառնում ոչ միայն սոց յեղափոխականների ձայներն ստանալ, այլ և սրանց միջոցով և միջնորդութեամբ նաև միւս ձախակողման Ֆրակցիաների ձայներից օգուել:

Այս հանգամանքը արժանի է ուշադրութեան, քանի որ այդ

միանալը կամ յարելը \*) Ռուսական Հայաստանի աշխատաւոր ժողովրդի պատգամաւորութեան համար մի մշտական անհրաժեշտութիւն է մնալու նաև ապագայում:

Նորերս յեղաշրջւած նախկին ընտրական օրէնքը (1905 թիւ օգոստոսի 6-ի և դեկտեմբերի 11-ի օրէնքները Պետական Դումայի ընտրութիւնների մասին), ինչպէս յայտնի է, Անդրկովկասի ժողովրդին չէր տւել այնքան պատգամաւոր ընտրելու իրաւունք, որքանի որ իրաւունք պէտք է ունենար Անդրկովկասը իր ազգաբնակչութեան թւի համեմատութեամբ: Ներկայուած, յունիսի 3-ի նոր «օրէնքը» այդ թիւը այնքան է քչացնում, որ Ռուսական Հայաստանի ժողովրդի պատգամաւորութիւնը զրեթէ չըքանում է Պետ. Դումայում: Սակայն, երբ Անդրկովկասի ազգաբնակչութիւնը լիովին կը ստանայ արդարութեամբ իրեն համող թով պատգամաւորներ ընտրելու իրաւունքը, դարձեալ Ռուս. Հայաստանի աշխատաւոր ժողովրդի պատգամաւորութիւնը, համեմատած պառլամենտի ընդհանուր թւին, այնքան փոքրաթիւ է լինելու, որ Պետական Դումայում մի բոլորովին առանձին խումբ կազմելը միշտ էլ անհնարին է մնալու:

Հետևողէս ինքնըստինքեան պարզ է, որ այս անհրաժեշտ միացման ամենանպատակայարմար ձևերը և եղանակները մշակելու ու սրտելու խնդիրը տեական կարեւորութիւն ունեցող մի հարց է, որի լուծման առաջին փորձը կատարւեց երկրորդ Պետական Դումայում՝ դաշնակցական պատգամաւորների խմբակի և սոցիալիստ-յեղափոխական պատգամաւորների խմբի միացմամբ:

Միանալուց, մի ընդհանուր խմբական կարգապահութեան ենթարկելուց, միշտ համերաշխ ընթանալուց, փոխադարձաբար իրար աջակցելուց, միմեանց ձայները և ուժերը փոխանակելուց անշուշտ շահելու են Դումայում միացող երկու կողմն էլ թէ բարոյապէս և թէ գործնական հետեանքների տեսակէտից: Եւ եթէ այս փոխադարձ աջակցման խնդրում միացողներից աւելի փոքր, աւելի թոյլ կողմը աւելի է շահելու, քան աւելի զօրեղ կողմը:

\*) Սուրս այտակ դաշնակցական պատգամաւորների խմբակի և այլ կուսակցութիւնների պառլամենտական խմբերի կամ ֆրակցիաների Դումայում միանալու կամ միմեանց յարելու մասին է: Նոյն ինքն կուսակցութիւնների Դումայից դուրս միանալու, դաշնակցելու խնդիրը, որ անշուշտ սերտ առնչութիւն ունի շօշափածա հարցի հետ, տեղեկագրիս սահմանից դուրս է:



բայց և միևնոյն ժամանակ աւելի թոյլ կողմը վտանգի է ենթարկուում ձուլելու-կորչելու աւելի մեծի մէջ, նսեմանալու, զրկելու իր ինքնուրոյնութիւնից: Այս վտանգից խուսափելու էր ըստ կարելոյն:

Ահա թէ ինչու որքան էլ որ անհրաժեշտ փնէր մի այլ խոշոր կուսակցութեան ֆրակցիայի հետ միանալը, սակայն միւս կողմից էլ նոյնքան ցանկալի էր, որ դաշնակցական փոքրիկ խմբակի ուրոյն կուսակցականութիւնը Պետական Դուժայում իսպառ չը նսեմանար: Հետևապէս, պէտք էր միացման մի այնպիսի ձև մշակել և իրականացնել, որպէսզի Դաշնակցութիւնը և դաշնակցական փոքրաթիւ պատգամաւորութիւնը թէպէտ և ոչ իրրև բոլորովին առանձին կուսակցութիւն կամ ֆրակցիայ հանդէս գար Պետական Դուժայում, բայց և այնպէս իր որոշ ինքնուրոյնութիւնը պահած լիներ:

Արեւմտեան պէտք էր որոշել դաշնակցական պատգամաւորների բռնելիք ղիբքը Դուժայի սոց.-յեղափոխական խմբի վերաբերմամբ: Բայց այդ յարաբերութեան խնդիրը մինչև վերջն էլ վերջնականապէս և կատարեալ որոշակիութեամբ չը ձևակերպուեց, որովհետև սոց.-յեղափոխականների խմբի ընդհանուր կազմակերպումը դեռ չէր մշակուել վերջացել, երբ Դուժան փակեց խմբի Կանոնադրութեան նախագծի միայն մի մասը քննուել և հաստատուել էր կուսակցական պատգամաւորների ընդհանուր ժողովի կողմից. իսկ դաշնակցական պատգամաւորների խմբակի առանձնայատուկ կազմակերպչական ղիբքը և մասնակցութեան եղանակը որոշելուն և ձևակերպելուն կարելի կը լինէր ձեռնարկել միայն խմբի ընդհանուր կանոնադրութիւնը մշակելուց յետոյ: Սակայն և այնպէս, որքան էլ անմշակ էր դեռ այդ խնդիրը, բայց էլի դաշնակցական պատգամաւորների կուսակցական ինքնուրոյնութիւնը Դուժայում և Դուժայի սոց.-յեղափոխականների խմբում իսպառ չը ջնջուեց:

Այս կողմից նախ և առաջ խիստ նպաստաւոր էր այն հանգամանքը, որ սոց.-յեղ. պատգամաւորները Պետ. Դուժայում կուսակցական ոչ թէ ֆրակցիա, այլ խումբ (группа) կազմեցին. այսինքն այդ պատգամաւորների Դուժայի միութիւնը սոց.-յեղափոխական կուսակցութեան կեդրոնական բարձրագոյն մարմինն (Կեդրոնական Կոմիտէին, Ա. Կ.) չէր ենթարկուում, նրանից

պարտադիր կարգադրութիւններ և զիրեկտիւններ չէր ստանում. սոց. յեղափոխականների Գումայի խմբի և Կեարոնական Կոմիտէի ու ամբողջ սոց.-յեղ. կուսակցութեան համերաշխութիւնը և միութիւնը հիմնւելու էր ոչ թէ խմբի պաշտօնական կախման և վարչական ու կազմակերպչական ենթարկման վրայ, այլ բարոյական կապակցութեան և ներքին համախոհութեան վրայ, կուսակցութեան պարագլուխների ազդեցիկ հեղինակութեան վրայ և, որ ամենից գլխաւորն է, կուսակցական պատգամաւորների և համակուսակից անհատների համոզմունքների ու տրամադրութիւնների ընդհանրապէս միանմանութեան վրայ: Սոց.-յեղ. խումբը սոց.-յեղ. կուսակցութեան վերաբերմամբ անկախ և ինքնօրէն (աւսօնօժ) լինելով՝ դաշնակցական պատգամաւորների խմբակը սոց.-յեղափոխականների հետ միանալով և պառլամենտական միացեալ խմբում մի ընդհանուր կարգապահութեան ենթարկւելով՝ սոց.-յեղափոխական կուսակցութեան զուտ կուսակցական մարմինն (Ա. Լ. ին) չէր ենթարկւած լինում, որով վերացում էր այն որոշ շափի անյարմարութիւնը, որ մի կուսակցութեան պատկանող պատգամաւորներ (դաշնակցականները) ենթարկւէին և ստորագրւէին մի այլ կուսակցութեան Կեարոնական Կոմիտէի իշխանութեանը: (Դաշնակցական պատգամաւորներս էլ նոյնպիսի անկախութիւն և ինքնօրինութիւն ունենալով մեր կուսակցութեան ղեկավար մարմինների վերաբերմամբ, սոց.-յեղափոխական և դաշնակցական պատգամաւորների միանալու գործը խիստ զիւրանում ու պարզ մի խնդիր էր դառնում):

Պէտք էր որ նաև խմբի մէջ, ներքին կեանքում և յարաբերութիւններում էլ դաշնակցական խմբակը որոշ անկախութիւն ու ազատութիւն ունենար, որպէսզի դաշնակցականների թիւը (պատգամաւոր) սոց.-յեղափոխականների թւի (մօտ 35 պատգամաւոր) հետ համեմատած խիստ փոքր լինելով, իրենց ձայնը իսպառ չը խեղդւէր: Այս նպատակով դաշնակցական խմբակի կապակցութեամբ սոց.-յեղափոխականների խմբին ոչ թէ մի ձուլում էր, այլ որոշ տեսակի յարում: Դաշնակցական պատգամաւորներն առանձին-առանձին չը ձուլւեցին ընդհանուր խմբում, այլ որոշ խնդիրներում մնացին իրրև մի առանձին խմբակ նրան կից. այսպիսով ստացուեց մի միացեալ խումբ՝ սոց.-յեղափոխականների խմբից և դաշնակցականների խմբակից բաղկացած:

Երեք դաշնակցական պատգամաւորների սրոշ շափով մի առանձին խմբակ, մարմին լինելը այդ միացեալ խմբում շատ դէպքերում սրոշ կերպով արտայայտութիւն էր գտնոււմ: Օր. խմբի մի քանի որդումները յայտարարեցին ոչ թէ «Պետ. Գումայի սոց.-յեղափոխականների խմբի» կողմից, այլ «Պետ. Գումայի սոց.-յեղափոխականների և նրանց յարող դաշնակցական պատգամաւորների խմբի կողմից»։ Նմանապէս խմբի վերջին Ազըր աշխատաւոր ժողովրդին ուղղւած յայտարարեց «Գումայի սոց.-յեղափոխական և դաշնակցական պատգամաւորների խմբի» կողմից: Ուրեմն խումբը թէ իրօք և թէ անուշով սոց.-յեղափոխականների խումբ չէր, այլ միացեալ խումբ սոց.-յեղափոխական և դաշնակցական պատգամաւորների: Սմբի կոմիտէի ընտրութեան ժամանակ սրոշեց, որ կոմիտէն 5 անդամից բաղկանայ, 4-ը սոց.-յեղափոխականներից, մէկը դաշնակցականներից, և առաջին չորսին ընտրեն սոց.-յեղափոխականները, իսկ վերջին մէկի ընտրութիւնը թողին դաշնակցականների խմբակին (ընտրեց Ս. Տիրգրանեանը): Նմանապէս Գումայի յանձնաժողովների ընտրութիւնների ժամանակ մեծ մասամբ մի թեկնածու նշանակելու իրաւունքը մեր խմբակին էին տալիս, և մեր կողմից սրոշւածը (մեզանից մէկը) այնուհետև՝ իբրև ամբողջ միացեալ խմբի թեկնածու՝ ընտրւում էր Գումայի կողմից յանձնաժողովի անդամ:

Այս բոլոր դժերը աչքի առաջ ունենալով կարելի է ասել, որ դաշնակցական պատգամաւորներս՝ մեր մէջ մի ամբողջութիւն կազմած լինելով, մօտաւորապէս ոչ թէ ձուլւում էինք սոցիալ-յեղափոխականների խմբի մէջ, այլ աւելի շուտ այդ խմբին համերաշխ գործող մի դաշնակից հանդիսանալով՝ նրա հետ մի դաշնակցական (Ֆէդէրատիւ) միութիւն, մի միացեալ խումբ էինք կազմում:

Այս էր մեզ զեկազարող կազմակերպչական սկզբունքը սոց.-յեղափոխականների խմբի հետ Գումայում մեր ունեցած յարաբերութիւններում, որ և աշխատում էինք ըստ կարելոյն իրազօրծել և ձևակերպել դաշնակցական խմբակի ուրոյն կուսակցականութիւնը սրոշ շափով ապահովւած լինելու համար:

Ինչպէս յիշեցի սրոշ ձևական կանոնադրութեամբ դեռ չէր ձևակերպւած փոխադարձ յարաբերութիւնների, իրաւունքերի ու պարտականութիւնների այս եզանակը, և ընդհանրապէս դաշնակ-



ցական և սոցիալ.-յեղափոխական պատգամաւորների եռամսեայ սերտ շփման և անընդհատ համերաշխ ու միասին գործունէութեան ընթացքում փոխադարձ հաստատ վստահութեան, ընկերական համակրութեան և ներքին համախոհութեան զգացմունքներն էին կառավարող հանդիսացողը մեր միութեանը, բան որ և պաշտօնական կանոնադրութիւն կամ ձեական պայմանադրութիւն: Փոխադարձ ծանօթացման սկզբնական կարճատև շրջանին Դուժայում շուտով փոխարինեց ընկերական վստահութեան և սերտ մտերմութեան մի շրջան, երբ երկու կողմից էլ այլևս «տարի» և «խրայինի» խտրութիւն երբէք չը դրուեց. սոց.-յեղափոխականների կողմից և անունից զանազան յանձնարարութիւններ ստանձնելը, բանակցութիւններ վարելը դաշնակցական պատգամաւորների համար մի սովորական երևոյթ էր դառնում, և մենք, երեք դաշնակցական պատգամաւորներս, մեր համետ ուժերի ներածիչափ, աշխատում էինք օգտակար լինել թէ մեր ընդհանուր միացեալ խմբին և թէ առանձնապէս սոց.-յեղափոխականներին:

### III.

Դուժայի պատգամաւորների գործունէութիւնը երեք տարրեր շրջաններում է կատարում: 1) Դուժայի ամբիոնի վրայ, 2) Դուժայի յանձնաժողովներում և 3) զանազան կուսակցութիւնների Դուժայի ֆրակցիաներում կամ խմբերում: Այս երեք շրջաններից ամենից քիչ բան է յայտնի հասարակութեանը վերջին երկուսի մասին:

Դուժայի յանձնաժողովների նիստերը զժբախտաբար դանափակ են լինում: Ժամուլի ներկայացուցիչները ներկայ չէին գրտընում, այլ միայն յանձնաժողովների անդամներից մէկից-միւսից հարցնելով՝ կցկտուր, երբեմն էլ մինչև իսկ անձիշտ անդեկութիւններ էին տպագրում:

Մինչդեռ յանձնաժողովները նախապատրաստական, բայց կարևոր նշանակութիւն ունէին:

Ինչպէս էլ որ նայելու լինենք Դուժայի վրայ՝ արդէօք սովորական օրէնադրութեան թէ համատարած ազիտացիայի օղանի վերայ, յանձնաժողովների աշխատանքի կարևորութիւնը չի ժըխուի: Միայն թե այդ նշանակութեան իմաստը զանազան կերպով

կհասկացւի: Ի հարկէ սխալ էր կազէտների հայեացքը Բ. Գու-  
մայի յանձնաժողովների կատարելիք զերի մասին. օրինագծեր  
ձեւականօրէն մշակելն ու պատրաստելը չէր նրանց գործունէու-  
թեան բուն իմաստը, որովհետև շնորհիւ Գումայի և յանձնաժո-  
ղովների ընդհանրապէս դիմադիր ողջութեան՝ այդ օրինագծերը  
այնպիսի բովանդակութիւն էին ունենալու որ կառավարութեան  
խիստ յետադէմ քաղաքականութեան պատճառով երբէք հաստատ-  
ւելու և գործող օրէնք դառնալու չէին: Հետևապէս ինչպէս որ  
նոյն ինքն Գումայի, այնպէս էլ նրա յանձնաժողովների գործը  
լայն և զօրեղ ազիտացիայի մէջ պէտք էր տեսնել: Յանձնաժո-  
ղովները նախապատրաստական աշխատանքն էին կատարում այս  
ազիտացիոն գործունէութեան համար, որի գլխաւոր տեղը ի հարկէ  
Գումայի ամբիոնն էր: Յանձնաժողովների կատարած աշխատան-  
քի շնորհիւ Գումայի ճառարօտութիւնները աւելի պայծառ և բո-  
վանդակալից կդառնային անշուշտ հարստանալով փաստացի  
տեսալների պաշարով. Գումայի ամբիոնից աւելի առատութեամբ  
ու ստուգութեամբ կմերկանային ամբողջ ժողովրդի առաջ բիրո-  
կրատիկ կառավարութեան քաղաքականութեան ու գործունէու-  
թեան այլև տիրող օրէնսդրութեան մահացու մեղքերը, աններելի  
զեղծումները, անտանելի թերութիւններն ու անարդարութիւնը:  
Զուրկ չէր յանձնաժողովների աշխատանքը նաև սկզբունքային  
հետաքրքրականութիւնից: Զանազան կուսակցութիւնների տար-  
բեր դաւանանքները, թէ՛ ծրագրային և թէ՛ տակտիկային, արդէն  
այստեղ էին միմեանց ընդհարում, և տարբեր ուղղութիւնների  
զատումը յանձնաժողովներում հարցերի մանրակրկիտ քննութեան  
ընթացքում աւելի ու աւելի որոշակի կերպով էր կատարում:  
Քանի որ աջակողմեանները յանձնաժողովներում մեծ մասամբ  
խիստ թոյլ էին թէ՛ թւով և թէ՛ որակով, ապա վիճարանու-  
թիւնը ու պայքարը գլխաւորապէս կաղէտ և ձախակողմեան (սո-  
ցիալիստական) և ուղղութիւնների միջև էր տեղի ունենում, որ  
և չափազանց նպաստում ու զարկ էր աւելիս թէ՛ մէկ և թէ՛ միւս  
կողմի հայեցակէտերի լիակատար գտմանը: Երբ օրինագծերը և  
Գումայում արծարծւած զանազան խնդիրները յանձնաժողովնե-  
րում նախապէս քննելուց յետոյ Գումայում հանդէս կգային, կա-  
ղէտ կուսակցութեան և ձախակողմի աշխարհայեացքների ու տրա-



մադրութիւնների տարբերութիւնն ու հակառակութիւնը աւելի  
ևս գուած ու պայծառ կերպով էր արտայայտուելու:

Դուժայի բազմաթիւ և բազմատեսակ յանձնաժողովները  
իրենց անդամ-պատգամաւորներից ոչ պակաս ժամանակ էին  
խլում, ոչ պակաս ուժերի ու ուշադրութեան լարում պահան-  
ջում քան Դուժայի ամբիոնը: Կային պատգամաւորներ, որոնք  
յանձնաժողովներում աւելի գնահատուի, օգտաւէտ և արդասաւոր  
աշխատանք էին կատարում, քան Դուժայի ընդհանուր նիստերում:

Կուսակցական ֆրակցիաների և խմբերի ժողովներում նա-  
խապէս ուսումնասիրում և քննուում էր նոյն կուսակցութեան ուղ-  
ղութեան տէսակէտից Դուժայում առաջ գալիք իւրաքանչիւր  
խնդիր. նոյն խմբական ժողովում երբեմն որոշում էր խմբի կող-  
մից և նախաձեռնութեամբ յարուցանել Դուժայում այս կամ այն  
հարցը. նոյն ֆրակցիական ժողովներում առաջուց վճուում էր  
խմբի և կուսակցական պատգամաւորների բոնելիք դիրքը Դու-  
ժայում կատարելիք ճառախօսութիւնների և քեւարկութիւնների  
ժամանակ. կարևոր և լուրջ խնդիրների ղէպքում նոյն այս կու-  
սակցական ժողովում պատրաստում և ընդունում էր ֆրակցիայի  
կողմից Դուժային առաջարկելիք սէզդիւցիան, և խմբի որոշմամբ  
ու ընտրութեամբ երբեմն յանձնարարում էր խմբի որոշ անդա-  
մին խօսել Դուժայի ամբիոնից կուսակցական ամբողջ ֆրակցիա-  
յի կողմից: Ի հարկէ, խմբական կամ ֆրակցիական կարգապա-  
հութեան համաձայն՝ խմբի իւրաքանչիւր անդամ-պատգամաւոր  
այնուհետև պարտաւորում էր Դուժայում իր ճառերում և ձայնա-  
ուութեան միջոցին վարել խմբի սահմանած դիրեկտիւնների հա-  
մեմատ:

Բացի սոցիալիստ-յեզոսիոխականների և գաշնակցականների  
միացեալ խմբի ժողովներին մասնակցելուց, գաշնակցական պատ-  
գամաւորները ունենում էին նաև իրենց խմբակի խորհրդակ-  
ցութիւնները:

Երկրորդ Դուժայում գոյութիւն ունէր ինֆորմացիայի (տե-  
ղեկատու) բիւրոյ, մի մարմին, ուր երբեմնակի հաւաքում էին  
կաղէտական, ընդհանրապէս կետրոնի և ձախակողմեան ֆրակ-  
ցիաների ներկայացուցիչները փոխադարձաբար տեղեկութիւններ  
տալու և ստանալու այդ ֆրակցիաների որոշումների և ընդհան-  
րապէս Դուժայում անելիք քայլերի մասին: Վերջերը ձախակող-

մեանները հակումն էին ցոյց տալիս հրաժարելու որևէ ինքնօր-  
մացիայ ընդունելուց կետրօնի վերաբերմամբ, ինչպէս որ աջա-  
կողմի համար հրաժարել էին հէնց սկզբից:

Գումայի թէ ընդհանուր նիստերում և թէ՛ յանձնաժողովնե-  
րում դաշնակցական պատգամաւորների խմբակի մասնակցութիւ-  
նը երկու տեսակ բնաւորութիւն ունէր. մէկ՝ ընդհանուր պիտա-  
կան, համայն Ռուսաստանի, երկրորդ՝ յատուկ տեղական, Հարա-  
ւային Կովկասի և կամ Ռուսական Հայաստանի, որի ընտրեալ-  
ներն էին: Նայած յարուցած և բնուելիք հարցի բնաւորութեանը  
դաշնակցականների մասնակցութիւնը երբևիմ էլ միաժամանակ  
թէ ընդհանուր պիտական և թէ՛ տեղական բովանդակութիւն էր  
ստանում. և այդպէս էլ էին հարցերը մեծ մասամբ:

Նոյնը և սոց.-յեղափոխականների ու դաշնակցականների  
միացեալ խմբում՝ որոշ խնդիրներում դաշնակցական պատգամա-  
ւորները հանդէս էին գալիս իբրև յատկապէս կովկասցի պատգա-  
մաւորներ և սոսկ տեղական պէտքերի ու պահանջների արտա-  
յայտիչ, իսկ մնացած գէպքերում ընդհակառակը իբրև ընդհա-  
նուր պետութեան քաղաքացի և պատգամաւոր: Խնդիրների և  
գերերի այս երկու կարգի բաժանումը միացեալ խմբում այն նշա-  
նակութիւնն ունէր, որ դաշնակցական խմբակի Ֆեդերատիւ գիր-  
քը և որոշ անկախութիւնը երևան էր գալիս առաջին տեսակի  
գէպքերում: Այսպէս երբ Գումայում քննուող խնդիրը Հարաւային  
Կովկասի համար տեղական առանձնայատկութիւն և նշանակու-  
թիւն էր ունենում, դաշնակցականների՝ Գումայի ամբիոնի վրայ  
հանդէս գալը կախած էր միմիայն դաշնակցական խմբակից. երբ  
Գումայի ընտրելիք յանձնաժողովի մշակման տարկան Հարաւա-  
յին Կովկասի համար տեղական ուրոյնութիւն և կարևորութիւն  
ունեցող մի հարց էր լինում, միացեալ խմբի կողմից առաջարկ-  
ելիք թեկնածուներից մէկին որոշում էր դաշնակցական խմբակը  
(այսպէս եղաւ օր. Մատակարարողական—Ս. Տէր-Աւետիքեան,

Հետեւել ծանօթութիւնը պատկանում է 16-րդ երեսին.

\*) Մի քանի անգամ ընդհանուր խորհրդակցութիւն տեղի ունեցաւ  
դաշնակցական պատգամաւորների և միւս հայ կաղէտ պատգամաւորների (Կար-  
սի նահանգի—Յ. Աթաբէգեան և Նոր-Նախիջևան քաղաքի—Աճեմեան) յատկա-  
պէս հայ ժողովրդին և Հարաւային Կովկասի վերաբերեալ խնդիրների մասին:

Նոդի, տեղական գատարանի և տեղական ինքնապարուստիկան — Յ. Ազգաթէլէիան — յանձնաժողովների ընտրութիւնը): Իսկ ընդհանուր խնդիրների ղեկավարում գաշնակցականներին խմբակի առանձնութիւնը վերացուած էր. գաշնակցական պատգամաւորներս խառնուում էինք սոց. - յեղափոխական պատգամաւորների հետ միասին, ընդհանուր քննարկութեամբ էինք կատարում որոշումներն ու ընտրութիւններն. և եթէ այս կարգի խնդիրներում ընտրուած էին մեղանից մէկն ու մէկին, ապա այդ ընտրութիւնը կատարուած էր արդէն ամբողջ միացեալ խմբի, և ոչ թէ միայն գաշնակցականներին որոշմամբ, և Դուժայի համապատասխան յանձնաժողովի անդամ մեկ ընտրել էին տայիս իբրև ընդհանուր պետական ներկայացուցչի (օր. ժողովրդի լուսաւորութեան, ամիսատիայի և Վոտցիալ-գէմոկրատների վերջին դատի յանձնաժողովների անդամ այս կղանակով ընտրեցին Ս. Տիգրանեանին): Եւ ման տեսակի խընդիրներում երբեմն նոյնպիսի կղանակով յանձնարարուում էր գաշնակցականներից մէկին խօսել Դուժայի ամբիոնից ամբողջ միացեալ խմբի կողմից (օր. այսպէս յանձնարարուել էր Ազգաթէլէիանին խօսել տեղական գատարանի մասին, Ս. Տիգրանեանին — խօսել տեսորի, ամիսատիայի, ժողովրդական լուսաւորութեան, յանցագործութիւնների գովասանքը պատժելու օրինագծի մասին):

Համայն պետութեան ընդհանուր քաղաքական ծանր դրութեան նորհիւ, երբ քաղաքացիական ազատութիւնները ոչ միայն, թէկուզ համեաւ չափով, տակաւին իրականացած չեն Ռուսաստանում, այլ անորոշ ապագայում իրականացնելիք բաղձանք են հանդիսանում, երբ Պետ. Դուժայ ասածը ոչ միայն պառլամենտի իրաւունքներից դուրկ մի ժողով է, այլ մինչև իսկ բնաւ չէ կարող իւր ներկայ վիճակում մի ապահով ու հաստատուն գոյութիւն ունեցող պետական հիմնարկութիւն համարուել, երբ լայնատարած և բազմազգի պետութեան ոչ մի վայր, ոչ մի ազգ զեռ չի վայելում սահմանադրական կարգերի ազատութիւնները, այլ բոլորն էլ աւելի կամ պակաս չափով հեծում են անսահման բիւրոկրատիայի անծայր կամաւորականութեան անբաժան ու անարգիչ տիրապետութեան տակ՝ իբրի մի այնպիսի վիճակ էստեղծուել, որ նոյն իսկ յատուկ ու տեղական բնոյթ ունեցող հարցերը, պետութեան այս կամ այն մասին առանձնապէս վերաբերեալ, անքակտիկօրէն շար-



կապւած և միախառնւած են հանդիսանուած համայն պետութեան մէջ ևսող միւս բոլոր ազգերին և տարրերին ու վայրերին վերաբերեալ հարցերի հետ:

Քաղաքական րոպէն և կացութիւնը այսպէս լինելով՝ Դաշնակցական պատգամաւորները մինչև իսկ յատկապէս Աովկասին վերաբերեալ խնդիրները քննելիս և լուսարանելիս բնականաբար ընդհանուր պետական պայմանների և կարգերի հետ պիտի կապէին Հարաւային Կովկասեան ուրոյն գէպերն ու անցքերը, և ոչ թէ հակադրէին, այլ սերտ կապակցէին Հարաւային Կովկասի վիճակը համայն պետութեան ընդհանուր կացութեան հետ, ցոյց տալով դրանց օրպանապէս շաղկապւած և փոխադարձաբար պայմանաւորւած լինելը:

Սակայն և այնպէս, ընդհանուր պետական հայեցակէտին առաջնակարգ տեղ և դեր տալով հանդերձ՝ դաշնակցական պատգամաւորները չէին կարող բոլորովին չէզոքանալ Հարաւային Կովկասեան տեղական ինքնուրոյնութեան վերաբերմամբ, ինչպէս որ վարւեցին օր. Վրաստանի՝ սոցիալ-դեմոկրատ պատգամաւորները: Կենդանի գործի մի կուսակցութիւն լինելով, նւիրւած տառապող աշխատաւոր ժողովրդի ամենալայն խաւերի շահերը դրականապէս դարձանելու նպատակին, Դաշնակցութիւնը թելադրում էր իր կուսակցական պատգամաւորներին երբէք աչքաթող չանել տեղական առօրեայ կեանքի օր. մի այնպիսի շարք, օրպիսին էր կովկասեան սովը. լրակատօր ժողովրդապետութեան և ազգերի իրական հաւասարութեան մի կուսակցութեան պատկանելով՝ դաշնակցական պատգամաւորները չէին կարող երբէք անուշազիր թողնել ապակետրոնացման, երկրային և ազգային ինքնօրինութեան պահանջները օր. տեղական ինքնավարութեան, դատարանի, ժողովրդի լուսաւորութեան և հողի խնդիրների քննութեան ժամանակ:

Եւ ահա պէտք է յիշատակել, որ տեղական խնդիրները և շահերը շօշափելիս, պաշտպանելիս և արժարձելիս դաշնակցական պատգամաւորների հայեցակէտը միշտ ընդհանուր Հարաւային Կովկասեան էր և ոչ թէ զուտ հայկական կամ սոսկ Ռուսական Հայաստանի: Արդեօք սովի հարցն էր հրապարակ պալիս, թէ հողի խնդիրը, թէ Կովկասին վերաբերեալ մի այլ հարց՝ դաշնակցականները, իրենց կուսակցական քաղաքական ծրագրի համա-

ձայն, հանգէս էին դալիս ոչ թէ իբրև հայ պատգամաւորներ լոկ հայ ժողովրդի կամ Ռուսական Հայաստանի ներկայացուցիչ և պաշտպան, այլ որպէս կովկասցի և Հարաւային Կովկասի, իբրև մի միութեան, մի ամբողջական մարմնի, շահերի և կարիքների պաշտպան և թարգման: Բովանդակ Հարաւային Կովկասի աշխատաւոր ժողովուրդը առանց ազդի և հաւատի խտրութեան՝ տնա դաշնակցական պատգամաւորների տեսակէտը տեղական հարցերում:

Եւ այս կէտում որոշակի կերպով երևան էր դալիս հայ դաշնակցական պատգամաւորների ինքնուրոյն դիրքն ու հայեցակէտը մանաւանդ Հարաւային Կովկասի նահանգներից և քաղաքներից ընտրւած՝ այլ կուսակցութիւնների և ազդութիւնների պատկանող պատգամաւորների հետ համեմատած:

Վրաստանից ընտրւած վրացի սոցիալ-դեմոկրատ պատգամաւորները Թիֆլիս քաղաքից ընտրւած սոց.-դեմոկրատ հայ պատգամաւորի հետ Դուժայում խապտ չէզոքացան տեղական որ և է զուեաւորութից: Ընդհանրապէս բոլորովին անտես առնելով և արճամարհելով տեղական ուրոյնութեան և բնիկ շրջապատի իրականութեան հայեցակէտը՝ նրանք գիտակցօրէն շեշտում էին միմիայն զուտ ընդհանուր պետական տեսակէտը և լոկ կեսւրոնացուցիչ (ցենտրալիզացիայի) տեսակէտով մօտենում նաև տեղական կովկասեան հարցերին: Հարաւային Կովկասը նրանց համար մի օւզանիկ ամբողջութիւն, իրական միութիւն չէր ներկայանում, այլ կարծես բազմաթիւ նահանգների մի շարք՝ անկապ, իրարից իրապէս դատւած, և ոչ թէ կեանքում փոխադարձաբար շողկապւած, այլ լոկ վարչականօրէն պատահաբար միացւած՝ բուրոկրատիական կառավարութեան յարմարութեան համար: Ռուսաստանի սոցիալ-դեմոկրատ կուսակցութեան կողմից անգլային և ապակետրոնացման խնդիրների ժխտման սկզբնական մեղքի արդիւնքն էր ի հարկէ Վրաստանի սոցիալ-դեմոկրատ պատգամաւորների այդպիսի դիրքն ու վերաբերմունքը, որը զժգոհութեան առիթ եղաւ ոչ միայն վրացի ժողովրդի \*), այլ նաև նոյն ինքն

\*) Մասնանիչ անելով վրացի սոցիալ-դեմոկրատ պատգամաւորների անտարբերութիւնը դէպի Վրաստանի ժողովրդի կարիքները, վրաց լիսարիքի Թիֆլիս գրում էր. «չենք կարող լսութեան տալ մի կարևոր հանգամանք, որ չափազանց ցաւ է պատճառում մեզ, այդ այն է, որ մեր երկրի այսպիսի աննախանձելի վիճակի ժամանակ անգամ մենք չունենք մեր երկրից Պեա-



Ռուսաստանի սոցիալ-դեմոկրատիայի Լոնդոնի վերջին համագումարի կողմից. սա մատնանիշ անելով և դատապարտելով երկրորդ Դուժայի սոցիալ-դեմոկրատ Փրակցիայի անուշադիր վերաբերելը ազգային և տեղական ինքնօրինութեան պահանջներին, պարտաւորեցնում էր առաջիկայում աւելի հետաքրքրութիւն և եռանդ ներքի այդ կենսական խնդիրներին: Բայց երկրորդ Դուժայի սոցիալ-դեմոկրատ Փրակցիայի համար արդէն ուշ էր այդ ազգաբարումը... Դուժան շուտով փակեց, Փրակցիան ցրեց:

Միւս կողմից, Հարաւային Կովկասի կեարնական և արևելեան շրջաններից (Ռուսական Հայաստանից և Քաթաշտանից) ընտրւած թաթար պատգամաւորները ընդհանրապէս հետու լինելով ներկայ խնդրի նկատմամբ տեսականօրէն որ և է մտածւած բազաքական հայեացք ունենալուց, իրօք տրամադրութիւն էին ցոյց տալիս (Թերևս անդիտակցարար) հակառակելու համայն Հարաւային Կովկասեան հայեցակէտին և ինքնօրինութեան պահան-

Դուժայում արժանի ներկայացուցիչներ, մեր ժողովրդի դարդն ու ցար հասկացող իսկական պատգամաւորներ: Նպատամատոյց կոմիտէի նիստին վրացի սոց.-դեմ. պատգամաւորների բացակայութեան առիթով նոյն թերթը հարցնում է. չոք էին ապա այդ ժամանակ Գուբայիսի և Քիֆլիսի պատգամաւորները: Ամբողջ Վրաստանը Պեռ. Դուժային աւել է 8 պատգամաւոր. այդ ինչ մի արտակարգ բան էր պատահել, որ ութն էլ կարևոր էին համարել մի ամսով բացակայել Պետերբուրգից (Լոնդոն), այն էլ այնպիսի մի կարևոր ժամանակ: Դժբախտութիւնը նրանումն է, որ յիշեալ 8 պատգամաւորները իրենց կուսակցական զանազան խնդիրներն աւելի են դերադասում, բան մի ամբողջ երկրի, ամբողջ ժողովրդի կարիքը: Հակառակ պարագայում, եթէ արանք իսկական ներկայացուցիչներ լինէին, անշուշտ իրենց ընկերներից մի մասին կը թողնէին Պետերբուրգ ներթական խնդիրները պաշտպանելու: Մովեալներին օգնելու գործուս բանն այն վիճակին հասցրին, որ Արևելեան Կովկասի ներկայացուցիչները ստիպւած էին իրենց վրայ վերցնել Վրաստանի ժողովրդի շահերի պաշտպանումը: Լանչխութի գործը քննելու ժամանակ ամօթաճար եղան, չկարողանալով իրենց իսկական դերում մնալ: Երբ խօսուում էր խաղաղացնելու համար կոչւած գորբի արարմունքների մասին Վրաստանում, մեր սոց.-դեմոկրատիան նրապարտի եկաւ. Դուժայում ամբողջ աշխարհի առաջ շատ թոյլ կերպով, որից աւելի շահեց կառավարութիւնը... «Վրաց ժողովուրդը անարժան մարդկանց ձեռքն է աւել իր շահերի պաշտպանութիւնը», վերջացնում է ընտրիչը: «Ժժայ» № 7): Վրացի ֆեղերալիստների այս դատաստանը վրացի սոց.-դեմոկրատ պատգամաւորների գործունէութեան մասին ունի չափազանցութեան կէտեր, բայց առաջ բերւած փաստերի ճշմարտութիւնը ժխտել անկարելի է:

ջին, և իրենց թէ կոտակցական կազմակերպմամբ \*), թէ ճառերով ու քայլերով սոսկ մահճեղականութեան և թախարութեան աչն էլ գլխաւորապէս Ֆէոդալ ու բուրժուայ դասակարգերի, շահերի ու պէտքերի ներկայացուցիչ էի հանդիսանում:

Սոցիալ-դեմոկրատ և մահճեղական պատգամաւորներն այս արամադրութեան պատճառով անյաջողութեան հանդիպեց դահակցականների նախաձեռնութեամբ առաջին անգամ երկրորդ Գումայում կատարած փորձը՝ կովկասցի պատգամաւորներին ընդհանուր ժողովի հաւաքել կարծիքներ փոխանակելու, բանակցելու և խորհրդակցելու: Թէ կովկասեան ինքնօրինութեան և թէ այդ երկրին վերաբերեալ մի բանի կարևոր ընդհանուր (օրգանաւոր և առհասարակ կառավարչական և կազմակերպչական) խնդիրների համար անհրաժեշտ էր միմեանց հայեացքների տեղեակ լինելը, և եթէ հնարաւոր լինէր, այդ բեֆօրմիսերի և պահանջների գոնէ հիմունքների վերաբերմամբ որոշ չափով խօսքի գալը: Վրաստանի սոցիալ-դեմոկրատները գլուխ չը դրին մեր դիմումին. պարզ երևում էր, որ այս խնդիրը բոլորովին դուրս էր նրանց ուշադրութեան սահմանից: Կովկասցի մահճեղականները թէև չը հրաժարեցին մեր հրաւերը ընդունելուց, համաձայնեցին ժողովի գալու և մինչև անգամ երկու անգամ որոշ տեղ և ժամ նշանակեցին, բայց չեկան, և ընդհանրապէս ինչ որ կասկածամիտ անփոտահութեամբ խոյս աւին միասին խորհրդակցելուց և բանակցելուց: Երբ դահակցականներս սոժամանակ ձեռք վերցրինք

\*) Երկրորդ Գումայում 34 մահճեղական պատգամաւոր կար, որոնցից 6-ը Հարաւ. Կովկասից էին (Երևանի, Գանձակի և Բագրի նահանգներից. բացի այդ 6-ից երկու մահճեղական պատգամաւոր էլ կային Գաղստանի և Չարթալի նահանգներից ընտրած): 2ը նայելով հայեացքների և դասակարգային շահերի տարբերութեանը, սկզբում բոլորը մի խումբ կազմեցին Գումայում Վահճեղականների խումբ: Յմբի մեծամասնութիւնը բաւականին չափաւոր աշխարհայեացքի տէր պատգամաւորներից էր կազմած, որոնք եթէ կազմաներին էին յարել և ենթարկել, այդ որոշ ազգային—կրօնական պահանջների ինքնօրինութեան շնորհիւ էր, որ անկարելի էր դարձնում Գումայի չափաւոր աջակողմին միանալը: Սակայն խմբում կային և աւելի ձախակողմեան արամադրութեան ներկայացուցիչներ, զլխաւորապէս Ռուսաստանի մահճեղականներից ընտրած. լուրջ խնդիրներում սրանք անջատոււմ էին միւս մահճեղական պատգամաւորներից ձայնատուութեան ժամին: Մի ժամանակ խումբը կարծես քայքայելու վրայ էր ներքին տարասեռութեան պատճառով: Այս առիթով

այդ ըստ երևութին ապարդիւն ձեռնարկից, սոցիալ-դեմոկրատ պատգամաւորներից մէկը (Լոմթաթիձէ) իր նախաձեռնութեամբ, առանց իր համակուսակից ընկերների համաձայնութեան, ժողովի հրաւիրեց մեզ և թաթար պատգամաւորներին: Այս անգամ կովկասցի մահմեդականներն եկան. ժողովը կայացաւ: Բայց էլի գործը պլուխ չեկաւ, և այդ առաջին ժողովը նաև վերջինն եղաւ:

#### IV.

Դաշնակցական պատգամաւորների գործունէութիւնը Դուժում նկարագրելու համար յարմար կը լինէր աչքի անցկացնել ժամանակագրական հերթով երկրորդ Դուժայի պատմութեան ընթացքը՝ յիշատակելով դաշնակցականների ունեցած համեաւ մասնակցութիւնը:

Դաշնակցութեան խմբակի անդամները ամբիոն են բարձրացել Դուժայի 12 նիստում \*), ընդամենը 16 անգամ (Սաղաթիլեանը—6 անգամ, Տէր-Աւետիքեանը—4, Տիգրանեանը—6), անդամ են ընտրուել և աշխատել յետագայ 8 յանձնաժողովներում՝ Սաղաթիլեանը 1) Հողի, 2) Տեղական Դատարանի և 3) Տեղական ինքնավարութեան. Տէր-Աւետիքեանը—Մատակարարողական (продовольственная), Տիգրանեանը—1) Քղճի ազատութեան, 2) Ժողովրդի լուսաւորութեան, 3) Ամնիստիայի և 4) Սոցիալ-դեմո-

մահմեդական պատգամաւոր Շահթաթիւնսկին, զժողովով իրենց խմբի աւելի արմատական անդամներից, գրում էր «Русь» օրնաթերթում (ապրիլի 20-ի համարը). «մեր մուսուլման ֆրակցիան իւր ներկայ կազմով ներքին խոր աւարտայնութեան ու պառակտման պատճառով անընդունակ է գործելու. մենք մուսուլմաններս նոյնպիսի մահկանացուներ ենք, ինչպէս ուրիշները. ուստի մենք էլ, բոլոր մարդկանց նման, միասին արդիւնաւէտ աշխատել կարող ենք միայն այն դէպքում, երբ միացած կլինենք այնպիսի խմբերում, որոնք համերաշխ հասարակական-քաղաքական աշխարհայեացքի տէր անձերից կազմւած կլինեն»: Այս ճիւղաւորումը արդէն սկսել էր կատարել մահմեդական խմբում, մանաւանդ չողի հարցի զրգումը: Դուժայի գործունէութեան ընթացքում աւելի ձախակողմեան ուղղութեան հետևողները անջատուեցին և միացան աշխատաւորականների ու ժողովրդական սոցիալիստների խմբերին: Կովկասցի մահմեդական պատգամաւորները խմբի աջակողմը և ղեկավարները հանդիսանալով՝ մինչև վերջն էլ Յացին մահմեդականների խմբում:

\*) Երկրորդ Դուժայի բոլոր նիստերի ընդհանուր թիւը 53 էր:



կրատ պատգամաւորներին դատի ենթարկելու յանձնաժողովներում: (Բացի դրանից Տիգրանեանը նախագահ ընտրեց Դումայի IX-րդ Բաժնում (ОТДѢЛЪ):

Յետագայ տողերը թող ցոյց տան մեր բայլերի պատկերը Դումայում:

Ընտրութիւնները վաւերացնելու նարցը: Դումայի հէնց առաջին նիստերից մէկում (հինգերորդ, 6 մարտի), երբ քննուում էր պատգամաւորների ընտրութիւնների օրինաւորութիւնը, հարց ծագեց, թէ ի՞նչ հիման վրայ փոխարքայի կարգադրութեամբ Երևանի ու Գանձակի նահանգական ընտրական ժողովները երկու մասի են բաժանուել ըստ պատուիրակների կրօնի, իսկապէս ազգութեան, և այնուհետև պատգամաւորների ընտրութիւնը առանձին-առանձին կատարել: Այս հարցը յարուցանողների նպատակը յիշեալ նահանգների ընտրութիւնը բեկանելը, չվաւերացնելը չէր, այլ ստուգելը, արդեօք Կովկասի փոխարքան ունէր իրաւունք պատուիրակների այդպիսի մի բաժանում անելու, թէ այդ նրա կողմից մի ապօրինի հակաստեմանադրական միջամտութեան քայլ պէտք է համարել: Խնդիրն այն է, որ ոչ ընդհանուր ընտրական Պոլս-ժենիէում, ոչ Կովկասի յատուկ ընտրական օրէնքում այդ բաժանման մասին ոչինչ չկար տեսած, այդ բաժանումը սահմանուած էր կայսերական առանձին հրովարտակով: Եւ ահա աւարկողներն ասում էին, թէ այդպիսի իրաւունք փոխարքային բարձրագոյնս տրւած է եղել միայն առաջին Դումայի ընտրութիւնների համար. իսկ թէ այս անգամայ (Բ. Դումայի) ընտրութիւնների ժամանակ փոխարքան այլևս իրաւունք չէ ունեցել այդպիսի բաժանում կատարել տալու:

Ընդունելով պատուիրակներին երկու ընտրական կուրիայի բաժանելու կարգը պտտօրցիտնէլ ընտրութեան մի որոշ տեսակ, օրով գործող անկատար ընտրական կարգերի ժամանակ ապահովում է նահանգի փոքրամասն ազգութեան ներկայացուցչութեան իրաւունքը (թաթարներինը Երևանի և հայերինը Գանձակի նահանգում), զաշնակցական պատգամաւորները պաշտպանեցին յիշեալ նահանգներում երկու առանձին կուրիաներով ընտրութիւն կատարելու ձևը: Պատգամաւոր Տիգրանեանը ծանօթացնելով Դումային այդ եղանակի հետ, մատնացոյց արեց, որ այդ



բաժանուժը ազգարնակութեան և ընտրութեան շահերի տեսակէ-  
տից նպատակայարմար մի կարգ է, որ գոյութիւն ունի ժողո-  
վրդի ցանկութեան համաձայն և թերևս փոխարքայի արածա-  
դրութեան հակառակ, և որ բանի որ այդ առիթով չկայ և ոչ մի  
բողոք, ոչ մի դանդաւ թէ կառավարութեան և թէ մանաւանդ  
ժողովրդի կողմից, ապա տարօրինակ բան կլինէր եթէ Դուժան  
մերժէր այդ եղանակը և բեկանէր ընտրութիւնը: Պատգամաւոր  
Սաղաթէլեանը յիշեցրեց, որ Դուժան ձեռագաշտ լինելու չէ և նոյն  
խօսք սենատից էլ անձուկ մեկնելու չէ օրէնքի իմաստը. որ պէտք  
է ի նկատի աւնել, թէ ի՞նչն է եղել պատիրակներին երկու կու-  
րիայի բաժանելու պատճառն ու նպատակը. պատմական ձախտրդ  
պայմանների արդիւնքների հետ ժաքաւելն անհրաժեշտ է, և եթէ  
յիշեալ կարգը չլինէր, այն ժամանակ երևանի նահանգը կմտար  
առանց թաթար պատգամաւորի, իսկ Գանձակինը առանց հայ  
պատգամաւորի. միթէ Դուժան կկամենայ զրկել այդ երկու ազ-  
գերին յիշեալ նահանգների իրենց ներկայացուցիչներէր:

Դուժան յետաձգեց այդ երկու նահանգների ընտրութեան  
քննութեան խնդրի լուծուժը յետագայ նիստերից մէկին. բայց  
մինչև Դուժայի փակուելը այդ հարցը այլևս հանդէս չեկաւ, և ընտ-  
րութեան այդ եղանակի վաւերացման խնդիրը մնաց առկախ...  
Հին ընտրական օրէնագրութեան վերացմամբ և յունիսի 3-ի նոր  
«օրէնքի» հրատարակմամբ այդ հարցը և վէճը լոկ պատմական  
հետաքրքրութիւն կարող է ունենալ այսուհետեւ \*):

Մտտութարարական գործը: Դուժայի 6-րդ և 7-րդ նիստերում  
(մարտի 7 և 9) քննուժ էր սովեալների օգնութեան գործի հա-  
մար յատուկ յանձնաժողով ընտրելու խնդիրը: Ընտրութեան ոչ  
միայն ոչ որ հակառակ չէր, այլ բոլորը միարեւան շեշտուժ էին  
այդ գործի և յանձնաժողովի կարեւորութիւնը: Միայն թէ, մինչ-  
դեռ կաղէտ պատգամաւորները աջակողմեանների և մինիստր

\*) Ինչ վերաբերում է նոր «օրէնքին», նրա 26-րդ յօդուժը որոշակի  
կերպով լուծուժ է այդ հարցը սահմանելով, որ Վաղուի, Գանձակի և երևա-  
նի նահանգների ընդհանուր ընտրողական ժողովը երկու մասի է բաժանուժ.  
մէկ մասը կազմուժ են մանկեղան պատիրակները, իսկ միւսը—մնացած  
պատիրակները: Իւրարանչիւր մասը Պետ. Դուժայի մի-մի անդամ է ընտ-  
րուժ իր միջիցը:

Մտօլիպինի հետ միասին մտտակարարողական յանձնաժողովի կոչուածը սահմանափակուած էին լոկ հաշուետութեան պաշտօնով, ձախակողմանները ընդարձակ և հիմնական մի դեր էին ուղումկտտաբել տալ այդ նպատամասայց յանձնաժողովին. այսինքն, որ նա ոչ միայն Պետերբուրգում նստած՝ բիւրոկրատիայի ներկայացրած թղթերն ու հաշիւները քրքրէ ու քննէ, այլ նաև տեղումը, գաւառներում ստուգէ կառավարութեան կատարածը սովի խնդրում, և կազմակերպէ կարօտեալ ժողովրդին նպաստելու կենդանի գործը: Այսպէս ձեակերպելով իր առաջարկը, ձախակողմը այն համոզմունքով էր զեկավարում, որ այդ է նախ և առաջ առաջիկայ գործի միակ նպատակայարմար և բանաւոր կազմակերպումն եղանակը, որը միևնոյն ժամանակ յարմար հնարաւորութիւն է տալիս կենդանի կապ հաստատելու Գումայի և ժողովրդի միջև, այն էլ այսպիսի մի փափուկ, սրտի մօտ գործում: Վերջապէս, դա զեղեցիկ առիթներից մէկն էր, ժողովրդի լայն խաւերը կազմակերպելու գործի համար, և ինքնօգնութեան ու ինքնագործութեան կոչելու մասաներին:

Այս տեսակէտի վրայ էին կանգնած ձախակողմանների հետ դաշնակցական պատգամաւորները: Տիգրանեանը յիշեցնելով Գումային, որ ներկայումս ամբողջ Հարաւային Կովկասում Սև ծովից մինչև Կասպից ծովը շատ գաւառներում սով է, որի մասին զբժրախտարար ուստաց մամուլում քիչ բան է գրում, իր կողմից մի ցուցում արեց կազմակերպ յանձնաժողովի կազմի մասին: Նա առաջարկեց, որ Մատակարարողական յանձնաժողովում, որի նպատակը սովիակներին իրական օգնութիւն հասցնելու գործի կենդանի կազմակերպելն է տեղումը, բաւականաչափ զիտակ օնդամներ լինեն, տեղեակ այն բաւոր վայրերին, ուր որ Գուման սովի հետ գործ է ունենալու. հետեապէս անհրաժեշտ է, որ Մատակարարողական յանձնաժողովում ըստ կարելոյն շատ լինին սովից տառապող վայրերից եկած պատգամաւորները. օգնութիւն մատակարարելը մի տեխնիքական գործ է, որի եղանակը որոշել կարուին միայն նրանք, ովքեր որ լաւ ծանօթ են տեղական պայմաններին:

Սաղաթէլեանը առարկեց կողէտների, առանձնապէս Ռոպիչևի, սահմանափակող առաջարկի գէմ: Նա մատնանիշ եղաւ, որ կողէտների առաջարկը յենուում է հին կարծիքի վրայ, իբր թէ

գործել կարելի է միայն իշխանութեան ցուցումների և հայեցողութեան համաձայն, որ Գուման ըստինքեան կատարելապէս անձարութիւն է և անկարող է մի բան անել: Սաղաթէլեանը բացարեց նաև Անդրկովկասի սովի առանձնայատուկ պատճառները: «Գուք անրերրիութեան ու տարերային ձախորդութեան հետեանքներից էք խօսում: Ահա հարիւր տարի է, որ մեր երկիրը նուաճել և միացել է կայսրութեանը: Մեր Անդրկովկասի կլիման չորային է. սարսափելի անրերրիութիւն ու երաշտներ են լինում: Մեղանում բերքի կէսը ձորգժան հետ է կապւած և միայն մասամբ կախւած է օդի խոնաւութիւնից: Պատահել է, որ մեզանում հացի փութը 7 բուրլու է հասել, բայց և այնպէս մենք երբէք պետութեան օգնութեան դիմած չենք: Պետութիւնը մեզ երբէք օգնած չէ. մենք մեր միջոցներով ենք եօլա դնացել: Այս իրողութիւն է: Այժմ մենք հարկադրւած ենք ձեզ ձեռք մեկնելու և խնդրելու ոչ միայն հաց, այլ նաև յարկ և ապաստարան»:

Տէր-Աւետիքեանը Գումայի ուշադրութիւնը զարձրեց, որ Գանձակի նահանգը Անդրկովկասում ամենից շատ է տուժել սովից, որովհետև նա էր եղբայրասպան թշնամութեան, կուրի և թաթարական հալածանքների զլխաւոր ասպարէզը, սարքած բիւրուկրատիայի յանցապարտ ձեռքով: Ճառախօսը ընդգծում է, որ հայ-թաթարական ընդհարումների հեղինակների միմիայն արժանաձր ու խառագոյն պատիժը կարող է մեզ բաւարարութիւն տալ և վերջ դնել մեր գանգատներին: Գահակցական պատգամաւորը յիշատակեց, որ սովը նոյնչափ դաժան է նաև Քուխայիսի նահանգի երեք գաւառներում. այնտեղ էլ այժմ սովատանջ շրջանները շուտափոյթ օգնութեան են կարօտ:

Մատակարարողական յանձնաժողովի անդամ ընտրեց զահակցական խմբակից Ստ. Տէր-Աւետիքեանը:

Երկու ամիս անցած մատակարարման խնդիրը կրկին հանդէս եկաւ Գումայի ընդհանուր նիստում (37-րդ, մայիսի 11-ին). մինիստրութիւնը դիմել էր Գումային հաստատելու այդ գործում իր կատարած աւելի ծախսերը (17,5000,000 ռ.) և 5,000,000 ռ էլ նորից յատկացնելու սովատանջ ժողովրդին սնունդ և բժշկութիւն հասցնելու համար: Այս նիստում խօսեց Սաղաթէլեանը. նկարագրելով տիրող կարգերը, բիւրոկրատիայի վերաբերմունքը դէպի հասարակական աղէտները և յատկապէս դէպի սովը, և



առանձնապէս կովկասի մասին շեշտելով նա ասաց. «Անդրկովկասը առաջ երբէք կառավարական փոխառութիւն չէ ստացել. խիստ հազագիւտ դէպքերում միայն չնչին գումարներ էին նրան շնորհում, և այս տարի չը նայած կովկասի խիստ կարօտութեանը 173,000,000 ռուբլուց ընդամենը 1,000,000 է տրւած Անդրկովկասին:

Մատակարարման գործում թէ յանձնաժողովում և թէ Դուժայից գուրս դաշնակցական խմբակի կատարածի մասին թող տեղեկացնէ ընկեր պատգամաւոր Ստ. Տէր Աւետիքեանի յետագայ զեկուցումը.

«Երբ ընտրուեց մատակարարողական յանձնաժողովը և սկսեց իր գործունէութիւնը, իսկոյն և եթ պարզուեց, որ այդ գործունէութիւնը զրւած է շատ նեղ շրջանակի մէջ, որի սահմաններում էական բան անել յօգուտ սովետների, անկախ կառավարութիւնից, համարեա անհնարին է: Յանձնաժողովը իրաւունք չունէր սովատանջ վայրերի հետ անմիջական յարաբերութիւնների մէջ մտնել, ուղարկել այնտեղ իր անշամներից, ծանօթանալ կարիքի շափի ու ծաւալի հետ, տեղի ունեցած զեղծումների հետ, ու կազմակերպել մատակարարման գործը տեղական հասարակական ոյժերի մասնակցութեամբ, ազատ կառավարութեան վերահսկողութիւնից: Յանձնաժողովը իրաւունք չունէր նոյն իսկ նրա իրել իր նիստերին կողմնակի բանիմաց ու ձեռնհաս անձանց, ծանօթ սովատանջ վայրերի հետ, այնտեղ գործած կամ գործող, ծանօթ թէ գոյութիւն ունեցող կարիքներին և թէ մատակարարման գործի տեխնիկային. յանձնաժողովի առաջին երեք նիստին այդպիսի անձինք մասնակցեցին, որոնք գնահատելի տեղեկութիւններ աւին. սակայն կառավարութիւնն այդպիսի բանիմաց մարդկանց մասնակցութիւնն անպայման ազգելեց: Այդպիսով մատակարարական յանձնաժողովը դարձաւ ոչ թէ Ռուսաստանի բազմամիլիոն սովետներին կանոնաւոր օգնութիւն հասցնելու գործը, սովի զէմ մղող կոխը զեկավարող գերագոյն մի մարմին, այլ սովետների համար ներքին գործերի մինիստրութեան մօտ միջնորդող մի հաստատութիւն, մի մարմին, որը իրաւունք ունէր միմիայն ներքին գործերի մինիստրութեան «զեմակի» բաժանմունքի, մատակարարողական գործը զեկավարող հաստատութեան, ուշադրութիւնը դարձնել այս կամ այն սովետ վայրի վրայ՝ առաջարկելով շու-



տափոյթ օգնութեան հասնել նրան, ուղարկել այսքան կամ այնքան գումար: Մատակարարողական յանձնաժողովը մինչև Գումայի ցրումը չը կարողացաւ ներքին գործերի մինիստրութիւնից, չը նայած վերջինիս գրական խոստումներին, ստանալ այն փաստաթղթերը, որոնցով կարելի էր լոյս սփռել մատակարարման գործի մօտաւոր անցեալի վրայ, երբ այդ գործի զեկը ու բոլոր թելերը գտնուում էին Գուրկոյի ու իւրայինների ձեռքին, որոնցից շատերը մնում են չարարաստիկ մատակարարման գործի զեկավարների զերում... Ի՞նչպէս կարող են թոյլ տալ նրանք, որ այդ լոյսն սփռուի այնպիսի մութ գործերի վրայ, ինչպիսիներն են օր. տասնեակ միլիօնների պայմանագրերը զանազան հացափաճառների հետ կապած մի քանի շինօֆիսիկների ձեռքով սովատանջ վայրերին հաց մատակարարելու, և այդ բոլորը (անցեալ 1906 թ. յուլիսի վերջերից մինչև օրս մատակարարման գործի անունով ծախսուած է պետական գանձարանից 172 միլիօն ռուբ.) առանց հասարակութեան, մամուլի, հասարակական հաստատութիւնների վերահսկողութեան, կատարուած է մի քանի մարդկանց ձեռքով կանցելիարիաների խորհրդաւոր մշուշում...

«Լաւ իմանալով, որ Գուման ցրելու է այսօր-վաղը, մեռնելու է իր բոլոր յանձնաժողովների հետ միասին, մինիստրութեան պաշտօնեաները այսօր-վաղն անելով, այնքան ձգձգեցին մատակարարման գործին վերաբերող փաստաթղթերի յանձնումը Գումայի յանձնաժողովին, որ վերջինս իրեն ծնող պառլամենտի հետ միասին փչեց իր վերջին շունչը, ու այդպիսով բազմաթիւ ու քաղմապիսի Գուրկոները ազատեցին իրենց անպատասխանատու շէֆերի հետ միասին անարդանքի սիւնից...

«Սկզբից մինչև վերջը մասնակցելով մատակարարողական յանձնաժողովի պարապուճքներին, միշտ նրա ու նրա նիստերին ներկայ գտնուող ներքին գործերի մինիստրութեան պաշտօնեաների ուչադրութիւնն եմ հրաւիրել Անդրկովկասի սովատանջ վայրերի վրայ, որոնք մինչև Գումայի հրաւիրելը կառավարութեան կողմից աչքաթող եղած, ժողացուած են եղել համարեաւ Բացի բերանացի դիմումներից ներկայացրել եմ նաև մի գրաւոր զեկուցում, որի մէջ նկարագրուած է անդրկովկասեան բոլոր սովեաների գրութիւնը առանց ազգութեան ու կրօնի խտրութեան.

նկարագրել եմ նաև Վրաստանում տիրող սոփն ու տնտեսական քայքայումը: Յանձնաժողովը, որի մեծամասնութիւնը կազմում էին կազէտներն ու աջակողմեանները, մինիստրութեան պաշտօնեաների հետ միասին միշտ առարկում էր ինձ, որ իմ դիմումների ու զեկուցման մէջ նկարագրեամ իրականութիւնն իր ամբողջ ծաւալով չէ հաստատում այն տեղեկութիւններով ու զեկուցումներով, որոնք ստացել ու ստացւում են ներքին գործերի մինիստրութեան մէջ կողկասի փոխարքայից, որը սովի գոյութիւնը Վրաստանում բոլորովին չէ հաստատում:

Չախակողմեան պատգամաւորները ինձ հետ միասին առարկում էին, որ աւելի պէտք է հաւատալ պատգամաւորին, երկրի ներկայացուցիչներին, քան ռատիկանական պաշտօնեաների սխալ, տենդենցիոզ տեղեկութիւններին, բայց այդ չէր անցնում: Յանձնաժողովի մեծամասնութիւնը ու կառավարութեան ներկայացուցիչները ընդունելով, որ իմ դիմումները, իբրև պատգամաւորի այն վայրերին վերաբեւոյզ գիմումներ, որտեղ սովի ու տնտեսական քայքայման գոյութիւնը հաստատում են նաև փոխարքայի դիմումներով, բնականաբար աւելի ոյժ են տալիս վերջիններին ու աւելի համոզիչ զարձնում նրանց կառավարութեան համար, վճռական նշանակութիւն տալիս էին փոխարքայի դիմումներին:

Եկազէտներն իրենց պարզերես էին անում նրանով, որ կովկասում զեմստոյի հաստատութիւններ կամ ուրիշ համանման լեզալ կազմակերպութիւններ չը կան, որոնց տեղեկութիւնները իրանց աչքում մեծ գին կունենային: Ուստի իրանք, լսելով իմ գիմումները, ստիպւած են ուշադրութեան առնել փոխարքայինը նաև, ու նրանց շաղկապմամբ գալ որոշ եղրակացութիւնների \*): Այդ ի նկատի ունենալով, յանձնաժողովի մեծամասնութիւնը չընդունեց իմ առաջարկութիւնը (Գաշնակցական խմբակի որոշման համաձայն) Չատկից առաջ սովիախների համար անդառնալի նպաստ բաց թողնուող վեց միլիոն ըուրլուց սրոշ բաժին յատ-

\*) Դեռ մարտ ամսին դիմել էինք Քիֆլիսի նպատամատոյց Մանաժողովին, նրա ճիւղերին այլ և զաւստական մարմիններին փաստացի տեղեկութիւններ և որոշ թւեր խնդրելով սովի և կարօտութեան չափի այլև օգնութեան անհրաժէշտ միջոցները մասին. բայց մինչև վերջն էլ ոչինչ չստացանք:

կայնել առանձնապէս Անդրկովկասի սովեախներին, առարկելով, որ գումարը տարողութիւն տրոււմ է կետրոնական բարեգործական նպաստամատոյց կոմիտեաի տրամադրութեան տակ, որից կարելի է Անդրկովկասի սովեախների համար բաժին պահանջել: Յանձնաժողովի անդամ արուղտովիկ պատգամաւոր Զախարովը իմ գրաւոր զեկուցումը լսելուց յետոյ առաջարկեց, աչքի առաջ ունենալով Անդրկովկասում տեղի ունեցած արհաւիրքները, որոնց պատասխանատուութիւնը բնկնում է զլիսաւորապէս կառավարութեան վրայ, ու նրանց հետեւած սոսկալի կարիքը՝ ոչ-կովկասցի պատգամաւորներից երկու լիազոր ուղարկել Անդրկովկաս ծանօթանալու համար այնտեղի իրականութեան հետ նրա այդ առաջարկը, որին միացան բոլոր ձախակողմեանները, չընդունեց: Յանձնաժողովի նախագահ բժ. Գոլժենկովը յանձն էր անում իր կամ յանձնաժողովի անունից միջնորդել ներքին գործերի միջնորդութեան առաջ նաև Անդրկովկասի սովեախների համար. ևս էլ իմ կողմից տուանձնակի միջնորդութիւններ էի անում, հիմնւելով այն խնդիրների վրայ, որոնք անընդհատ ստացւում էին Անդրկովկասի հայ ու թուրք սովատանջ զիւղական համայնքներից: Այսպէս կամ այնպէս այս միջնորդութիւնները որոշ չափով ազդում էին կառավարութեան վրայ, որը և աշխատում էր փոխարքայի զիմուհներին լիովին բաւարարութիւն տալ: Մինչև Գոլժայի գումարելը՝ կառավարութիւնը փոխարքայի զիմուհներին աննշան չափով էր բաւարարութիւն տւել. մեծ մասամբ մերժել էր, մինչև Գոլժայի գումարելը փոխարքային փոխադրել է 252,502 ռուբլի, իսկ Գոլժան գումարելուց յետոյ մինչև նրա գոյութեան վերջը 828,498 ռ. այդ գումարի համարեայ 80% -ը փոխադրել է բացառապէս Գանձակի ու Երևանի նահանգների սովեախների համար,

«Կետրոնական բարեգործական նպաստամատոյց կոմիտեաի տրամադրութեան տակ գրւած 6 միլիոնից (այդ կոմիտեաին, որի մայրիւ 7-ի նիստին հրատարակւած էինք ևս ու Շահթախթիսակին, ուր վերջում եկան նաև պատգամաւորներ Սաղաթէլեանն ու Աթարէկեանը, ներկայացրի ևս մի գրաւոր զեկուցում կովկասեան սովի մասին. զեկուցումը կրճատուհներով տպւած է «Рѣчь» լրագրի 118-րդ №-ում, մայրիւ 22-ին) ուղարկւել է Անդրկովկաս բաժանելու սովեախներին իրրն անդառնալի նպաստ 140,000 ռ.,



որից 8 հազար ր. Գանձակի նահանգի սովհաշներին համար, 40 հազարը Երևանի ու 20 հազարը Բագրի ու Թիֆլիսի: Համաձայն մեզ աւած իր պաշտօնական խոստման ու Դուռայի Մատակարարողական Յանձնաժողովի միջնորդութեան (մայիսի 20-ից) կետորոնական կոմիտէտը նոյն 6 միլիոնից պէտք է փոխադրէր Անդրկովկաս 260 հազարից մինչև 360 հազար նոյն ձևով նպաստելու սովհաշներին:

«Մինչև Դուռայի ցրումը կառավարութիւնը, որը քանիցս անգամ մերժել էր Փոխորքային հայ-թուրքական ընդհարումներից աւերած գիւղերի վերաշինման համար պահանջուող կրեդիտը ու որը փոխեց իր հայեցակէտը մեր տեսակցութիւնից յետոյ (ապրիլի 21-ին) Ստոլիպինի հետ, որտեղ էր Դուռայից 1,275,000 րուբլի կրեդիտ պահանջել՝ նպաստելու համար փոխարինարար Գանձակի ու Երևանի նահանգների այն հայ ու թուրք գիւղերին թւով 211, որոնք փասուել են թուրք-հայկական ընդհարումներից: Մատակարարողական Յանձնաժողովը, համաձայն իմ զեկուցման, որտեղ էր իր կողմից միջնորդել բիջէտային յանձնաժողովի առաջ, որ վերջինս իր կողմից առաջարկէր Դուռային այդ գումարը տալ աւերած գիւղերին ոչ թէ փոխարինարար, այլ իրբնանդառնալի նպաստ: Դուռայի ցրումը այդ կարևոր նպաստի հարցը թողեց առանց լուծման:

«Ներքին գործերի մինիստրութիւնը, ուր ուղղւած են այն բոլոր խնդիրները (խսկականները, մեծ մասամբ հայերէն կամ թուրքերէն գրած, մնում են ինձ մօտ. ներկայացրել եմ նրանց բովանդակութիւնը իմ պաշտօնական գրութիւններով), որ ստացել ենք Դուռայի գոյութեան ընթացքում Անդրկովկասեան սովատանջ նահանգների (մեծ մասամբ Գանձակի ու Երևանի) զանազան հայ ու թուրք գիւղական համայնքներից, հաստատապէս խոստացել էր Մատակարարողական Յանձնաժողովին (վերջին անգամ պաշտօնապէս խոստում տուց «զեմսկի» բաժանմունքի կառավարչի օգնական Պալոսովը մայիսի 20-ի նիստում) ամենաուշը մինչև յունիսի վերջը փոխադրել Անդրկովկաս մաս-մաս կամ ամբողջովին փոխարինարար սովհալ գիւղերին նպաստ տալու համար 36,000 րուբլի: Այդ խոստումը մինչև Դուռայի ցրումը չէր կատարւած. կը կատարւի՝ արդեօք այսուհետեւ, այդ կախւած է



միմիայն կառավարութեան հայեցողութիւնից ու տրամադրութիւնից:

«Աւելին անել Անդրկովկասի սովիախների համար տիրող պայմանների մէջ—անհնարին էր»:

Հողի խնդիրը: Ինչպէս բովանդակ Ռուսաստանի ժողովրդի սուարագոյն մասի կեանքում, այնպէս էլ Բ. Դումայում կետրոնական հարցը—հողի խնդիրն էր: Արտակարգօրէն ուշադրաւ այդ հարցի կենսական կարևորութիւնը ու ծանրակշիռ լրջութիւնը խորհրդաւոր, ակնկալութիւններով լի մտածմունքների ու յուզումների անսպառ աղբիւր էր հանդիսանում:

Բացի Դումայի ընտրած հողի բազմամարդ Յանձնաժողովից (99 հոգուց) գրեթէ բոլոր Ֆրակցիաները կազմել էին իրենց յատուկ (կուսակցական) Հողի Մասնաժողովները: Այդպիսի մի մասնաժողով կազմել էր նաև սոց.-յեղափոխականների ու զաշնակցականների Դումայի միացեալ խմբին կից՝ սոց.-յեղ. կուսակցութեան պատկանող մասնագէտ և գիտակ անձերից. Դաշնակցական խմբակի կողմից այդ մասնաժողովում աշխատում էր պատգամաւոր Սաղաթէլեանը: Միացեալ խմբակի այդ մասնաժողովի յօրինած Հողի օրինագիծը առաջարկեց Դումային նոյն խմբի կողմից (օրինագիծը ամբողջութեամբ տպագրեց «Русь» օրաթերթի № № 121, 122, 3 և 4 մայիսի 1907 ամի: (Տես Յաւելածում):

Սակայն լոկ հողատիրութեան նոր եղանակները ձևակերպող ընդհանուր և հիմնական օրինագծով բուսականանալ չէր կարելի: Վերին աստիճանի բարդ, կնճոռոտ, խճճւած և ծանրակշիռ հողի խնդիրը անյետաձգելի, անյապաղ, բայց արմատական լուծում է պահանջում, որը շտապովի ու վայրիվերոյ չպիտի կատարէր, այլ ակնածոտ ուշադրութիւն ու խնամոտ բարեխղճութեամբ կատարւած գործնական ուսումնասիրութիւն էր պահանջում: Մի հարց, որ համայն ազգարնակութեան ամենակենսական շահերն է շօշափում խորապէս, երկրի միայն կետրոնական Դումայի ձայնատուութեամբ չպիտի ստանար իւր վճիռը. անհրաժեշտ էր ամբողջ ժողովուրդը հրաւիրել և գործօն ու ազդեցիկ մասնակից դարձնել այդ խնդրի տնօրինմանը: Անհրաժեշտ էր տեղական կոմիտէներ կազմակերպելը ժողովրդական ընտրութեամբ, որոնք թէ խորհրդածելու էին այն հիմունքների մասին, որոնց համաձայն պէտք է լուծել հողի խնդիրը, և թէ մշակելու էին այդ

յուծման գործնական միջոցները տեղական առանձնայատուկ պայմաններն աչքի առաջ ունենալով: Այս մտքով սոց.-յեղ. և դաշնակցականների միացեալ խմբի կողմից մշակուց և Գումային առաջարկուց Հոլի տեղական կոմիտէների մի նախագիծ (տես յաւելւածում):

Հոլի խնդրում դաշնակցական խմբակի հայեցակէտն էր՝ սոց.-յեղ. ազրարային ծրագրի ընդհանուր հիման վրայ արտայայտել և պաշտպան հանդիսանալ Հարաւային Կովկասի աշխատաւոր գիւղացիութեան շահերի առանց ազգի և կրօնի խտրութեան: Քանի որ վրացի գիւղացիութեան շահերը անշուշտ անտես չէին անուելու վրաստանի սոցիալ-դեմոկրատ պատգամաւորներից, որոնք վրացի հողատէր ազնւականութեան հայեցքներն ու շահերը չէին պաշտպանելու, ապա դաշնակցական պատգամաւորների յատուկ ուշադրութեան առարկան եղան Հարաւային Կովկասի և մանաւանդ Ռուսական Հայաստանի հայ և թաթար գիւղացիութիւնը:

Թաթար շինականի շահերի պաշտպանութիւնը յանձն առնելու հարկադրում էր բացի դաշնակցական կուսակցական ծրագրի սկզբունքները նաև նոյն ինքն թաթար գիւղացիութեան յատուկ պրաւոր գիմուսները այդ մասին, ուղարկւած դաշնակցական պատգամաւորների անունով: Ըստ երևութիւն թաթար հողագործը աւելի վստահութիւն էր տածում դէպի թէև ազգով ու կրօնով իրեն օտար, բայց ամեն հողագործ աշխատաւորի, առանց ազգի ու կրօնի խտրութեան, պաշտպան Գաշնակցութիւնը, քան դէպի իրեն համազգի ու կրօնակից, բայց հողատէր ազնւականի դասին պատկանող և նոյն այդ դասակարգի շահերը պաշտպանող թաթար պատգամաւորները: Հետաքրքրական է թաթար գիւղացիութեան՝ դէպի դաշնակցական պատգամաւորները ցոյց տւած այս շիտակ վստահութիւնը համեմատել մահմեդական աղապատգամաւորների այն կասկածամիտ և վեհերոտ անվստահութեան հետ, որով նրանք մշտապէս վերաբերում էին դէպի նոյն դաշնակցական պատգամաւորները ու նրանց առաջարկները երկրորդ Գումայում:

Գասակարգային գիտակցութեան արթնացման և թաթար ազգարնակութեան դասակարգային շերտաւորման սկզբնաւորութեան նշաններն են սրանք, որ թեւադրում էին թաթար գիւղացիութեան, անտես անելով աւանդական ազգային-կրօնական

ընազդերը, անվատահուծիւն ու խորթութիւն տածել զէպի «իւր» «հարազատ» հողատէր-ազնւականութիւնը: Այդ անվատահուծիւնը ու խորթութիւնը իրեն զգալ տեց և մասամբ արտայայտեց իսկ արդէն պատւիրականների նահանգական ժողովում պատգամաւորական ընտրութեան ժամանակ \*), և պէտք է ասել, որ թաթար շինականի այդ, թերևս տակաւին անգիտակից, բնազդական, բայց որոշ անվատահուծիւնը արդարացաւ Դումայում: Հարաւային Կովկասի թաթար պատգամաւորները (Երևանի և Գանձակի նահանգից ընտրւած) իրենց ճառերում հողի խնդրում հակա-գիւղացիական ընթացք ցոյց տւին՝ ջերմ համակրանքով վերաբերելով զէպի ազա-հողատէրերի շահերը, որով և ապացուցին, որ իրենք հարազատ ներկայացուցիչը չեն թաթար գիւղացիութեան: Այս հանգամանքը աւելի ևս ստիպեց դաշնակցական պատգամաւորներին անտէր և անպաշտպան չլիցիւնել Պետ. Դումայում դարաւոր քաղաքական ստրկութեան և տնտեսական շահագործման մատնւած տակաւին անխօս թաթար-հողագործի կենսական շահերը:

Հետաքրքրական է այս տեսակէտից համեմատութեան դնել

\*) Նահանգական ընտրական ժողովի թաթար պատւիրականների բաժնում գիւղացիութեան միջից պահանջողներ կային, որ ընտրելիք պատգամաւորացուն գիւղացի լինի: «Մենք բէգերին, աղաներին չենք ուզում, գիւղացին կարող է մեր ցաւերի արտայայտիչը լինել»: Սակայն թաթար գիւղացի պատւիրականների շարքում չկային ուստիսօս զբազէտ անհատներ, որ պատգամաւոր ընտրւէին: Այս ստիժով թաթարների մէջ ձայներ էին լսոււմ, թէ պէտք չէ հայ պատւիրականներից բաժանուել և առանձին կատարել ընտրութիւնը, այլ միասին ընտրել նահանգի բոլոր պատգամաւորներին, և իրենց բէգները թաթար գիւղացի պատւիրականներից շատերը պատրաստ էին հայ աշխատաւոր պատւիրականներին տալու: Վերջը, երբ ընտրութիւնը երկու առանձին կուրիաներով կատարուեց, և թաթարական բաժնում ընտրուեց Մահմեդ ազա Շահմախթիւնսկին՝ թաթար գիւղացիներից նրան յատկապէս ազգաբարեց, որ ընտրոււմ են երևն ոչ թէ որովհետև ազնւական է, այլ ընտրոււմ են չնայելով որ գիւղացի չէ, միայն թէ այն պայմանով ու յուսով, որ ոչ թէ հողատէր ազնւականութեան, այլ հողագործ գիւղացիութեան շահերը պաշտպանէ: Յամենայն զէպս «ազգային» պատգամաւոր ընտրելը յօժարակամ և ազատ կերպով տեղի չուեցաւ. որոշ արտաքին հանգամանքներ և նոյն իսկ ճնշումներ ներգործեցին. այս ճնշումների զէմ բողոք էլ էր եղել թաթարների կողմից, ինչպէս այդ առիթուց Դումայում (Տես Стеногр. отчеты Госуд. Думы, II сессия, за-бданіе 5-ое, стр. 94):



մահմեդական ֆրակցիայի անդամ Շահթախթինսկու և Սան Սոյսկու ճառերը դաշնակցական պատգամաւորների՝ Սաղաթէլեանի և Տէր-Աւետիքեանի՝ ճառերի հետ:

Մինչդեռ դաշնակցական պատգամաւորները շեշտելով դիւզացիութեան պատկանող հողերի սակաւութիւնը, պնդում էին, որ բոլոր հողերը, որոնց թւում նաև կալւածատէրերինը, ստիպողաբար և առանց վարձատրութեան հողագործին պէտք է տալ ի համայնական վայելուձն, թաթար ազնւականութեան պատգամաւորները պահանջում էին, որ հողը անպատճառ գնւի «արդար վարձատրութեամբ», և ոչ թէ գրաւուի կալւածատէրերի ձեռքից: Սան Սոյսկին այդպէս էր յայտարարում մինչև իսկ ամբողջ «մուսուլմանական ֆրակցիայի» անունից: Միւս կողմից Շահթախթինսկին յայտնում էր, որ երևանի նահանգում հողը կալւածատէրերի ձեռին կուտակւած-ամբարւած չէ, որ գիւղացիութեան հողազրկութիւն առաջ գար. «ամբողջ հողը, ասում էր նա, հողագործ գիւղացի դասակարգի ձեռքն է, և կալւածատէրը, միւլֆազարը, հողին չէ էլ դիպչում, այլ բաւականանում է միայն պատրաստի բերքի <sup>3/30</sup>-ը ստանալով»: Մինչդեռ Սաղաթէլեանը առաջարկում էր վերացնել բերքից որոշ մաս կալւածատիրոջը բաժին հանելու ճորտատիրական նահապետական սովորոյթը, Շահթախթինսկին պաշտպանում էր այդ կարգի նպատակայարմարութիւնը, պնդում էր, իրբև թէ գիւղացին այս նահանգներում երբէք ճորտ չէ եղել և ի վերջոյ յայտնում, որ «հետևապէս, մուսուլման Անդրկովկասի\*» մեր երկրներում հողագործերի անձնական իրաւունքների բարւոքման մասին խօսք անգամ լինել չէ կարող, որովհետև այդ կողմից ներկայուածս էլ նրանց վիճակը լիովին ապահովւած է»...:

Սակայն միւս կողմից ուշադրութեան արժանի էր Բագլէի նահանգի թաթար պատգամաւոր Զէյնալովի\*\*՝ ճառը, երեքուն,

\*) Այս անւան տակ Շահթախթինսկին հասկանում է ամբողջ Հարաւային Կովկասը բացի արևմտեան ծայրից, Վրաստանից. ուրեմն «մուսուլման Անդրկովկաս» է անւանում նաև Ռուսական Հայաստանը, այն է երևանեան նահանգը և Գանձակի նահանգի արևմտեան մասը:

\*\*) Զէյնալովը այն սակաւաթիւ թաթար պատգամաւորներից մէկն էր, որ մի քանի (գլխաւորապէս Ղազանի և ներքին Ռուսաստանի) մահմեդականների հետ Գուճայի մուսուլմանական ֆրակցիայից դուրս էր եկել և անդամակցել աշխատաւորականների (արուզովիկների) խմբին:



անվստահ ձևով արտասանւած, բայց և այնպէս բոլորովին այլ ձգտումներէից ներշնչւած: Սա խօսեց իբրև ինքը գիւղացի և գիւղացիութեան կողմից: «Ով որ ասուած է, թէ մենք գիւղացիներս շատ հող ունենք, սուտ է խօսուած և չէ ուզում ճշմարտութիւնս ասուովանել... Եթէ ինչպէս որ ներկայումս կայ, կալւածատէրերի հողը գիւղացիներին չարւի, ամեն մէկ գիւղացու մօտ երկու դեսեատին հող կընկնի Բագւի նահանգում: Պարզ բան է, որ ուրեմն կալւածատիրական ամբողջ հողը պէտք է գիւղացիներին տալ... Եւ անա հարց է ծագում, թէ ապա ինչպէս այդ հողը վերցնել կալւածատէրերից և գիւղացիներին տալ... Մեր գիւղացիները այդ հարցին այսպէս են նայում, որ իրենք միևնոյն է կվճարեն, եթէ միջոց ունենան... Արդ տեսնենք, արդեօք միջոց կունենան վճարելու...» Ապա մի շարք թւարանական հաշիւներ անելուց յետոյ Զէյնալովը յայտնում է. «Հետեապէս, պարոններ, մենք գալիս ենք այն եզրակացութեան, որ ցանկանալով հանդերձ վճարել կալւածատէրերին հողի համար, մեր գիւղացիները անկարող են այդ անել: Իրա համար նրանք բնաւ չեն ասում թէ տէք մեզ հողը զօռով. նրանք միայն ասում են՝ զնել հողը մենք անկարող ենք. եթէ ուզում էք մեզ հող տալ, և եթէ ուզում էք որ Բագւի նահանգի գիւղացիները ապրել կարողանան, տէք ձրիարար...» Եւ ճառախօսը վերջացնում է՝ «Մեր գիւղացիները վճարել անկարող են, նրանց հող է պէտք, և այդ հողը նրանց պէտք է տալ առանց որևէ վարձատրութեան, որովհետև վճարել անկարող են...»:

Որքան էլ տատանւող, անորոշ, կարծես ինչ որ երկչոտ խուսափումներով յայտնւած լինի այս առաջարկը, բայց և այնպէս ուշադրաւն այն է, որ աշխատաւոր թաթար գիւղացիութեան անվստահ բաղձանքը գալիս էր ձայնակցելու դաշնակցական պատգամաւորների կարուկ որոշութեամբ յայտնւած պահանջին, հակառակ թաթար հողատէր ազնւականութեան ոտնձգութիւններին \*):

\*) Այս բոլոր փաստերը վերին աստիճանի յուսատու իրողութիւն են և արժանի ամենալուրջ ուշադրութեան: Բ. Գումայի այս անցքերը գալիս են լուսարանելու և բացատրելու այն յաջողութեան հիմքը, որ ունեցան Երևանի և Գանձակի նահանգներում Գաշնակցութեան վերջերս կատարած առաջին ժողովները ոչ միայն մերձենալու, այլ նաև կազմակերպելու թաթար աշխատաւոր գիւղացիութիւնը դասակարգային շահերի պաշտպանման նշանաբանի տակ:

Հողի խնդրի մասին սկսած ընդհանուր կարծիքների փոխանակութիւնը փակեց մայիսի 16-ին: Սակայն Հողի Յանձնաժողովում մշակելուց յետոյ այդ լուրջ և բարդ հարցը կրկին հանդէս էր բերւելու Դումայում աւելի հանգամանորէն ու մաս-մաս, կէտ առ կէտ բնւելու ու վճուելու կոնկրէտ օրինագծերի և Յանձնաժողովի եզրակացութիւնների բնագոյնով թեմք: Հարաւային Կովկասի հողի խնդիրը և Դաշնակցութեան ընդունած հողի ծրագիրը և հայեցակէտը այն ժամանակ կը պարզէր և կը բացատրէր ցանկալի լիակատարութեամբ: Իսկ Դաշնակցական պատգամաւորներից հողի խնդրի վրայ արտասանւած երկու ճառը ի հարկէ միայն մասամբ և խիստ բնդհանուր դժերով էին շօշափում խնդիրը և ղեռ ևս լիովին չէին արտայայտում հողի ծրագրի ամբողջ բովանդակութիւնը:

Առաջ եմ բերում 16-րդ նիստում (26 մարտի) արտասանւած Սաղաթէլեանի ճառը և 39-րդ նիստում (մայիսի 16-ին) արտասանւած Տէր-Աւետիքեանի ճառը, առաջինը մի քանի չնչին կրճատումներով, երկրորդը ամբողջութեամբ հեղինակի թարգմանութեամբ:

Ստղաթէլեան: «Ինքնակալութեան երկու բարերախոտ ժողորութեան շնորհիւ պահպանւել է այն հաստատութիւնը, որին ներկայումս վիճակւած է համաշխարհային դեր կատարելու և ոչ թէ լոկ այս կայսրութեան կեանքում: Այդ հաստատութիւնը այժմ այնպիսի մի ժամանակի է հանդիպել, երբ անպաշտպան չէ մնալու, այլ ընդհակառակը գիտական տեսլներով և կազմակերպւած պաշտպանողներից ուժեղացած—պիտի կատարէ իւր համաշխարհային կոչումը: Ինքնակալութիւնը երկար ժամանակ կարծում էր, թէ սուս գիւղացիութիւնը անկենդան, անշարժ աշխարհայեացքի տէր մի ժողովուրդ է. և այդ աշխարհայեացքը պահպանելու լաւագոյն միջոց էր համարում համայնակած հողատիրութիւնը, որ խանգարում է գիւղացութեան մէջ դասակարգերի առաջանալուն և հարստութեան մի քանիսի ձեռին ամբարւելուն, ուրեմն և հնարաւորութեան որ մի մասը

Արդեօք այդ փորձերը ոչ միայն Դաշնակցութեան, այլ ընդհանրապէս Հայաստանի հայ և թաթար աշխատանքի ժողովրդի կեանքում մի պատմական դարազուլի չէ՞ն կազմելու բոլորովին այլ հորիզոններ մեր առաջ բանալու, քան ինչ որ տեսնուում էր մինչև այժմս մեր ապարախտ իրականութեան խառն դաշտերում:

լուսաւորւի և եւրոպական զաղափարներ իւրացնի: Յաւելով պէտք է նկատեմ, որ հողի ազգայնացման (նացիոնալիզացիայի) լայն տեսութիւնը զարգացնելիս, առանձնապէս չեն շեշտում կենդանի ու ողջ մնացած հաստատութիւնը, որի հիման վրայ միայն կարելի է առաջ ընթանալ: Հումանիստները և զիտութեան ներկայացուցիչները պարզում են անպայման ցանկալի մի տեսութիւն, որ անպատճառ երբ և իցէ իրականանալու է: Բայց ինչպէ՞ս: Միթէ նոյն դաժան ընթացքով, որին ենթարկեց եւրոպան, այսինքն նախ փոքր տնտեսութեան կործանում, սեփականութեան կեարոնացում մի քանիսնների ձեռին, ապա կուի մի նոր երկարատե շրջան, կատաղի, թերեւ արիւնահեղ կուի՞ պետութեան մէջ տնտեսական հաւասարութիւնը վերականգնելու համար: Այդ բոլոր սարսափներից պատասպարում է համայնքը և այժմ և եթէ, այս պատմական բողբէին նոր դարազրուխ է տալիս և մատնանիշ անում մնացած եւրոպայում: Ես ընդգծում եմ այդ հաստատութիւնը. քչերը կանգ առան նրա վրայ: Ես կարծում եմ, որ համայնատիրութեանը վտանգ է սպառնում և այդ ոչ միայն կառավարութեան կողմից:

Ուշադրութիւն դարձրէք, թէ առաջին Դուժայից յետոյ ինչպիսի շտապողութեամբ յարձակեց կառավարութիւնը համայնական հողատիրութեան վրայ: Միթէ չէ՞ր կարելի սպասել մինչև Բ. Դումայի բացելը: Բայց շահագրգռած կառավարութիւնը, կանխատեսելով վտանգը, շտապեց քարուքանդ անել այն հաստատութիւնը, որ, իւր տեսակէտով անսահման վտանգներ է սպառնում նրան: Ի նկատի ունեցէք, որ կայսրութեան կետրոնական նահանգների ազգաբնակչութիւնից 70 տոկոսը համայնատէր են, մնացած մասը կիսով չափ համայնատէր են, իսկ միւսները միայն նորերս են սնցել ծխական հողատիրութեան (подворному владѣнію)։ Ուրիմն գրեթէ 70 տոկոս մի ըզգծութիւն կայ, որին յատուկ չէ հողի սեփականութեան դաղափարը, որը գործնականորէն և բնականաբար շահագրգռած է լիկ հողի տարածութիւնը ընդարձակելու: Ոչնչացրէք այդ հաստատութիւնը. ստեղծեցէք մանր սեփականություններ. ինչ տեսակի քաղաքական ձևեր ուզում էք ներմուծէք: Դրանից քիչ կիտլաի ժողովրդի բարեկեցութիւնը: Ապացոյց Ֆրանսիան: Կառավարութեան ինչ ձևեր ասես նա չունեցաւ. թու՛մ էր թէ բոլոր բարիքները թափու՛մ են Ֆրանսիայի վրայ:



եայց յետոյ այդ բաղաբական բարիքները ասես օղի, լոյսի դերն սկսում խաղալ, որոնցից բնաւ չէ փոխուում մարդուս տնտեսական վիճակը: Դրանք պէտք է լինեն: Բայց բարեկեցութեան աղբիւրը—հողը մերանսիայում այնպէս է բաշխւած, այնպիսի պահպանողական փոքր սեփականատէր գիւղացիների պինդ ձեռքերում է, որ այն մի բունն մասը յանձինս ինքնագոհ կուր պատրաստ բանւորների, այն հանձարեղ մարդիկ, որոնք փորձում են լուծել Եւրոպայի տնտեսական հարցերը, երկար տարիներ անգոր են լինելու այդ լուծելու: Ահա այդ վտանգը կայ նաև մեր առաջ ներկայ մեծ պատմական բողոքին:

Համայնքի վերաբերմամբ ես վտանգ եմ նախագգում, որովհետև ժողովրդական ազատութեան կետրոնը, որը հաւանականօրէն առաջնակարգ դեր է կատարելու այդ հարցի լուծման մէջ, ըստ երևութին չէ համակրում այդ հաստատութեանը: Ժողովրդի բոլոր կողմնակիցները, ամենքը որոնք մտածում են նրա ապագայի մասին և չեն ուզում, որ ներկայ և ապագայ սերունդները տանջւեն, ինչպէս որ տանջւել է Եւրոպան, պէտք է ամենից առաջ պնդեն ամբողջ ոյժով, որ համայնքը պահելու Այդ հաստատութիւնը ընդունակ է զարգանալ և լուծել բոլոր հարցերը:

Ռուսաց կայսրութիւնը ընդարձակելով դասւ կովկասում և Անդրկովկասում նոյն այդ ձևերը—ժողովրդի բազմութեան գիտակցութեան մէջ հողի սեփականութեան զաղափարի բացակայութիւն և համայնական հողատիրութիւն: Այդ զուգադիպութեան շնորհիւ մենք, նոր պետութեան իշխանութեան տակ անցնելով,— հողից իսպառ չղրկեցինք, ինչպէս որ այդ տեղի ունեցաւ Պենջարում Անգլիայի տիրապետութեան օրով: Պատմական ստաղիայի զուգադիպութեան շնորհիւ Անդրկովկասում մնացին հողատիրութեան եղած ձևերը: Անդրկովկասի համայնքները կարող են բազմաթիւ ապացոյցներ ընձեռել համայնքը շարաշար մեզադրողների դէմ: Համայնքը մեղադրում են, որ հողերի ցարուցրիւ վիճակ է ստեղծում, որ հողարաժանութիւնը խանգարում է գիւղատնտեսութեանը: Անդրկովկասի համայնքը ձևեր է մշակել, որոնք ուղղակի հերքում են այդ մեղադրանքները և ապացուցանում, որ համայնքը մի պինդ գոյացած ձև չէ, այլ ընդունակ է զանազան տիպեր ունենալու, կատարելագործելու, զարգանալու: Անդրկովկասում շատ համայնքներ կան, ուր հողարաժանում չէ

լինում. այնտեղ հողաբաժինները, երկար տարիների ընթացքում միևնոյն ընտանիքի ձեռին են գտնուում, բայց ամեն րոպէ, երբ հողի սուր կարիք կսկսի, իսկոյն և եթ հողաբաժանում կլինի: Իսկ ուր որ հողաբաժանումներ կան, եղել են, կամ նոր են ծագել, Ռուսաստանի նման ամեն տարի չեն կատարում, այլ երկար շրջաններից յետոյ: Այնտեղ հողաբաժիններից կատարեալ միախառնում, կատարեալ բաժանում, և ապա վիճակահանութիւն չեն կատարում: Իւրաքանչիւրը իւր հողաբաժինների տէրն է մնում, իսկ գիւղացու ընտանիքի կազմի փոփոխման դէպքում, մտաւորապէս տասը տարին միանգամ, հող են կտրում, այնպէս որ հողաբաժինները մնում են տէրերի ձեռին: Հետևապէս գիւղատնտեսութեան կարիքներից առաջացած ծախսերը ոչ մի արգելքի հանդիպել չեն կարող հողատիրութեան ձևի կողմից: Ռուսաստանում, ուր 7ր հողատիրութիւնը ծխական է, գիւղատնտեսութիւնը աւելի բարձր կանգնած չէ քան այն տեղերինը, ուր որ հողատիրութիւնը համայնական է: Ներքին նահանգներից մի քանիսում, ուր որ զեմստովոն աւելի լուսամիտ, ժողովրդին նւիրւած մարդկանց ձեռին է, ինտենսիւտնտեսութեան ծագում ենք տեսնում համայնական հողատիրութեան սահմաններում: Միակ խոչնդոտը, միակ թշնամին ամբողջ ժողովրդի, ինչպէս և համայնքի, հովանաւորեալ տգիտութիւնն էր, ժողովրդին ամեն լուսաւորութիւնից, գիւղատնտեսական կուլտուրայից և տեխնիկայից ապահովագրելն էր. ահա թէ ի՞նչ էր յետ պահում գիւղատնտեսութեան զարգացումը, և ոչ թէ համայնական հողատիրութիւնը: Եթէ կապալառուն, 10—15 տարով կապալով վերցնելիս, միշտ համաձայն է ահագին ծախսեր անել, շինութիւններ կառուցանել սեփականատիրոջ օգտին թողնելու պայմանով, միթէ համայնատէր հողագործը, որ կարող է 50 տարի օգտուել, չի ուզենայ ծախսեր անել: Քանի-քանի միջոցներ կան այդ ուղղելու, արւած ծախսերը վարձատրելով: Ուրեմն համայնքի դէմ եղած բոլոր առարկութիւնները ծագում են ոչ թէ գիւղատնտեսական կուլտուրայի ցանկութիւնից, այլ այն մեծ վտանգից, որ ունի տիրող շրջանների, հողատէրերի ու բորժուազիայի համար այդ հաստատութիւնը իւր պոտենցիալ յատկութիւնների շնորհիւ:

Հողի մեծ խնդիրը լուծելիս դուք պէտք է ամեն տեսակ տեղական առանձնայատկութիւններ աչքի առաջ ունենաք: Այդ կողմից առանձնապէս զատուելու է Անդրկովկասը և կովկասն ընդ-

հանրապէս: Կովկասը, իւր տեղագրութեամբ, կլիմայով, պատ-  
մութեամբ, կենցաղի բազմաթիւ ուրոյնութիւններով և ահագին  
տարածութեամբ մեծ բազմազանութիւն ու հակասութիւններ է  
ներկայացնում, որ կայսրութեան մէջ հանդիպել կարող էք մի  
բանի հազար վերստ անցնելով, իսկ այնտեղ մի 10—5 վերստ  
տարածութեան վրայ, մինչև իսկ իրար կից ապրող հարեանների  
մօտ: Հողի խնդրի լուծումը Դուսայից կառահանջէ, յամենայն  
դէպս ինչպէս էլ որ տեղերում լուծուելիս լինի, մեծ ուշադրու-  
թիւն և, ես կստեմ, բարեմիտ վերաբերմունք դէպի Անդրկովկա-  
սը: Եթէ այս հարցը Անդրկովկասի համար շարունակարի լուծուի,  
ծանր հետևանքներ և զուր տանջանքներ կպատճառէ մի ամբողջ  
երկրի: Հէնց միայն այն ուշադրութեան առէք, որ Անդրկովկասի  
5 նահանգներում տասնևինգ միլիոն տարածութիւնից միայն մօտ  
8 միլիոն զեսեաառինից հարկ է վերցնուում. ուրեմն, ուր է մնում  
մնացած կէսը: Մնացածը—ձիւնի, ժայռերի ու անապատների  
տակ է: Մինչդեռ ազգաբնակչութեան խտութիւնը գրեթէ նոյնն է,  
ինչ որ սևահող նահանգներում, գիւղացիական հողաբաժինը եր-  
կու անգամ ցածր է: Բանաստեղծի երգած ու տեսքով գեղեցիկ  
Կովկասն և Անդրկովկասը տաժանակիր ու ծանր աշխատանքի մի  
երկիր է գիւղացիների համար: Հողի մի երրորդ մասը Ալպեան  
շրջանին է հասնում. ուրեմն Կովկասի կլիման ոչ ամենուրեք ոչն-  
պէս բարեխառն է, ինչպէս որ կարծում են, և ազգաբնակչութեան  
 $\frac{1}{3}$ , եթէ ոչ աւելին, ստիպւած է բնակուել ու աշխատել մի կլի-  
մայում, որ խտութեան կողմից պակաս չէ Անդրբայկալից և Սի-  
բիրիից: Եթէ հողի կարօտութիւնը այնքան աղաղակող է Ռուսաս-  
տանում, ապա կարող էք երևակայել, թէ ինչ աստիճանի է Անդր-  
կովկասում, ուր 15,000,000 զես. հազիւ 8,500,000-ը պէտքբական  
են մշակման, ուր ստիպւած են աշխատել կլիմայական այնպիսի  
պայմաններում, երբ շատ հովիտներում առանց ջրի ուղղակի ոչինչ  
չէ կարելի արտադրել: Պատկերացրէք և մտածեցէք, թէ սրբիսի  
պայմաններում է ապրում ազգաբնակչութիւնը, որի ձայնը չէ  
լուում, որովհետև չէ կարող անցնել հասնել ձեզ: Անդրկովկասը  
ապրում էր և ապրում է առանձնապէս ծանր պայմաններում:  
Տարի ու կիսուայ ընթացքում կանգ էին առել մինչև անգամ ուս-  
սաց օրէնքները. ամեն մարդ կարող էր սպանել, ոչնչացնել, այ-  
րել որքան ուզենար, և այդ թոյլ էր տւած մինչևի ահագին ընդ-



հարումները: Աւելացրէք կառավարութեան ուղղակի թշնամի վերաբերմունքը դէպի լուսաւորութիւնը և առանձին կասկածոտութիւնը որ չլինի թէ այդ լուսաւորութիւնը սեպարատիզմ առաջ բերէ, որը բնական պատճառներով չէր կարող վտանգաւոր լինել կայսրութեան համար: 1,200,000 հոգուց բաղկացած ազգի համար ճնշումների ամբողջ սխալէմ էր ստեղծուում, առաջ էին բերում ամեն տեսակ սարսափներ կասկածաւած սեպարատիզմը ոչնչացնելու համար: Արդեօք գիտէք, հետևել էք իշխան Գոլիցինի գործունէութեանը: Այնպիսի բնակալութեան էր նա հասնում, որ Ասիայումս իսկ հազւագիրտ է:

Կովկասի նւաճման ժամանակից ինչ սահմաններում որ էր հողը, նոյնն էլ մնացել է. ոչ միայն տեղը փոխել, գաղթել սեփական նախաձեռնութեամբ, իւր հաշուով—չէր թոյլ տրւում նոյն իսկ ոտոցել անապատները. այդ ամենի վրայ արգելք էր դրւած: Կարսի նահանգը Անդրկովկասին միացնելուց յետոյ, թուրքերի հեռանալու պատճառով այնտեղ մեծ տարածութիւններ ազատ մնացին. բայց այդ երկրի վրայ արգելք դրին, որովհետև կառավարութիւնը մեծ-մեծ գաղափարներով էր զբաղւած—գաղթականութեամբ երկիրը ասիմիլացիայի ենթարկելու: Ասիմիլացիայի համար իբրև գործիք շատ միջոցներ էին ընտրւում, ի միջի այլոց նաև հողի հարցը, որը այնտեղ քաղաքական բնաւորութիւն ստացաւ: Դէպի Կովկաս արևեստական գաղթականութիւն էին ստեղծել զուտ քաղաքական միտումներով, և չէին խնայում ոչ ուս գաղթականներին, ոչ բնիկներին: Եսակարագրեցի, որ Անդրկովկասի ազգաբնակչութեան խտութիւնը սեահող նահանգներին է հաւասար, քառակուսի վերստին 22 հոգի է ընկնում Անդրկովկասում, իսկ Երևանի նահանգում մինչև 30, մինչդեռ կայսրութեան մէջ, ինչպէս գիտէք,—5, իսկ Սիբիրում նոյն իսկ  $\frac{1}{2}$  մարդ: Այս տեսակ կլիմայի, այսպիսի տեղադրութեան, այսպիսի հողի կարօտութիւն ունեցող երկրում հնարաւոր գտան Ռուսաստանից ազգաբնակչութեան աւելորդը գաղթեցնել, ցնցող դէպքերը էին տեղի ունենում, ցնցող նոյն իսկ գաղթականների համար: Գաղթականներին բնակեցնում էին այնպիսի տեղերում, ուր մալարիան, որին սովոր էին բնիկները, անխնայ կոտորում էր նրանց: Այն ժամանակւայ պատրիտները, երևի այժմեաններն էլ նոյնպէս են մտածում, ասում էին, քնաս չունի, մի սերունդ

կկորչի, միւսը կը սովորի ու կհաստատուի: Իսկ մի քանի վայրերում, ուր օրինակ մահմեդական թափառականները (քոչւորները) հողագործութեան անցնելու վրայ էին, հարգեր էին շինել, այսինքն արևեստական արտեղիան ուղղում, ծախսելով 8000 ռուբլի, նրանց դէպի Արաքսի ափերը քշեցին, իսկ նրանց տեղը գաղթականներ բնակեցրին, որոնց ի հարկէ քիչ-քիչ կոտորելու է մալարիան: Երբ դուխարները, չտեսնուած դաժան հալածանքներից յետոյ, որ միջին դարերն էին յիշեցնում, այդ խաղաղ բարի մարդիկը ստիպուած էին թողնել իրենց ծննդավայրը և Ամերիկայ տեղափոխել, Ախալքալաքի գաւառում ազատ տարածութիւն մնաց: Դրան ևս արգելք զրին: Կոտավարութիւնը ուղում էր ամրացնել կայսրութեան սահմանը: Այդ ամրացումը վերջ ի վերջոյ արտայայտեց նրանով, որ խիստ զրգռեցին տեղական ազգաբնակչութիւնը. այդ կերպ կառավարութիւնը հասաւ այն արդիւնքին, որ պիտին միշտ հասել է—բացասական: Նրա գործունէութեանը ներկայուածս պատմութիւնը արդէն տւել է իւր գատավճիռը:

Հողի խնդրի լուծմամբ զբաղելիս չէ կարելի առանձին ուշադրութիւն չընծայել ծայրագաւառներին, և այդ խնդրի լուծումը պատահականութեան կամ շարունի ենթարկել: Մեր երկրում մի բան հետաքրքրաշարժ է: Մինչ Ռուսաստանում ճորտատիրութեանը բոլորովին վերջ է տրւած Ալէքսանդր Բ. կայսրի օրով առանձին պայմաններով վերջ ի վերջոյ գիւղացիներին հողից զրկելով, Անդրկովկասում պահպանուած են կիսաճորտատիրական իրաւունքները: Անդրկովկասում ծանօթ հայրենի տեսարանների կարող էք հանդիպել, որ կարելի է խիստ դուր գան կալածատէրերին, որոնք ուղում են վերակենդանացնել պապերի ժամանակները: Օրինակ. գիւղացին հաւաքել է ցորենը. նա չէ կարող իւր կալը տանել. դեռ պէտք է գայ կալածատիրոջ ներկայացուցիչը: Սա այլ տեսակի կալածատէր է, որը ձերինին նման չէ, նա յիշեցնում է ձեր նախկին կալածատէրին: Պէտք է չափեն բերքը. յետոյ կալածատէրին համնող մասը գիւղացու սայլով պէտք է տարւի նրա ամբարը, և ապա միայն գիւղացին կարող է իւրը կալը տանել և կախել: Այստեղ դեռ ևս պահպանուած են կալածատիրական առանձին իրաւունքները եկամտաւորի, բերքի և գիւղատնտեսական այլ արդիւնքների, կաթնատնտեսութեան վերաբերմամբ և այլն:

Այդ իրաւունքները խիստ բազմազան են նայած տեղին: Կալւածատիրոջ մասը լինում է  $\frac{1}{4}$  մինչև  $\frac{1}{10}$ , օր. Երևանի նահանգում վճարում են եկամուտի  $\frac{1}{30}$ , ասում եմ «եկամուտի» և ոչ թէ բերքի, որովհետև միայն գիւղատնտեսական արդիւնքներից չէ որ վերցւում է այդ բաժինը: Գանձակի նահանգում— $\frac{1}{10}$ : Վրաստանում ճորտատիրութեան վերացմամբ այդ մնացորդը պահպանել է, այնտեղ  $\frac{1}{4}$  է: Այս ձևերը կազմում են գլխաւոր տիրակերը: Անդրկովկասի մեծագոյն մասում տիրում են ճորտատիրական իրաւունքի մնացորդները: Գիւղացիները տակաւին ճընշւած են ոչ միայն նիւթապէս, այլ նոյն իսկ իրենց գործունէութեան մէջ: Վերջ ի վերջոյ, կարելի է ասել, այս գուտ անձնական իրաւունքի մի սահմանափակում է: Հարց է ծագում, ինչպէս է առաջ եկել այդ իրաւունքը. Սոց.-դեմոկրատների ներկայացուցիչը շատ պայծառ և ճիշտ ցոյց տւեց կալւածատիրական իրաւունքի աղբիւրը բուն Ռուսաստանի վերաբերմամբ: Անդրկովկասում նրանց ծագումը թերևս էլ աւելի վատթար աղբիւրից լինի: Տեղական ֆէոդալների, խաների, մշտական կոնստների և նւաճողների արշաւանքների ժամանակ, նրանք նւիրում էին, ում ուզենային, նւիրում էին թէ ազգաբնակութիւնը, թէ հողը, պարսկական սովորոյթի իրաւունքով. հարստահարումն էլ երբեմն սովորոյթի ձև է ընդունում: Պարսկաստանի տիրապետութեան օրով այդ բռնութիւնը այսպիսի ձև էր ստացել. ոչ թէ հող էին տալիս, այլ գիւղից եկամուտ ստանալու իրաւունք, և հասկանալի է թէ ինչո՞ւ: Ի՞նչ է նշանակում հող տալ: Եթէ կալւածատէրը պէտք է հողը մշակէր բանւորների ձեռքով, նա ոչինչ չէր ստանայ: Աւելի լաւ չէ՞ր լինի գուտ եկամուտի իրաւունք տալ, գիւղացուն թողնելով այնքան, որ նա կարողանար տպրել, իսկ եկամուտի մնացած մասը յանձնւում էր կալւածատիրոջ: Այս իրաւունքը Պարսկաստանում մշտապես չէր: Այդ իրաւունքը ստանում էին պաշտօնէութեան, ծառայութեան համար, քանի որ մնում են պաշտօնավարութեան մէջ. բայց Անդրկովկասը նւաճելուց յետոյ մեր կառավարութիւնը ուժեղացրեց այդ իրաւունքը և ճանաչեց կալւածատէրերին հաւասար Ռուսաստանի կալւածատէրերին, ընդարձակեց նրանց իրաւունքները, տարածեց նաև հողի խորքերի վրայ (հանքի): Այս բարդ, խառնաշփոթ իրաւունքը տիրում է այնտեղ և մինչև այժմ: Հողի հետ ոչ մի յարա-



բերութիւն շունենալով, եկամուտի մասի տէրը լինելով, կաւա-  
ծատէրերը ճնշում են գիւղացիներին ամեն բանում: Այդ  
իրաւունքները մի այնպիսի արխայիզմ, հնացած կարգ են  
հանդիսանում, որ ոչ մի կերպ չեն հաշուում քաղաքակիրթ  
պետութեան դադափարի հետ: Առանց սպասելու հողի խընդ-  
բի լուծմանը, որ ամբողջ կայսրութեան մէջ արայայտում  
է հողատիրութեան տարածութիւնն ընդարձակելու ձգտմամբ,  
Անդրկովկասում այս կիսաճորտատիրական յարաբերութիւննե-  
րը պէտք է անյապաղ ոչնչացնել, այն էլ առանց որևէ  
վարձատրութեան, որովհետև կաւածատէրերը իսկապէս ոչ մի  
բարոյական իրաւունք երբէք չեն ունեցել այդ հողերի վրայ:  
Դրանք պարզևատրական ծագում ունեն, այն ևս անհիփն, և ներ-  
կայումս հանդիսանում են իբր զուտ ճորտատիրական յարաբե-  
րութիւններ:

Ապա հողի խնդիրը Անդրկովկասում լուծելիս պէտք է ի  
նկատի ունենաք դարձեալ մի էական հանգամանք այդ երկրի  
նկատմամբ, ինչպէս և ընդհանրապէս այն ծայրագաւառների  
նկատմամբ, ուր շոգ կլիմայ է: Հողի հասկացողութեան հետ կապ-  
ւած է մշակման ընդունակ, պտղաբեր հողի գաղափարը: Ասիա-  
յում հողը առանց ջրի մի անտարբեր առարկայ է գիւղատնտե-  
սութեան տեսակէտից. չեմ ասում Ալպեան շրջանի մասին, որ  
մեր երկրում նշանաւոր տարածութիւն է գրաւում: Հետևապէս  
հողի խնդրի հետ մեղանում Անդրկովկասում անպայման կապւած  
է ջրի, ոռոգման հարցը: Ինչպէ՞ս կարող է այդ լուծել տեղական  
ազգաբնակութիւնը: Տալ նրանց միայն հող, եթէ կայ անապատ  
տեղ, (այնտեղ, ուր ո՞ր հողը չէ ջրում—անապատ է), կնշանա-  
կէք ոչինչ չտալ: Ուր որ ջրովի հող կայ, արդէն բռնւած է, և  
թէ ի՞նչ աստիճան խիտ երևում է նրանից որ 1886 թ. նիւթերի  
համաձայն հողաբաժնի չափը հասնում էր 0,97 դես.: Որովհետև  
ազգաբնակութիւնը կրկնապատկել է, ապա այդ հողաբաժինը  
պէտք է երկուսի բաժանել: Մէկ խօսքով ուր որ հողը ջրելու  
հնար է եղել, մշակւած է. մնում է ուրեմն իբրև հողի բաւարար-  
ութիւն տալու աղբիւր անապատը և այն տեղերը որոնց վրայ  
կառավարութիւնը արգելք է դրել: Բայց այդ արգելւած տեղերը  
չեն կարող ազգաբնակութեան քիչ թէ՛ շատ նշանաւոր մասին բա-  
ւարարութիւն տալ: Հարկաւոր է գլխաւորապէս ոռոգման շինա-

բարութեան դիմել: Այս կողմից ընտրոշ է, թէ ինչ դեր է կատարել մեր պետութիւնը, որքան յետ է մնացել նա նոյն իսկ տեղական ասիական նախկին բռնակալութիւններից: Բաւականին տարածութեամբ հողեր մշակւած են Երևանեան նահանգում շնորհիւ խաների տիրապետութեան ժամանակ կառուցւած ջրմուղների: 1844 թւին Բիլէ և Գարի անդլիացի ճարտարապետները հաշուել էին, որ կարելի է Անդրկովկասում ոռոգել 3,000000 դեսեսաւին հող: Պէտք է ասել, որ այդ կատարել էր միակ քաղաքակիրթ բիւրոկրատի օրով, որ եղել է կովկասում, նրանից յետոյ էլ չեղան: 3,000000 դեսեսաւինից այժմ ոռոգւած կայ միայն 10,000 դես. այն էլ արգելք դրելով տեղական ազգաբնակչութեան համար: Ես դարձնում եմ ձեր ուշադրութիւնը ոռոգման խնդրի վրայ նրա համար, որ երբ ազգաբնակչութեան հողի բաւարարութիւն տալու կլինէք, պիտանի հող պիտի տաք. չէ որ հարցը պիտանի հողի մասին է և ոչ թէ աւհասարակ հողի: Մեզանում որպէս զի հողը պիտանի դառնայ, պէտք է ջրի. իսկ մնացած տարածութիւնները ջրելու համար հարկաւոր են լուրջ կառուցումներ, որոնք տեղական ազգաբնակչութեան ուժից վեր են: Երբ այստեղ հողի բաւարարութիւն կստանան, այնտեղ աւանց յիշեայ կառուցումների գիւղացիները կմնան անհող. տեղական ազգաբնակչութեան միջոցներով, զոնէ մի քանի շրջանների, անհար է այդ կառուցումները գլուխ բերել: Անդրկովկասի վերաբերմամբ, կարծում եմ, նոյն և Տուրկեստանի համար, հողի խնդրից չէ կարելի անջատել ջրի խնդիրը:

Այս բոլորը յանձնարարելով ձեր ուշադրութեան, ես ի վերջոյ պէտք է յայտնեմ, թէ ի՞նչ են տեղական ազգաբնակչութեան սպասելիքները: Տեղական ազգաբնակչութիւնը հաւատում է ազատագրական շարժման ապագային, հաւատում է առաջադէմ կուսակցութիւնների դերին ու գործունէութեանը, հաւատում է կենսական խնդիրների լուծմանը, հաւատում է որ այդ բոլորը իրականանալու է, ինչպիսի արգելքներ էլ որ դրելու լինեն պահանջողական տարրերի և բիւրոկրատիայի կողմից:

Տե՛ր Աւետիբան: «Ահա գրեթէ երկու ամիս է արդէն ինչ այստեղ Դումայում քննադատուած է հողի խնդիրը որք այսքան երկար ժամանակամիջոցի ընթացքում քննադատուեց իր բոլոր մանրամասնութիւններով: Բոլոր կուսակցութիւններն էլ արտայայ-

տեցին արդէն իրենց հայեացքները, իւրաքանչիւրի հայեցակէտն էլ պարզեց բաւականին, ուստի չեմ ընդարձակելու իմ ասելիքները: Մենք ժողովւել ենք այստեղ ոչ թէ երկար ու բարակ գիտական դասախօսութիւններ կարդալու հողի խնդրի մասին, այլ մըշակելու այդ հարցի որոշակի վճիռը, այնպիսի մի վճիռ, որն ամբողջովին համապատասխան լինի աշխատաւոր ժողովրդի շահերին քանի որ աշխատաւոր ժողովուրդն է ամբողջ կայսրութեան ազգաբնակչութեան ճնշող մեծամասնութիւնը: Միմիայն աշխատաւոր ժողովուրդը, գիւղացիութիւնն է, որ զարերի ընթացքում իւր արիւնտով ու իւր տանջանքներով ստեղծել ու ընդարձակել է ուսուցողութիւնը, այն անընդգրկելի տարածութիւնը, որը միշտ գոյութիւն է ունեցել ու այժմս էլ գոյութիւն ունի աննշան, բայց իր ազդեցութեամբ, իշխանութեամբ ու բռունցքներով ուժեղ փոքրամասնութեան երջանկութեան համար, ազնւականութեան երջանկութեան համար, այլ ոչ գիւղացիութեան: Հողի խնդրի լուծման ժամանակ ժողովրդի հաշուով մեղկ, շւայտ կեանք վարող փոքրամասնութեան, ազնւականութեան շահերը պէտք է բռնեն ամենայնտին տեղը: Մեզ, աշխատաւոր ժողովրդի ներկայացուցիչներին, գիւղացիութեան ներկայացուցիչներին, գիւղացիութիւն, որը նայում է հողի վրա, ինչպէս Աստծու ընդհանրական պարգևի, որ լոյսի, օդի ու ջրի հետ համահաւասար պէտք է լինի ընդհանրական սեփականութիւն, այդ հարցի լուծումը թուում է շատ հեշտ, շատ պարզ և հէնց այդպէս էլ պէտք է ընդունել սկզբունքով այդ հարցի լուծումը, այն է՝ հողը ընդհանրական համայնական սեփականատիրութեան հիմքերի վրա պէտք է պատկանի բոլոր աշխատաւորներին, այսինքն աշխատաւոր ժողովրդին և ուրիշ ոչ ոքի: Եւ ահա այն հողերը, որոնք ներկայումս չեն գտնուում աշխատաւոր մասնաների տրամադրութեան տակ, որոնցից նրանք չեն օգտուում, պէտք է անցնեն աշխատաւոր ժողովրդի ձեռքը ընդհանրական համայնական սեփականատիրութեան հիմքերի վրա: Կապ թէ ոչ ժողովուրդը, որը զարերի ընթացքում շատ անգամ է վճարել հողի գինը իր արեան վտակներով, կիմանայ կազմակերպւել ու ոյժով դրաւել, վերցնել ոչ միայն հողը, այլ և ուրիշ շատ խիստ թանկագին բաներ... (Աղմուկ աջակողմում)... Կիմանայ իր կազմակերպած ոյժերով ձեռք բերել այն բոլոր բարիքները, որոնց տիրանալուն ձգտում է անզսպելի կերպով:



հախազան: Պ. հոնատօր, ձեզ կարգի եմ հրաւիրում. չէ կարելի  
խօսել սպառնալիքների մասին:

Տէր-Աւ: Ճիշտ այդպէս էլ պէտք է լուծւի հողային հարցը  
մեղանում Անդրկովկասում, որտեղ լաւագոյն պիտանի հողերի 2/  
գտնւում է կալաճատէրերի ու «ուղեղին» վարչութեան տիրապե-  
տութեան տակ, վանքերի, եկեղեցիների ու մզկիթների սեփակա-  
նութիւնն է, որտեղ հողային սովը այդ պատճառով, մանաւանդ  
Քանձակի, Երևանի ու Քութայիսի նահանգների գիւղացիութեան  
մէջ, աւելի ազազակող է, քան Ռուսաստանի որ և է մի ուրիշ  
մասում: Մեր անդրկովկասեան լենդ-լօրդերը, հողատէր ազնւա-  
կանները, եղբայրակից ուս սեփականատէրերի նման իրենց ի-  
րաւունքները դէպի հողը նոյնպէս սրբազան են յայտարարում,  
վատ իմանալով Կովկասի անցեալ պատմութիւնը, վատ իմանա-  
լով, թէ ի՞նչու համար, ի՞նչ ծառայութիւնների շնորհիւ են ստացել  
նրանք այդ հողերը Կովկասի նախկին տիրապետողներից, ոչ խոշոր  
ինքնակալներից, բայց շատ խոշոր քմահաճութի տէր մարդկանցից...  
Այդ տիրապետողների օրով սակաւ չէին այնպիսի դէպքեր, երբ հողի  
հազարաւոր գեներատիւներ նւիրում էին այս կամ այն սիրելուն  
վարպետօրէն պարած լեզգինկայի համար կամ լաւ երգած «Մրաւալ-  
ժամիեր»-ի... Մեր մելիքները, բէկերը, թաւաղները, ազնաուր-  
ները, ազալարներն ու խաները իրենց ձեռքով ստրկացրած գիւղա-  
ցիութեան առջ ուրիշ ծառայութիւններով պարծենալ չեն կարող...

Այդպիսի միջոցներով ձեռք բերած հողային իրաւունքները  
կովկասում հաստատուած ուս իշխանութեան կողմից ճանաչւեցին,  
թէև ոչ խսկոյն և եթ երկիրը նւաճելուց յետոյ. մինչև 40-ական  
թւականների կէսը գրազրութիւն է կատարում այդ հարցի մա-  
սին: Կալաճատէրերի իրաւունքները օրինաւոր ճանաչելուն ընդ-  
դիմանում էր ամենից շատ Երմօլովը, բայց երբ փոխարքայ է  
նշանակում իշխան Վօրօնցովը, 40-նական թւականների կիսին,  
կառավարութեան վերաբերումը դէպի տեղական ազնւականները  
կտրուկ կերպով փոխում է յօգուտ նրանց: Թոյլ է տրւում հողե-  
րի գրաւումն իբրև մասնաւոր սեփականութիւն, որը տևում է  
մինչև անցեալ դարի վերջը, իսկ Անդրկովկասի մի քանի խուլ  
մելիքներում, որպիսիներն են Նուխիի ու Արեշի գաւառները,  
հողերի գրաւումը կատարում է հէնց այսօր էլ: Իշխան Վօրօն-  
ցովը, որն այն ժամանակայ անգլիական կարգերի երկրպագու էր.

մանաւանդ անգլիական ազնւականութեան երկրպագու, աշխատում էր անդրկովկասեան ազնւականութիւնից ստեղծել անգլիական լենդ-լորդերի դասակարգի պէս մի բան, հաստատ համոզւած լինելով, որ այդ դասակարգը կը լինի եւրոպական բազաթականութեան, եւրոպական կուլտուրայի ներմուծողը մի երկրում, որը այն ժամանակ կուլտուրական զարգացման ստոր ստիճանի վրա էր կանգնած: Բայց նա այդ բանում չարաչար սըխալեց, ու նրա ստեղծած դասակարգը հանդիսացաւ անզոր կենսուրախ մարդկանց մի դասակարգ, որն իւրացրեց եւրոպական արտաքինը ու եւրոպական սովորութիւնները՝ ոչնչացնելու այնպիսի հարստութիւններ, որոնք ձեռք չեն բերւած ու ձեռք չեն բերւում սեփական աշխատանքով... Իրենց կալւածները նրանք քայքայեցին, գրաւ դրին կրկնակի, եռակի անգամ ու վախճառու—կապալառուների հետ միասին իբրև մի անտանելի բեռը ընկան գիւղացիութեան շինքի վրա, որի արիւնը մինչև օրս ծծում են դեռ... Կովկասը հողային հարցի լուծման է կարօտ ինչպէս և ամբողջ Ռուսաստանը:

Այստեղ կովկասեան պատգամաւորներից մի քանիսը խօսեցին հողերի ոռոգման ծայրայեղ անհրաժեշտութեան մասին Կովկասում: Այդ իսկապէս առաջնակարգ կենսական պահանջ է մեր երկրի համար. լաւ կազմակերպած ոռոգումը, ջրի առատ մատակարարումը կարող է կրկնապատկել մշակելի պտղաւէտ հողերի տարածութիւնը: Նոյնպիսի կենսական պահանջ է մեր երկրի համար գաղթականութեան հոսանքի դադարեցումը ներքին Ռուսաստանից դէպի Անգրկովկաս, քանի որ գաղթականների բազմանալը աւելի ու աւելի զգալի է դարձնում առանց այդ էլ սարսափելի սակաւահողութիւնը. ուստի գաղթականները, ինչպէս յայտնի է, ինչպէս այստեղ աւել է արդէն, չեն կարողանում տանել այնտեղի կլիման, մեռնում են հարիւրներով: Բացի այդ գաղթականութիւնը, որը կազմակերպւած է եղել տեղական (բնիկ կովկասեան) տարրերը ուսացնելու նպատակով, բերում է հակառակ հետեանքների, այն է՝ տեղական ազգաբնակչութեան խաւերում զայրոյթ է յարուցանում, զայրոյթ, ուղղւած ոչ թէ Կովկաս գաղթող ուս գիւղացիների դէմ, որոնց մեր գիւղացիները հաշոււ են իրենց եղբայրներ, այլ այն պարօնների դէմ, որոնք գաղթականներով օգտուում են իբրև տեղացիներին ուսացնելու գործիքներով, ուսացման քաղաքականութեան նպաստող տարրով...

Այստեղ Կովկասի ներկայացուցիչներին պատգամաւորներ Շահթախթիսկին ու Սան Սոյսկին յայտարարեցին, որ իրանք հողային հարցի այնպիսի լուծման կողմնակից են, որպիսին առաջարկուած է կաղեմների կուսակցութեան կողմից, այսինքն կողմնակից են հողի գնման արդարացի գնահատման հիմունքների վրայ: Ինչպէս մէկը Կովկասի ներկայացուցիչներին նրանց հետ համաձայնել չեմ կարող: Ես Կովկասի ամբողջ գիւղացիութեան անունից, առանց ազգութեան ու կրօնի խտրութեան, յայտարարում եմ, որ մեր գիւղական ժողովուրդը ձգտում է հողի խնդրի նոյնպիսի լուծման, ինչպիսիին որ ձգտում է գիւղացիութիւնը մնացած ամբողջ Ռուսաստանի: Կովկասի գիւղացիութիւնը իր մինչև այժմ խեղդեալ ձայնը միացնում է ռուս գիւղացիութեան հզօր ձայնին, այն ձայնին, որը ազդու ու խիղախ քանիցս անգամ հնչեց այս ամբիօնից ի դժգոհութիւն մինիստրների խորհրդի պ. նախագահի: Վճռական վայրկեանին Կովկասի ամբողջ գիւղացիութիւնը ձեռք ձեռքի տւած կը գնայ իւր մեծ եղբայր ռուս գիւղացիութեան հետ ու ձեռք կը բերի այդպիսով թէ հող, թէ ազատութիւն, ձեռք կը բերի թէ մարդկային իրաւունքներ և թէ մարդավայել կեանքի գոյութեան պայմաններ» (Յափան. ծախակողմում):

Հողի խնդրի գործում թէ Դումայի և թէ միացեալ կուսակցական խմբի յատուկ յանձնաժողովներում Դաշնակցական խմբակի ներկայացուցչի ունեցած մասնակցութեան մասին թող տեղեկացնէ յանձնաժողովների անդամ-պատգամաւոր Յ. Սաղաթէլեանի յետագայ գեկուցումը:

«Կարևորագոյն հարցը Բ. Դումայի համար հողայինն էր: Իսկապէս էր դրա ոյժը և դա եղաւ նրա կորստեան պատճառը: Սոց.-դեմոկրատների դէմ յարուցուած մեղադրանքը, որը կառավարութիւնը դարձրեց Դումայն արձակելու պատրուակ, ինքնըստինքեան չնչին դէպք էր, արհեստօրէն փքացրած, դուրս գալու համար այն կրիզիսից, որը սկսել էր առաջ բերել հողի հարցը: Ահաւրի հսկայ կայսրութեան ժողովուրդը աչքերը յառած դէպի Դումայն սպասում էր սրա որոշման հողի հարցի մասին. և ինչքան էլ որ չափաւոր լինէր այդ վճիռը, մահացու էր լինելու կալւածատէրերի և կառավարութեան համար:

«Երկու կողմերն էլ զգում էին, թէ ինչուֆն է նրանց ոյժը և վտանգը: Ինչքան էլ որ ակնյայտնի էր, որ Դումայի ոչ մի օրի-



նագիծ բուն ժողովրդական ոգով կենդանի չէր կարող անցնել Պետական Խորհրդի միջով, նամանաւանդ հողի օրինագիծը, Պետ. Դուման տագնապով շտապում էր արագացնել նրա իրագործումը, լաւ իմանալով, որ Դումայի արձակումը անխուսափելի է, մինչդեռ անհրաժեշտ էր ազատարար շարժման յաղթանակի տեսակէտից ցոյց տալու ժողովրդին, թէ Դուման ինչպէս է նայում նրա համար մահու և կենաց նշանակութիւն ունեցող հարցի վրայ, և ինչպէս էր կամենում լուծել այդ:

«Հետևաբար, չնայելով բազմաթիւ սուր հարցապնդումների և այլ օրինագծերի, բոլոր կուսակցութիւնները զբաղւած էին գլխաւորապէս հողի հարցով, մրցում էին փոխադարձ այդ հարցի շուրջը և յատուկ կուսակցական յանձնաժողովներ էին կազմել այդ հարցի մշակման և իրենց հայեացքների համաձայն օրինագիծ կազմելու համար:

«Հարկաւոր է արդեօք նկատել, որ ոչ մի կուսակցութիւն այնպէս չէր նւիրւած այդ հարցին ինչպէս ս.-ր.-ներինը՝ Մինչդեռ սոց.-դեմոկրատ կուսակցութիւնը բոլորովին գերի զարձած իւր դոգմատիզմին, որի համաձայն գիւղացին ևս բուրժուա է համարոււմ, ինչ որ Ֆանտաստիկ ձևով (մունիցիպալիզացիա \*), ուղում էր քողարկել իւր իսկական վերաբերմունքը դէպի հողագործ գիւղացիութեան պահանջը, կազեանները ընդունելով գիւղացիներին պատկանած հողի տարածութեան ընդարձակման կարևորութիւնը, նոյն իսկ ստիպողական եղանակով, անտարբեր էին դէպի հողատիրութեան ձևերը, սիայն սոցիալիստ յիզափոխականների խումբն էր, որ ձգտում էր հողի խնդրի արմատական լուծման: «Սոց.-յեղ. և դաշնակց. միացեալ խումբը» առանձին մասնաժողով ընտրեց հողի օրինագիծ մշակելու համար: Մասնաժողովը երկար ժամանակ զբաղւեց այդ օրինագծով \*\*), որը պիտի առաջարկէր Դումային, և առաջարկւեց իսկ խմբի կողմից: Կուսակ-

\*) «Սոց.-դեմոկրատները ընդունելով մասնաւոր սեփականութիւն հողի վերաբերմամբ, միևնոյն ժամանակ առաջարկում են դրան ժխտող մի ձև—հողերը պիտի պատկանեն առանձին ինքնավարական շրջանների: Նկատողութեան արժանի է և այն, որ նրանք չեն ընդունում պետութեան գերագոյն իրաւունքը՝ ընդհանուր հաւասարութիւն մուծել և պաշտպանել հողատիրութեան վերաբերմամբ:

\*\*\*) Տես վերջը՝ Յաւելւածների բաժնում:

ցական մասնաժողովում հաւասար մասնակցութիւնը հողի գոյութեան միակ ազրիւրի վերաբերմամբ ընդունելով իբրև ամենադիւսաւոր սկզբունք, ես ջերմ պաշտպանեցի պետութեան գերագոյն իրաւունքը հողի բաշխման և հողատիրական կարգերը հաստատելու և պաշտպանելու գործում, ի հարկէ ի դէմս ժողովրդավար սահմանադրական մարմինների, որովհետև շնորհիւ հողի յատկութեան և քանակութեան տարբերութեան, միւս կողմից պետութեան կազմի բազմազանութեան պատճառով, այդ հարցում գաւառային ինքնավարութիւնների կամ առանձին ազգերի լիազօրութիւնը անխուսափելի կերպով առաջ կրերէր եսական ձգտումներ և որոշ չափով անխուսափելի կղարձնէր նոյն չարիքը—անհաւասարութիւն հողատիրութեան մէջ: Այս մեր պետութեան մէջ պատմականօրէն առաջ եկած և իրապէս գոյութիւն ունեցող հաւասար հողատիրութեան ձևը—համայնական հողատիրութիւնը—համարելով անգնահատելի մի ընկերվարական կարգ, մինչդեռ հաւասարութեան վերաբերող թէօրիաներից ոչ մէկը դեռ փորձի չէ ենթարկւած և ժամանացած, ես պաշտպանում էի այն միտքը, որ այդ ձևը անհրաժեշտ կատարելագործումներով, որոնք պահանջուած են կուլտուրական և գիւղատնտեսական յառաջդիրութեան տեսակէտից \*) , պիտի դարձնել հիմնաքարը ցանկալի հողատիրութեան:

Դուժայի Հողի յանձնաժողովում շնորհիւ ծայրայեղօրէն հակադիր կուսակցութիւններից բաղկացած լինելուն՝ հողի հարցը դրեց ամենաընդհանուր ձևով, թէ որպիսի հողեր և ինչ ձևով պէտք է ձեռք բերել գիւղական դասակարգի հողի կարիքը լրացնելու համար և արդեօք պարտադիր միջոցաւ թէ ոչ, չշօշափեց վարձադրելու հարցը:

Ինձ առիթ եղաւ մի քանի անգամ խօսելու Դուժայի այս յանձնաժողովում. ես պաշտպանում էի նացիօնալիզացիայի սկզբունքը պետութեան ամբողջ հողի վերաբերմամբ և պարտադիր համայնական հողատիրութիւն իւրաքանչիւր համայնքի շրջանում:

\*) Այս կուսակցական հողի Մասնաժողովում Դաշնակցական պատգամաւորը յատուկ ուշադրութեան առարկայ էր դարձրել մեր երկրի գիւղատնտեսական և կլիմայական առանձնայատուկ պայմանների շնորհիւ խիստ կանոնաւորութիւն ունեցող ջրատիրութեան կարգերի ու ոռոգման շինարարման մեղիւնները, որ և ինկատի է առնել Մասնաժողովի մշակած օրինագծում: Ս. Տ.



ծանրանալով այն ակնյայտնի իրողութեան վրայ, որ եթէ նոյն իսկ իդէալական ձևով հաւասար բաժանեն հողերը, բայց չընդունուի նացիօնալիզացիայի սկզբունքը և պարտադիր համայնական հողատիրութեան կարգը, հողերի վերատին կետրոնացումը և մասսաների հողազրկութիւնը անխուսափելի է:

«Երկար վիճաբանութիւններից յետոյ աշխատաւորականների, կաղետների, սոցիալիստ յեղափոխականների և ժողովրդական սոցիալիստների միացած ձայներով որոշեց պարտադիր զբաւում, յետաձգելով վարձատրութեան հարցը: Արքունական, պետական և վանքական հողերի մասին որոշեց, որ առանց վարձատրութեան յատկացւին հողագործ ժողովրդին:

«Ապա քննութեան ենթարկեց այս հարցը—արգօք ձեռք բերւած հողերից պէտք է հողի մի ընդհանուր ֆոնդ կազմել, որը հաւասարութեան սկզբունքի համաձայն բաժանւի ժողովրդին, թէ զբաւումը և բախշումը պիտի կատարւի ըստ տեղի և ըստ պահանջի: Մեծամասնութեամբ մերժեց ընդհանուր ֆոնդ կազմելու գաղափարը: Ուշադրութեան արժանի է այն հանգամանքը, որ այս հարցը քւէարկելիս սոցիալ-դեմոկրատները միացան կաղետներին և ոչ ձախակողմեաններին: Հետաքրքիր էր և նկատողութեան արժանի աշխատաւորականներից բուն գիւղացի պատգամաւորների ընդհանուր վերաբերմունքը հողի հարցի պատճառով ծագած վիճաբանութիւններին: Նրանք ձանձրանում էին, երբ միւս կուսակցութիւնները, նոյն իսկ ձախակողմեանները ձգտում էին յուսարանել խնդիրը պետական, տնտեսական և այլ տեսակէտներից: Նրանք շտապեցնում էին մասնաժողովը անմիջապէս դիմել խնդրին և որոշել պարտադիր զբաւում: Հողի ստիպողական զբաւման սկզբունքը Յանձնաժողովում ընդունւելուց յետոյ փակեցին երկրորդ Դուման:

Հողի Յանձնաժողովում ևս հարց յարուցի, թէ ի՞նչպէս պիտի վարւել այն կալւածքների վերաբերմամբ, որոնք կազմում են առանձին ազգերի սեպակականութիւն, օրինակ հայ ազգի կալւածքները, որոնց նա տիրում է ի դէմս իւր ազգային եկեղեցական ինքնավար կազմակերպութեան, և եկամուտները ծախսում է հանրօգուտ հաստատութիւնների վրայ. չպիտի համարել արդեօք այդ համայնացման լուսպոյն տեսակը: Այդ հարցն էլ ի թիւս այլոց Դումայի փակումով մնաց առանց որոշման:



Ռազմական դաշտային դատարանների վերացման հարցի առիթով խօսեց Տէր-Աւետիքեանը (9-րդ նիստ, մարտի 13-ին). մատնացոյց անելով կառավարութեան հակաազատագրական քաղաքականութիւնը, կանգ առաւ գլխաւորապէս այն բանի վրայ, որ իւր այդ քաղաքականութեամբ ինքնակալ բիւրոկրատիան կոռւմ կօփում է ժողովրդական մասաներում յեղափոխական ոգին, նպաստում է ազատագրական շարժման յաղթական ընթացքին, որը ոչ այնքան հեռաւոր ապագայում կը տապալի հին բռնակալ ոէժիմը իր փթած կարգերով, եթէ կառավարութիւնը օր առաջ չը խոնարհի ժողովրդի պահանջների առաջին:

Պետական ելեմուտը: Բիւջէն պառլամենտների գործունէութեան այն առարկաներից է, որ խկապէս մէկ հարց չէ, այլ խիստ բազմաթիւ և բազմատեսակ խնդիրների մի կնճոռոտ հանդոյց: Այն ընդհանուր օղակը, որը այդ բոլոր խնդիրները միացնում է բիւջէ կոչւած ամբողջութեան մէջ, բնաւ չէ վերացնում այդ ամբողջութեան բազկացուցիչ մասերից իւրաքանչիւրի առանձնայատուկ որպիսութիւնը: Թող այդ բոլոր խնդիրները ի մի հաւաքւած լինին Ֆինանսական տեսակէտով, բայց չէ որ պետական տնտեսութեան իւրաքանչիւր ելքի և մուտքի յօդւածի իմաստն հասկանալու և բննադատելու համար պէտք է պետութեան և ժողովրդի կեանքի համապատասխան շրջանից լիակատար տեղեկութիւն ունենալ: Առանց այդ տեղեկութիւնների բիւջէյի բոլոր գումարները (100 հազարաւոր, միլիոնաւոր և միլիարդաւոր քանակով) անիմաստ, մեռած տատեր կհանդիսանան, փոխանակ կենդանի կեանքի պերճախօս պատկերը ներկայացնելու:

Կառավարութեան կողմից ներկայացւած բիւջէյի մի այդպիսի իրազեկ, փաստացի և բովանդակալից բննութիւնը և քըննադատութիւնը կարող էր կատարուել միմիայն յատուկ Յանձնաժողովում նախապէս ելեմուտը իւր բոլոր մասերով մանրազնին ուսումնասիրութեան ենթարկելուց յետոյ \*): Իսկ սկզբնական բննութիւնը, որ տեղի ունեցաւ Բ. Դումայում, ի հարկէ կառա-

\*) Այդ բննութիւնն ու բննադատութիւնը ոչ պատասխանատու կառավարութեան համար խիստ անցանկալի մի երևոյթ լինելով՝ մինիստրութիւնը ոչ մի հնարաւոր և մինչև իսկ ապօրինի միջոցի առաջ կանդ շտաաւ այդ իրեն անհաճոյ և ոչ ձեռնաու գործին խանգարելու համար Դումայի ընտրած ելեմուտ Յանձնաժողովներում:

վարութեան ֆինանսական քաղաքականութեան, որ նոյն կառավարութեան ընդհանուր քաղաքականութեան արտացոլումն է, ընդհանուր քննադատութիւնը և անխնայ դատափետուժը պիտի լինէր: Այս սկզբնական քննադատութեան շրջանում արտասանւած՝ Տէր-Աւետիքեանի ճառը հէնց այդպիսի բովանդակութիւն ունէր, գլխաւորապէս կովկասին վերաբերելով: Բնորոշելով պետական ներկայ ելեմուտը իբրև աշխատաւոր մասաներին կողոպտելու համար նախամտածւած մի սխտէմ, նա Դումայի ուշադրութիւնը հրաւիրեց հարկերի այն անտանելի ծանրութեան վրայ, որը գոյութիւն ունի կովկասում. ընդգծեց կովկասեան իշխանութեան կամայականութեամբ կատարւող ապարդիւն ծախսերը, և հոռուօրէն ծախսկողմեան ֆրակցիաների որոշման՝ ճառի վերջում առաջարկեց կառավարութեան ներկայացրած ելեմուտացոյցը չընդունել ու չը յանձնել նոյն իսկ բիւջէյի Յանձնաժողովների նախնական քննութեան:

Հարաւային կովկասն իբրև մի աֆտոնոմ միութիւն ընդունելու սկզբունքին հեռուող կուսակցութեան համար պարտադիր մի բայլ էր պետական ընդհանուր բիւջէյի քննադատութեան ժամանակ գտնել համայն պետութեան ելեմուտից Հարաւային կովկասի յատուկ սեփական ելեմուտը, պարզելու համար Հարաւ. կովկասի դիրքը և դերը բովանդակ պետութեան ֆինանսներում, թէ ի՞նչ է տալիս (մուտք) և ի՞նչ է ստանում (ելք) այս երկիրը պետութեան անտեսութեան ասպարէզում: Համայն Ռուսաստանի և կովկասի (կամ Հարաւ. կովկասի) ներկայ և ապագայ ֆինանսական փոխադարձ յարաբերութիւնները պարզող լիակատար տեղեկութիւններ ունենալը (որ ներկայումս բացակայում է) անհրաժեշտ է նոյն ինքն ինքնօրէն միութեան (Հարաւ. կովկասի) գիմպիծը որոշելու համար, քանի որ ինքնօրէն մի երկրի կեքպարանքը անշուշտ նրա միայն կլիմայի, ազգաբնակչութեան և աշխարհագրական ու վարչական սահմանադժերով չէ որոշուած, այլ նաև սեփական ելեմուտքի պարունակով: Ներկայումս ինչորի այս կողմը բոլորովին անյայտ է, քանի որ Հարաւային կովկասի ֆինանսական կեանքի տեւալները, անբաժան մասն կազմելով համայն պետութեան ընդհանուր բիւջէյի, մուծւած և խառնւած են պետութեան միւս մասերի համապատասխան ելքերի և

մուտքերի հետ: Հարաւային Կովկասի Ֆինանսական դերն ու որպիսութիւնը ընդհանուր պետութեան ներկայ բիւջէ-յում երևան հանելուց յետոյ, այնուհետև նոյն երկրի աֆ-տոնոմիայի ծրագրի համեմատ, պէտք էր թւերով որոշել, թէ ապագայում Հարաւային Կովկասից ստացւող մուտքի և Հա-րաւ. Կովկասի վրայ ծախուող ելքի ո՞ր մասերը պիտի շարունա-կեն մնալ ընդհանուր պետական իշխանութեան տրամադրութեան տակ, և ո՞ր մասերը յատկացւելու և յանձնելու են տեղական սե-փական բիւջէյին և տեղական ինքնօրէն միութեան սեփական իշխանութեան:... Մի շարք բարդ և մանրակրկիտ ուսումնասի-րութիւնների խնդիր, որի կատարմանը դեռ նոր պէտք էր ձեռ-նարկել և որ կանգ առաւ Դուման ցրելով:

Դումայի 23-րդ նիստում քննուում էր՝ ժանդարմների գլխա-ւոր գեներալ Տաուբէին արտակարգ լիազօրութիւններով՝ գործա-դուլի առիթով Բարու ուղարկելու մասին կառավարութեան առա-ջարկելիք հարցապնդումը: Խօսեց Սաղաթիլեանը և Բագրի նախ-կին գործադուլների հիման վրա ցոյց տւեց թէ ի՞նչպէս է վերա-բերում ըրտոկրատիան աշխատանքի և կապիտալի խաղաղ տնտե-սական պայքարին, թէ ի՞նչպիսի վայրենի եղանակով միջամուխ է լինում և իւր բռնութիւններով ո՞րպիսի սոսկալի հետևանքներ առաջացնում: «Դառն փորձը պէտք է բոլորիդ համոզած լինի, թէ ինչքեր են առաջացնում այդ գեներալները արտակարգ լիազօրու-թիւններով ուղարկւած, որ նրանց հետքերը շատ անգամ հրդեհ ու կախաղաններ են լինում: Ներկայ դէպքում կառավարութեան միջամտելու նպատակը իմանալու համար պէտք է դիմել անցեա-լին, Բագրի գործադուլի մօտիկ անցեալին: Ես ալանատես եմ եղել մի քանի գործադուլների, և թոյլ եմ տալիս պարզել ձեր առաջ, որ իշխանութիւնների միջամտելը այդ դէպքերում արդիւ-նագործութիւնը հովանաւորելու ցանկութիւնից չէ բղխում: Իշ-խանութիւնները անտես են առնում նոյն իսկ պետական գանձա-րանի շահերը երբ նրանց թւում է, որ այդ շարժումներում քա-ղաքական վտանգ կայ: Բագրի հէնց առաջին գործադուլից առաջ այնտեղ ուղարկել էին էլի ժանդարմի գեներալ Ֆոն Վալին: Գոր-ծադուլը խաղաղ էր ընթանում. բայց այն ժամանակ, երբ ազա-տութեան դեռ ոչ մի նշոյլ չկար, գործադուլը մի սոսկալի երե-ւոյթ էր թւում, և ահա Բագրու ահագին թւով զօրք ուղարկեցին:



Բարձր իշխանութիւնների դժբախտութիւնից, այն ժամանակւայ Բաքւի նահանգապետ զենեռալ Օղիւնցովը մարդավարի մարդ դուրս եկաւ, և ամեն միջոց գործ դրեց որ և է արիւնհեղութեան առաջն առնելու: Բանւորների և գործարանատէրերի միջև բանակցութիւններ սկսւեցին: Այն ինչ գործարանատէրերին մի քանի անգամ առաջարկուած էին, թէ «մենք կարող ենք զօրքի միջոցով ստիպել բանւորներին, որ գործի կանգնեն»: Բայց գործարանատէրերը, որոնք այս դէպքում իրենց նիւթական շահերի համար էին վախենում, չուզեցան այդպիսի գնով հասնել հետեւանքների, որոնք անխուսափելի կլինէին այդպիսի հանգամանքներում: Բայց իշխանութիւնը, որը միշտ և ամենուրեք միայն մի գաղափարի է հետամտում, մի ցաւով է բռնւած՝ «հալածել յեղափոխութիւնը», այդ իշխանութիւնը գործադուլը իբրև լեղափոխական շարժում նկատեց և ճնշել ուզեցաւ: Ահա թէ ինչ նպատակով է իշխանութիւնը միջաժուխ լինում գործադուլին: Մի քանի գործարաններում գայթակղեցին և ընդունեցին կողակներին, երբ բանւորների մի մասը արդէն վերսկսել էր աշխատանքը, իսկ միւս մասը գալիս էր բանակցելու, բայց բանակցելը արգելւած էր: Սկսւեցին կողակների բռնութիւնները և մարդասպանութեան դէպքեր եղան: Ահա այդ ժամանակ սարսափելի վտանգ առաջ եկաւ: Հրդեհը լուսաւորեց Բարուն ու բոլոր շրջակայքը: Մի քանի բանւորներ կրակ էին գցել նախահանքիբը, և հէնց այնտեղ, ուր կատարել էին բռնութիւնները: 1905 թւի գործադուլի ժամանակ Բաքւում զենեռալ-նահանգապետ էր զենեռալ Ամիլախովարին: Սա էլ ընդունելով, որ այդ բոլորը յեղափոխական շարժում է, որի համար իշխանութիւնները ուղաք է զոհարեին բոլոր պետական շահերը, կատարեց այն ամենը, ինչ որ թելադրել էր Ֆոն Վալը: Բանն այն է որ երբ Ֆոն Վալը Բաքւում միջոցներ էր որոնում «վտանգաւոր շարժումը» ճնշելու համար, և նկատել էր, որ բանւորները մեծ մասամբ մի կրօնի են պատկանում, դիմել էր Օղիւնցովին ասելով՝ «միթէ այստեղ թաթարներ չկան»: Այս խորհուրդը յետոյ նահանգապետ Նակաշիձէնի կատար ածեց: Եւ ի՞նչ էք կարծում, ի՞նչ արեց զեն. Ամիլախովարին երկրորդ գործադուլի ժամանակ: Նա ակնյայտնի բռնութեան դիմեց, զէնք գործադրեց, բայց ոչ զօրքի ձեռքով: Նա կատարեց Պետերբուրգից ուղակւած Ֆոն Վալի գաղափարը. նա թոյլ

ուեց, որ նաւթահանքերի հարեան թաթար գիւղացիները զէնք կրեն, յետոյ թոյլ տւեց, որ մասնակցեն բանւորների խորհրդակցութեանը և իւր զրդմամբ նրանք բռնի կերպով ստիպեցին իրենց մասնակցաններին գործի կանգնել: 1905 թւի Համագումարում իրենք նաւթարդիւնաբերողները խնդրում էին մինխտր կոկոզցեից, որը պաշտպանեց նրանց կարծիքը, իսկ սրան հօ չէ կարելի ազատամտութեան մէջ կասկածել, որ գործադուլները եթէ կոպիտ արտայայտութիւն են ընդունում, ապա այն բանի շնորհիւ, որ բանւորների միութիւններ չեն թոյլ տրւում, չեն թոյլ տրւում համաձայնութեան հաշտարար կամերաներ բանւորների և գործարանատէրերի խաղաղ բանակցութիւնների համար»:

Դուժայի 33-դ նիստում (մայիսի 4-ին) քննադատուում էր ժողովրդի լուսաւորուման մինխտրութեան քաղաքականութիւնն ու գործունէութիւնը և զարոցական գործի վիճակը թէ ընդհանրապէս բովանդակ Ռուսաստանում և թէ առանձին ծայրագաւառներում: Խօսեց Տիգրանեանը, որը սոցիալիստ-լեզափոխականների ու դաշնակցականների միացեալ խմբի յանձնարարութեամբ ու կողմից լուսաբանեց և մերկացրեց բիւրոկրատիկ կառավարութեան ուսումնարանական քաղաքականութեան բնոյթը, ապա կանգ առաւ առանձնապէս Կովկասի Ռուսումնարանական Շրջանի և Հայոց դպրոցների խնդրի վրայ, և վերջապէս մի ամփոփ ծրագիր առաջարկեց այն հիմնական սկզբունքների, որոնց պէտք է հետեւէ Դուժայի ընտրելիք Ռուսումնարանական Յանձնաժողովը: Առաջ եմ բերում այդ ճառը մի քանի աննշան կրճատումներով:

«Երբ Պետ. Դուժան զննում էր պետական ելեմտի նախահաշիւը, ճառախօսները մատնացոյց էին լինում, որ ամեն պետութեան մէջ բիւջէն կառավարական ամբողջ քաղաքականութեան արտացոլումն է, և որ բիւջէն քննելով, միաժամանակ պարզում ենք ոչ միայն երկրի յատկապէս ֆինանսական վիճակը, այլ և պետական գործունէութեան ամբողջ մեխանիզմը, ամբողջ բովանդակութիւնը: Եւ այժմ, երբ ժողովրդական լուսաւորութեան մինխտրութեան ներկայացրած օրինագծերի առիթով քննում ենք ընդհանրապէս դպրոցների ու ուսումնարանական գործի վիճակի խնդիրը երկրում, ես ուզում եմ մասնանշել, որ այդ գործն էլ, այդ խնդիրն էլ կարող են հիանալի պայծառ հայելի ծառայ-

յել, թէ ի՞նչ է ընդհանրապէս կառավարութեան քաղաքականութիւնը, որովհետեւ դպրոցական ուժերը և դպրոցներէ կացութիւնը երկրում ամենասերտ կերպով կապակցուած է ընդհանուր քաղաքական ուժերի հետ:

Երբ խօսուած են դպրոցի մասին, բնականօրէն աչքի առաջ են ունենում լուսաւորութիւնը, հոգու լուսաւորումը: Լուսաւորութիւն ասելով միշտ հասկանում են քաղաքակրթութեան ամբողջութիւնը իւր բազմակողմանի լրութեամբ, և բնականօրէն դպրոցը, իսկական դպրոցը, իրրեւ լուսաւորման գործիք, ժողովրդին հոգևոր քաղաքակրթութեան հաղորդելու գործիքն է: Ինչպէս առանձին անհատի, այնպէս էլ անձերի բազմութեան, ժողովրդի կեանքում լուսաւորութիւնը ու քաղաքակրթութիւնը առաջնակարգ կարևորութիւն ունեցող մի շահ և ինքնանպատակ են հանդիսանում: Ժողովրդի կեանքում քիչ կան այնպիսի շահեր, որոնք այնչափ ինքնակախ և ինքնուրոյն հանդիսանային, որքան լուսաւորութեան ու քաղաքակրթութեան խնդիրներն են, որովհետեւ մինչև իսկ տնտեսական բարեկեցութիւնը չէ՞ որ արժէքաւորութեանկազին է ոչ թէ ինքն ըստ ինքեան, այլ որպէս անհրաժեշտ միջոց ուրիշ նպատակների հասնելու, որոնցից առաջինը ժողովրդի լուսաւորութիւնն է: Միևնոյն ժամանակ այդ շահը հանրական է, ամենքի շահն է, և չէ կարող լինել մէկը, որին խորթ լինէր լուսաւորելու շահը. ուստի ժողովրդավար (դեմոկրատիկ) երկրներում բնականօրէն դպրոցների վիճակն այնպէս է, որ ծառայում են ամբողջ ազգաբնակչութեանը և լուսաւորութիւն են մատակարարում, քաղաքակրթութեան են հաղորդակցում ամբողջ ազգաբնակչութիւնը անխտիր: Իսկ այն երկրներում, ուր որ քաղաքական կազմակերպութիւնը ժողովրդավար չէ, ուր որ արտօնեալ դասակարգեր ու խմբեր կան ամեն ինչ իրենց օգտին շահագործող, բնականաբար դպրոցն էլ այն վիճակում չէ, ինչ որ ունի ժողովրդավար երկրներում: Մեղանում, Ռուսաստանում այդ կողմից խիստ բնորոշ է դպրոցի վիճակը:

Նախ և առաջ, քիչ թէ շատ կանոնաւոր ուսումնարաններ գոյութիւն ունեն միմիայն արտօնեալ դասակարգերի համար, և իսկական ժողովրդական դպրոց իրօք գոյութիւն չունի, որովհետեւ ժողովրդական կոչուած դպրոցները աւելի անունով քան իրօք գոյութիւն ունեն: Եթէ կառավարութիւնը հետևողական լինէր,



այս բիւրոկրատիկ անպատասխանատու կառավարութիւնը, այդ անւանական դպրոցներն էլ չէր պահել: Եթէ պահուած է, թէկուզ անւանաբար, ապա նախ և առաջ որոշ ժողովրդական պահանջները ճնշման տակ: Մէկ կողմից, կարծես քաշելով ժողովրդի պահանջներէ, կառավարութիւնը ստիպւած է այսպէս թէ այնպէս, թէկուզ անուշով, ունենալ գոնէ սակաւաթիւ ժողովրդական դպրոցներ: Միւս կողմից, կառավարութիւնը, թէպէտև ոչ պատասխանատու, թէպէտև բիւրոկրատիկ, բայց քաղաքակրթիչ տիտղոսը կրելու յաւակնութիւն ունեցող կառավարութիւնը, ի հարկէ չէր կարող բնաւ դպրոց չունենալ, չէր կարող իւր մինիստրութիւնների շարքում ժողովրդի լուսաւորութեան մինիստրութիւն կոչուող չունենալ, թէկուզ քաղաքակիրթ Եւրոպայից քաշելով:

Բայց որովհետև վերջ ի վերջոյ բիւրոկրատիկ կառավարութիւնը ժողովրդի լուսաւորման և ժողովրդական դպրոցների գոյութեան մէջ շահագրգռւած չէ, ապա այդ դպրոցն էլ այն ողորմելի վիճակը պիտի ունենայ, ինչ որ ունի, և որովհետև կառավարութիւնը շահ ունի, որ արտօնեալ դասակարգերի արտօնութիւնները ապահովւած լինին և որ ժողովրդական մասաները, այդ արտօնեալ դասակարգից շահագործող ու ստրկացող, անմոռնչ ու կրաւորաբար համաձայնեն ու հաշտեն իրենց վիճակին, ապա դպրոցներ բանալով, կառավարութիւնը միևնոյն ժամանակ դրանց բոլորովին որոշ պահանջներ էր դնում: Այդ պահանջները ոչինչ առնչութիւն չունեն լուսաւորութեան ու քաղաքակրթութեան հետ: Կառավարութիւնը ժողովրդական դպրոցների վրայ նայում է ոչ թէ իբրև քաղաքակրթութեան և լուսաւորութեան գործիքի վրայ, այլ որպէս ժողովրդի ողին ստրկացնելու գործիքի վրայ, մի ստրկացման, որի վրայ կարող է հիմնւել տնտեսական շահագործումը և քաղաքական ստրկացումը ամբողջ ժողովրդի (ծափահարութիւններ ձախ կողմից): (Աջ կողմից կանչում են՝ «դատարկ խօսք»): Աջակողմեանների համար այդ դատարկ բան է, իսկ ժողովրդի համար կենսական պահանջ է (ծափահարութիւններ ձախ կողմից):

Այսպիսով դպրոցական գործը երկրում չունի այն ինքնակախութիւնը, որ պէտք է ունենար, եթէ կառավարութիւնը իրօք դպրոցների վրայ նայէր իբրև դպրոցի, լուսաւորութեան գործի-

բի վերայ: Մինչդեռ այդ ստորակարգ ծառայական վիճակը ազդում է նաև զպրոցները վարող տեսչութեան վերայ: Այդ օժանդին յայտնի է. ժողովրդի լուսաւորութեան մինխտրութիւնը միշտ էլ ծառայական է եղել, միւս բոլոր մինխտրութիւններից ամենաստորակարգը և յետինը: Ժողովրդ. լուսաւ. մինխտրութիւնը չէ ունեցել իւր սեփական ուսումնարանական, այսպէս ասած, մանկավարժական քաղաքականութիւնը: Նա միշտ հանդիսացել է աւելի որպէս ներքին գործերի մինխտրութեան առանձին բաժանմունքը և իրեն պարտաւոր է համարել անխօս ի կտար ածել զպրոցում այ՛ կարգադրութիւնները ու ցուցումները, որ հաճելի էին ներքին գործերի կամ այլապէս ասած ոստիկանութեան մինխտրութեանը: Ուսումնարանական տեսչութիւնը միշտ վերջ ի վերջոյ հանդէս էր գալիս իրրև ոստիկանութեան տեսչութիւն, և ոչ թէ մանկավարժական գործունէութեան տեսչութիւն:

Այդպէս էր ժողով. լուս. մինխտրութիւնը մինչև այժմ, և մենք ոչ մի հիմք չունենք կարծելու, որ ներկայ կարիներտի օրով որ և է բան էապէս փոխել է զպրոցական քաղաքականութեան ուղղութեան մէջ: Մինխտրութիւնը բնաւ շահախնդրած չէ, որ զպրոցները բազմանան և լաւանան: Եթէ հարկ լինէր հաստատելու ուսումնարանական տեսչութեան սնանկութիւնը, կարելի կը լինէր շատ քիչ փաստերով շատանալ, որովհետև յուսով եմ բոլորիդ բազմութիւ փաստեր են յայտնի: Բիւրոկրատիկ կառավարութեան սահմանազրական գոյութեան ժամանակամիջոցում ժող. լուս. մինխտրութիւնը մինչև այժմ հանդէս չէ եկել զպրոցների բարեփոխման ոչ մի քիչ թէ շատ լայն մտածւած ծրագրով: Մինխտրութեան միայն մի օրինազիծը կարող է որոշ հետաքրքրութիւն ու արժէք ներկայացնել—հանրական ուսում ներմուծելու օրինազիծը: Բայց եթէ հանրական ուսում մտցնելը յիրաւի խոշոր գործ է, ապա զբարոցները բազմացնելուց զատ պէտք է մտածել նաև նրանց բարեկարգման մասին: Եթէ ներկայումս ամբողջ երկրում զպրոցական կեանքը բոլորովին անկանոն է և խորապէս անբաւարար, ապա պէտք է հոգ տանենք ոչ միայն հանրական ուսում մտցնելու մասին, այլ նաև՝ որ կանոնաւոր և բարեկարգ ուսուցումն ներմուծենք և հեռացնենք այն անկարգութիւնը, այն քաօսը, որը տիրում է ներկայումս կառավարութեան բոլոր զպրոցներում: Արդեօք կարելի՞ է սպասել, որ ներկայ կա-

աւարութեան և ներկայ ժող. լուս. մինիստրութեան օրով այս շրջանում որ և է գրական բան կատարեն: Ուսումնարանական իշխանութեան ողին բնորոշելու համար ես մատնանիշ կլինիմ վերջերս հրատարակած շրջաբերականի վրայ փոխադրման քննութիւնների վերականգման մասին, և մասնական քննութեան ենթարկելով, կփորձեմ ցոյց տալ, թէ ինչ աստիճան ոչ մի վստահութեան արժանի չէ այն մինիստրութիւնը, որը ժողովրդի լուսաւորման գործի գլուխ է կանգնած: Ի՞նչը զրգեց այդ շրջաբերականը հրատարակելու: Այն, որ անհրաժեշտ է բարձրացնել կարգապահութիւնը և բարւոքել ուսումնական մասը:

Մինիստրութեան համոզմունքն էր, որ զպրօցում կարգապահութիւնը բարձրացնելու համար պէտք է փոխադրման քննութիւնները վերականգնել: Բայց ինչ կապ կայ փոխադրման քննութիւնների ու զպրօցում կարգապահութիւնը վերականգնելու միջև. ոչ մի կապ: Յիրաւի, ոչ մի մանկավարժ ի հարկէ չէ կարող մտածել, որ զպրօցում կարգապահութիւնը վերականգնելու համար պէտք է աշակերտներին փոխադրել նախապէս քննութեան ենթարկելով: Կարգապահութիւնը ու քննութիւնները ոչինչ ընդհանուր բան չունին: Երբ զպրօցում կարգապահութիւն մտցնելու մասին խօսք է լինում, նախ և առաջ պէտք է հասկանալ, թէ ի՞նչ բան է կարգապահութիւնը զպրօցում: Մենք գիտենք, թէ ինչ կերպ է հասկանում այդ կարգապահութիւնը ժող. լուս. մինիստրութիւնը: Պարզ է, որ զպրօցում ուրիշ կարգապահութիւն պիտի լինի, քան օր. զօրքում կամ այլ տեղերում եղածը: Կարգապահութիւն ասելով մինիստրութիւնը ուզում է հասկանալ աշակերտների կատարելապէս կրաւորական վերաբերմունքը ամեն բանի, իրենց միժակին, թէ ի՞նչպէս և ի՞նչ են իրենց սովորեցնում: Անհատականութեան, ինքնակախութեան, ինքնագործութեան ամեն մի արտայայտութիւն աշակերտի կողմից մինիստրութիւնը հակակարգապահական գործողութիւն է համարում և իբրև այդպիսի մի գործ՝ անհրաժեշտ է դատում պատժել (ժափահարութիւններ ձախ կողմից): Այն ինչ ամեն զպրօցի գործն ու նըպատակն է ոչ թէ կրաւորական անձնաւորութիւններ ստեղծել, որոնք կեանքում երբէք չեն կարողանայ ոչ մի ինքնուրոյնութիւն ու ներգործականութիւն ցոյց տալ. ընդհակառակը, զպրօցը, եթէ նա իսկական զպրօց է, պէտք է ձգտէ դաստիարակելու իւր սա-



ներին իրենց անձնաւորութեան արժանապատւութեան գիտակցութեան մէջ, անձնական իրաւունքի գիտակցութեան մէջ, այն գիտակցութեան մէջ, որ թէև ինքը փոքրիկ մարդ է, աշակերտ է՝ բայց և այնպէս պէտք է ինքնուրոյն կերպով քննէ ամեն բան որ իրեն է վերաբերում. ոչ մի հրաման զպրոցում վերջ ի վերջոյ չպիտի մեքենաբար գործէ, ոչ մի աշակերտ զպրոցական իշխանութեան ոչ մի պահանջին չպիտի ենթարկուի անգիտակցաբար: Դպրոցում, իսկապէս ասած, չպիտի լինի այն կարգապահութիւնը, որի մասին կարող է խօսք լինել ուրիշ ասպարէզներում, որովհետև դպրոցում չպիտի լինի և իշխանութիւն այն մտքով, ինչ մտքով որ իշխանութիւնը հասկացուած է ուրիշ ասպարէզներում: Դպրոցի վարիչները, դաստիարակները և ուսուցիչները պէտք է հանդէս գան ոչ թէ իբրև վարչական իշխանաւորներ հրամաններով ու կարգադրութիւններով, այլ իբրև հեղինակութիւններ, և այդ հեղինակութիւնը դաստիարակները, ուսուցիչները ու տեսուչները պէտք է վաստակեն իրենց վարելովը աշակերտների հետ: Ոչ մի մինիստրը չէ կարող հեղինակութիւն տալ զպրոցական այս կամ այն գործչին, եթէ վերջինս ինքը իւր գլխութիւններով, գործունէութեամբ և անձնական վարեցողութեամբ աշակերտների հետ, չէ վաստակել այդ հեղինակութիւնը ու վստահութիւնը: Տարիներ ընթացքում ծառայել եմ զպրոցում և գիտեմ, որ ամեն մի ուսուցիչ, ամեն մի դաստիարակ, որը մտադրութիւն չունի աշակերտի անձնաւորութիւնը ստրկացնելու ու ճնշելու, որը ինքը բոլորովին անկեղծ ու մաքուր տրամադրութեամբ է մօտենում նրան, միշտ աւելի մեծ վստահութիւն ու ազդեցութիւն է վայելում աշակերտների վրայ, քան այն բոլոր տեսուչներն ու իշխանաւորները, որոնք բազմաթիւ վարչական և կառավարչական լիազօրութիւններ ունեն վերելից ստացած, բայց ոչ մի վստահութիւն չեն վայելում աշակերտների աչքում ու սրտում:

Ինչ վերաբերում է այն կէտին, իբրև թէ քննութիւնների վերականգնումը կարող է բարւոքել զպրոցների ուսումնական մասի վիճակը, ես ուզում եմ ասել, որ մանկավարժական տեսակէտից այդ ոչ մի քննադատութեան չէ գիմանում: Երբ տարին վերջանում է, ապա ոչ մի միջոց պարզ է, որ անցած տարւայ ուսումնական մասը բարւոքել չէ կարող. տարին անցել է, և ինչ որ եղել է ուսումնական տեսակէտից, այն էլ կմնայ, ուզում էք

վերականգնեցէք քննութիւնները, ուզում էք էլի մի ուրիշ բան  
հնարէք, ոչ մի բանով չէ կարելի վերականգնել բաց թողածը:

Հետևապէս այդ շրջաբերականը վերջ ի վերջոյ ուրիշ բան  
չէ, բայց եթէ ամենասովորական վարչական ղեկը սխալի մի  
ակտ, և ոչ մի ուսումնական-կրթական արդիւնք չի ունենայ,  
բացի մերկ ղեկը սխալի սովորական արդիւնքից, այն որ կը  
ճնշէ աշակերտներին, կպատժէ նրանցից մի քանիսին, ամենա-  
ըմբոստներին ուսումնարանական իշխանութեան կարծիքով: Եւ  
այս ղեկը, ինձ թուում է, որ ժող. լուս. մինիստրութիւնը հան-  
դէս է գալիս դարձեալ ոչ ինքնակախ կերպով, որովհետև չեմ կա-  
րող ենթադրել, որ ժող. լուս. որ և է մինիստրութիւն, որքան  
էլ նա թոյլ լինէր իր մանկավարժական գործունէութեան մէջ և  
անընդունակ վարելու իրեն յանձնուած ուսումնական գործը, չը-  
հասկանար, որ նման շրջաբերականով ոչինչ չէ կարող անել: Եթէ  
ժողով. լուս. մինիստրութիւնը ղեկը սխալի այսպիսի մի ակտ է  
հրատարակում, ապա կարծում եմ, որ ներքին գործերի մինիս-  
տրութեան հրամանով է գործում... (ծափահարութիւններ ձախ  
կողմից), որովհետև ներկայ ըլերոկրատիկ կարինէսը, երկրին  
ցոյց տալու համար, որ անպատասխանատու մինիստրութիւնը  
Դուժայից չէ վախենում, և իւր իշխանութիւնն ու ազդեցութիւնը  
ընտելուած չեն, ինչպէս դիտենք, վճռել է ղեկը սխալներին նոր  
ոյժ տալ ըլոր տեսչութիւններում. ժող. լուս. մինիստրութիւնն  
էլ պարտաւոր էր իւր կողմից որ և է ղեկը սխալի հնարել. և ան-  
հնարեց, հրատարակելով շրջաբերականը, որ կարելի էր ծիծաղե-  
լի անանել, և թէ տխուր հետևանքներ առաջացրած չլինէր արդէն:

Ծայրագուտների պատգամաւորներից մէկը լինելով, ընդ-  
հանրապէս երկրում դպրոցական գործի մասին խօսելով, ես չեմ  
կարող անտես անել կառավարութեան դպրոցների վիճա-  
կը և ուսումնարանական իշխանութեան գործունէութեան  
այսպէս ասած փառաւոր էջերը մեր կովկասեան ծայրա-  
գաւառում: Առհասարակ կառավարութեան մէջ իրենց ուղղակի  
կոչումն էին համարում ոչ այնքան լուսաւորութեան, որքան մի-  
սիոնարութեան և ռուսացման նպատակները. և այս ուղղութեամբ  
ընթանալով ի վերջոյ ուսումնարանական իշխանութիւնը ծայրա-  
գաւառներում այնտեղ հառաւ, որ կառավարչական դպրոցները  
ըլորովին այլասեւեցին և որ այլևս իսկապէս, այնտեղ կառա-

վարչական ոչինչ դպրոց չկայ էլ, չկան ռուսաւորող ուսումնարաններ, այլ կան այսպէս ասած՝ ուսւերէնի կուրսեր. այնտեղ զըզրոցները միմիայն մի բան են սովորեցնում— ուսաց լեզու, էլ ուրիշ ոչ մի նպատակի չեն ուզում ծառայել: Մէկ կողմից սովորեցնել բնիկներին անձանօթ ուսւերէնը, միւս կողմից ամեն կերպ արտաքսել դպրոցից ու հասարակական կեանքից մայրենի լեզուն: Այստեղ մեզ մտանացոյց էին լինում այն համը մեթոդը, որը գործադրուած էր կառավարութեան բոլոր դպրոցներում ծայրագաւառներում: Մեզանում կողկասում էլ գտնուած էին կառավարչական պաշտօնական մանկավարժներ, որոնք ուզում էին գիտականօրէն հիմնաւորել այդ մեթոդը և ապացուցել, որ օտարագրիներին ուսւերէն սովորեցնելու համար պէտք է անձանօթ ուսւերէնի վրայ սովորեցնել. և որ մայրենի լեզուի իսպառ հեռացումը դպրոցից այն միակ ճանապարհն է, որով իբրև թէ պէտք է ընթանալ ազգաբնակութեանը անյայտ ու անձանօթ ուսւերէնը սովորեցնելու: Բայց իհարկէ պարզ է կատարեալ տեսական անհեթեթիւնը այդ տեսութեան, որ աւելի քաղաքական քան մանկավարժական մի տեսութիւն է. բայց գործնականօրէն էլ այդ տեսութեան արդիւնքն այն եղաւ, որ ոչինչ ուսւերէն բնիկներին չսովորեցրին, այլ միայն դառնացրին ինչպէս դէպի կառավարչական լեզուն, այնպէս էլ դէպի խորթ զըզրոցները. ուսաց դպրոցները կամ բոլորովին դատարկ էին մնում, ինչպէս որ ասաց մահմեդական պատգամաւորը, կամ եթէ դատարկ չէին էլ մնում, ապա ոչինչ ուսումնական— կրթական, ոչ էլ ուսացման արդիւնք ցոյց չէին տալիս: Բայց այդ իհարկէ բնաւ չէր հետաքրքրում, ոչ էլ վշտացնում ուսումնարանական իշխանութեանը, որովհետև նա, վերջ ի վերջոյ, ինչպէս ներքին նահանգների, այնպէս էլ ծայրագաւառների համար իրեն կոչւած չէր համարում մի բան ուսուցանել. ուսւերէնն էլ սովորեցնում էին ոչ նրա համար, որ ուզում էին հաղորդել ծայրագաւառները ուսաց քաղաքակրթութեանը և ուսաց գրականութեանը. ոչ, այս դէպքում իշխանութիւնը լսկ ոստիկանական ֆունկցիաների էր հետամուտ լինում և ոստիկանական գործերի ետևից ընկած, ուսումնարանական իշխանութիւնը այնտեղ էր հասնում, որ բոլորովին կորցնում էր գիտակցութիւնը, թէ ինքը իսկապէս չէ՞ որ «ուսումնարանական» վարչութիւն է, ոչ թէ մի ուրիշ բան: Այստեղ մի



քանի փաստեր առաջ բերին ցոյց տալու, թէ ինչպէս ծայրագաւառներում ուսումնարանական Շրջանների Հոգաբարձուները այնպիսի ֆունկցիաներով էին հանդէս գալիս, որոնք աւելի վայել և տեղին են որ և է ոստիկանի կամ ժանդարմի:... Այդ քաղաքականութիւնը այն աստիճան արժանի է գատազարտման, որ մինչև անգամ մինիստրների կոմիտէն սրանից մի քանի տարի առաջ այն մտքով կարծիք էր յայտնել, որ դպրոցից քաղաքականութիւնը, ոստիկանական քաղաքականութիւնը պէտք է բոլորովին արտաքսել և դպրոցը պէտք է վերականգնել իւր ուսումնական ֆունկցիաներում:

Ուսումնարանական իշխանութեան համար Կովկասում բացի այն ոստիկանական ֆունկցիաներից, որ կային այլ ծայրագաւառներում, նաև մի նոր խնդիր կար—հայոց դպրոցների դէմ կռուելը: Եւ ինձ թոյլ եմ տալիս ձեր ուշադրութիւնը գրաւելու այդ դպրոցների վրայ, որովհետև այդ դպրոցները շատ կարևոր են հայ ժողովրդի կեանքում, որ ապրում է Ռուսաստանում մի միլիոն և մի քանի հարիւր հազար հոգի: Դեռ XIX դարի սկզբից կայսրութեան հայ ազգաբնակչութիւնը իրաւունք ունէր սեփական դպրոցներ ինքնօրէն վարելու յանձին տեղական ծխական համայնքների և կետրոնական հասարակական կազմակերպութիւնների: Հայ ժողովուրդը ինքը ազատ կերպով բաց էր անում և բոլորովին ինքնակախ վարում իւր դպրոցները թէ սկզբնական, թէ միջնակարգ, և էջմիածնում էլ ունի մինչև անգամ իւր ձեմարանը բարձրագոյն ուսումնարանների գասընթացքով: Բայց երբ 60-ական թւականների վերջին Կովկասում առանձին ուսումնարանական տեսչութիւն է կազմակերպուում, ապա կովկասեան ուսումնարանական Շրջանի Հոգաբարձուն հանդէս է գալիս որոշ քաղաքականութեամբ այդ դպրոցների վերաբերմամբ, մի քաղաքականութեամբ, որի նպատակն էր կամ գրաւել զրանց տեղական Ուսումն. վարչութեան ձեռքը, կամ բոլորովին փակել տալ: Հայ ժողովրդի ու Կովկասի Ուսումն. Շրջանի Հոգաբարձուի միջև կոխը շարունակեց մի քանի տասնեակ տարի փոփոխական աջողութեամբ. մէկ ինքնօրինութիւնը վերականգնուում էր աւելի կամ պակաս չափով, մէկ բոլորովին փակուում էին հայոց դպրոցները կամ գրաւուում ժողով. լուս. մինիստրութեան տեսչութեան տակ: Կովկասի Ուսումն. վարչութիւնը, որն անընդունակ էր իւր

դպրոցներն ստեղծել, գրաւելով հայոց դպրոցները՝ մէկ անգամից հարիւրաւոր պատրաստի դպրոցներ էր ստանում, մէջ տեղից վերացրած էր լինում վտանգաւոր մրցակիցներին, որոնց հետ անկարող էր մրցել. հայոց եկեղեցական գոյքերը գրաւելով նա ուզում էր ուրիշի հաշուով ուսուսցման իւր դպրոցները պահել: Այժմ այդ իրաւունքները վերականգնւած են, բայց և այնպէս ինքնօրինութեան այն ձևը, որ ներկայումս իրօք գոյութիւն ունի և որով կան հայոց դպրոցները կովկասում, կարօտ է որոշ բարեփոխման և օրէնսդրական ամբաստանման, որ յուսով ենք Պետ. Դուռան անհրաժեշտ կհամարի կատարել:

Մինիստրութիւնը հանրական ուսման ներմուծման օրինագիծ է մեզ ներկայացրել: Այդ օրինագիծի առաջին նախագատութիւնը չափազանց բնորոշ է. այնտեղ ասւած է, որ ժող. լուս. մինիստրութեան, այդ հաստատութեան հէնց գաղափարի համաձայն, պարտականութիւնն է, Ռուսաց կայսրութեան մէջ բանալ ժողովրդական դպրոցներ և աջակցել նրանց առաջադիմութեանը: Բանից դուրս է գալիս, որ ժող. լուս. մինիստրութիւնը կոչւած է հոգ տանելու ժողովրդական դպրոցների առաջադիմութեան մասին: Ըն լաւ հասկանում եմ, թէ ինչու ժող. լուս. մինիստրը անհրաժեշտ է համարում դրանից սկսել. որովհետև բոլորս էլ գիտենք, որ մինչև այժմ այդ ֆունկցիան բնաւ չէր պատկանելիս եղել ժող. լուս. մինիստրութեան գաղափարին: Բայց լոկ բառական խոստովանութեամբ զեռ անհնարին է վերականգնել կամ ստեղծել երկրի և Պետ. Դուռմայի կողմից այն վստահութիւնը դէպի ժող. լուս. մինիստրութիւնը, որ անհրաժեշտ է նոյն մինիստրութեանը այն իրաւունքները տալու համար հանրական ուսման ներմուծման և վարման գործում, որ մինիստրութիւնը ցանկանում է ստանալ ներկայ օրինագիծով: Մինիստրութիւնը իբրև թէ ուզում է տեղական հասարակական հաստատութիւններին լիակատար ազատութիւն տալ, բաց միևնոյն ժամանակ իրեն է պահում վերահսկողութեան և ղեկավարութեան իրաւունքը: Բայց այն անվստահութիւնը, որ ամենայն արդարութեամբ ստեղծւել է երկրում դէպի այդ մինիստրութիւնը, թւում է թէ պէտք է Դուռման այնպիսի որոշման բերէ, որ հանրական ուսուցման և ժողովրդական կրթութեան ներմուծման և յետագայ վարման գործը երկրում պէտք է բոլորովին ազատւած լինի ժող. լուս. մի-

Նիստրութեան որև է միջամտութիւնից: Մինիստրն ասաց, թէ ներկայումս այդ գործը այնչափ հասունացել է, որ առանց զժլարութեան կարելի է իրականացնել հանրական ուսումը երկրում, որովհետև ժողովրդի կողմից այժմ ոչ մի արգելք չէ դնուում: Բայց ինձ թւում է, որ բոլորովին անհիմն ու անտեղի են մինիստրի այդ խօսքերը, որովհետև մինչև այժմ ժողովուրդը չէր, որ հակառակում էր հանրական ուսման, այլ հէնց կառավարութիւնը ու ժող. լուս. մինիստրութիւնը. ուստի և բոլորովին տարօրինակ է, երբ մինիստրը ասում է ժողովրդին՝ դուք այժմ էլ արգելք չէք դնում, զրա համար կարող է երկրում հանրական ուսում լինել: Ընդհակառակը, պէտք է պահանջել, որ ժող. լուս. մինիստրութիւնը այլևս չխանգարէ ժողովրդի կրթութեան գործին (ծափահարութիւններ ձախ կողմից): Այն ժամանակ անտարակոյս ժողովրդի ուսուցումը առանց զժլարութեան իրականացած կլինի. և հա որպէսզի հէնց մինիստրութիւնը չխանգարէ, պէտք է զրան բալորովին հեռացնել վերահսկողութիւնից ու ղեկավարութիւնից: Ինձ թւում է, որ վերահսկողութեան մասին զեռ խօսք կարող էր լինել, եթէ ժող. լուսաւորման գործը յանձնելու լինէր մասնաւոր մարդկանց. բայց երբ զպրոցական գործը հասարակական, թէկուզ տեղական, հիմնարկութիւնների է յանձնուում, ապա այլ ևս ոչ մի հիմք ու կարիք չկայ ինչ որ մինիստրական վերահսկողութեան ու ղեկավարութեան: Համայնքները, հասարակական ինքնավարութիւնները, թէ երկրային և թէ ոչ երկրային ձևով կազմակերպւած, բոլոր հասարակական կազմակերպութիւնները կատարելապէս ձեռնհաս են, կարող եմ ասել ժող. լուս. մինիստրութիւնից աւելի ձեռնհաս՝ ժողովրդի ուսուցման գործը վարելու. ուստի նաև այն, իրր թէ համեստ, իրաւունքները, որ մինիստրութեանը հաճելի է պահել իրեն, ինձ թւում է, որ պէտք է մերժել նրան: Մինչև անգամ կարծում եմ, որ եթէ ներկայումս մինիստրութիւնը մեզ հանրական ուսման ներմուծման օրինագիծ է առաջարկում, զրա պատճառն այն չէ, որ բիւրոկրատիկ կառավարութիւնը յանկարծ դէպի ժողովրդի կրթութիւնը առանձին սիրով է բորբոքել, այլ հէնց նրա համար է նա այդ օրինագիծը առաջ բերել, որ այդ գործը, թէկուզ այս եղանակով, իրենից կախւած պահէ: Սոցիալիստ-յեղափոխականների խումբը



գիտէ, որ մինչև որ այդ կախումը գոյութիւն կունենայ, Ռուսաստանում ոչինչ հանրական ուսում լինել չէ կարող:

Ժողովրդի կրթութեան գործի լայն իրականացումը, այնչափ դժւարին և բարդ բան է, որ կետրոնական իշխանութեան միջամտութիւնը պէտք է հեռացնել ոչ միայն ժող. լուս. մինիստրութեան կատարելապէս վարկարեկ եղածի պատճառով, այլ նաև նրա համար, որ եթէ ժող. լուս. մինիստրութիւնը ամեն վստահութեան արժանի լինէր, այն ժամանակ էլ, եթէ ցանկանում ենք Ռուսաստանի նման լայնատարած երկրում հանրական ուսումն իրականացնել, այդ գործը վերին աստիճանի ապակետրոնացնել է պէտք: Ապա թէ ոչ դրանից ոչինչ բան դուրս չի գայլոկ թղթի վրայ «հանրական ուսում» գրւած կլինի, և ոչ մի տեղ ոչ օղաններ, ոչ սլօքեր կլինեն այդ իրագործելու: Ուրեմն, առաջին սկզբունքը, որով պէտք է փոխարինենք ներկայումս տիրող կետրոնացման կարգը,—գալրոցական գործի լիակատար ապակետրոնացումը պիտի լինի:

Ապա տիրող բիւրոկրատիկ սկզբունքը, որով ներշնչւած է ներկայումս գալրոցական ամբողջ գործը, պէտք է տեղի տայ հասարակական ինքնավարութեան, և այդպիսով գալրոցը թէ ներքին ընաւորութեամբ, թէ կառավարման կարգով, թէ ծրագրի ոգով պէտք է կազմակերպել լիակատար ժողովրդավար հիմունքների վրայ:

Միայն այս երկու պայմանով հնարաւոր է, որ գալրոցը հանրամատչելի դառնայ ամբողջ ազգաբնակչութեանը: Դպրոցի հանրամատչելի լինելը երկու մտքով պէտք է հասկանալ. նախ քանակի կողմից, այսինքն որ երկրում այնքան դպրոց լինի, որ կարողանան տեղ տալ գալրոցական հասակի երեխաների ամբողջ եղած սերունդին: Բայց գործի միայն ֆիզիքական կողմն է այս: Դպրոցը մատչելի պիտի լինի նաև իւր որակով: Եթէ այնպիսի դպրոցներ են լինելու, որ դատարկ են մնալու, ապա թէկուզ շատ շատ էլ լինեն, որ ֆիզիքապէս կարողանան զետեղել բոլոր երեխաներին, բայց եթէ երեխաները այդ դպրոցները չեն գնայ, ծնողներն էլ չեն թողնի որ գնան, ապա ուսման մատչելիութեանը երկրում հասած չենք լինի: Որպէսզի գալրոցը հանրամատչելի լինի որակով, պէտք է որ մօտ լինի ժողովրդին և որ այնպէս լինի, ինչպիսին որ հարկաւոր է տեղական ազգաբնակչութեանը, մայրենի

և սիրելի լինի նրանց համար: Իսկ այսպէս անելու համար՝ զըպ-  
րոցի կառավարութիւնը պէտք է յանձնել նոյն ինքն ժողովրդին,  
որ կազմակերպի այնպիսի դպրոցներ, որոնք ցանկալի, շահեկան  
և սիրելի են ազգաբնակիւթեանը: Միայն այս պայմանով, միայն  
այսպիսի որակով այդ դպրոցները մատչելի կլինեն զանազան ազ-  
գութիւններին նաև իրենց որպիսութեամբ (ծափահարութիւններ  
ձախ կողմից):

Այս հիմունքների համաձայն Գումայի ընտրելիք Յանձնա-  
ժողովի ղեկավարող սկզբունքները պէտք է լինեն՝ դպրոցի ժողո-  
վրդականացում, ապակետրոնացում և ազգայնացում: Ազգայնա-  
ցում այն մտքով, որ դպրոցը պէտք է ազգաբնակիւթեանը մօտ  
լինի և զանազան ազգութիւնների պահանջներին համապատաս-  
խանէ: Ռուսաստանում ապրող իրաքանչիւր ազգութեան իրաւունք  
ու հնարաւորութիւն պիտի տրւի այնպիսի դպրոց ունենալու, որ-  
պիսին որ ցանկալի է նոյն ազգութեանը իւր գոյութեան պատ-  
մական և կենցաղավարական պայմանների շնորհիւ: Այդպիսի  
դպրոցների գոյութեան հնարաւորութեան համար անպատճառ  
օժանդակութիւն պիտի լինի պետական միջոցներից իւրաքանչիւր  
վայրին և ազգութեան սրա թւի և պետութեան գոյրոցական ըն-  
ջէի ընդհանուր գումարի համեմատ, որպէսզի Ռուսաստանի բոլոր  
ազգութիւնները այնքան և այնպիսի դպրոց ունենան, ինչ որ  
հարկաւոր է իւրաքանչիւր ազգութեան» (ծափահարութիւններ  
ձախ կողմից):

Ժողովրդի լուսաւորութեան Յանձնաժողովի անգամ ընտրու-  
ւեց սոցիալիստ-յեղափոխականների և զաշնակցականների միաց-  
եալ խմբի թիկնածու Տիգրանեանը:

Այս Յանձնաժողովը ղեկ նոր էր կազմակերպել և հազիւ  
իւր գործին ձեռնարկել սկսել, երբ Գումայի փակումը վրայ հասաւ:

41 և 43-րորդ նիստում (մայիսի 18 և 21) Գումայն քննարկա-  
տեց և մերժեց կառավարութեան ներկայացրած միտումաւոր օրինա-  
լիծը—յանցադործութիւնների դովաբանիլը պատմելի պարձնելու վերաբե-  
րեալ: Օրինազիծն ուզում էր սահմանել, որ ով որ իւր ձառի  
կամ հեղինակութեան մէջ յանցաւոր գործողութիւններ կզո-  
վարանէ, պատժի ենթարկել՝ կամ 2—8 ամիս բանտարկելու-  
թեան, կամ ձերբակալութեան 3 ամսից ոչ աւելի և կամ տու-  
գանքի 500 ռուբլուց ոչ աւելի թէև օրինազծում խօսում էր

առհասարակ տմեն տեսակ յանցանքների գովքի մասին, բայց պարզ էր, որ քրէական յանցանքներ (օր. սովորական գողութեան, վիրաւորանքի, խարերայութեան) գովարանողների մասին չէր կառավարութեան հոգար, այլ քաղաքական յանցաւորներին գովարանողների: Օրինագծի միտքն էր այսպիսի կողմնակի և մասամբ քողարկւած ճանապարհով ժողովրդական ներկայացուցիչների բերանից և կողմից նախատինք կարգալ տալ ժողովրդի ազատութեան և շահերի պաշտպան մարտիկների գլխին, որոնցից մի երկուսի անունը (Շմիդ, Սպիրիդոնովայ) մինչև իսկ յատուկ յիշատակւած էր մինիստրի գեկուցագրում. ինքնակալութեան դէմ մարտնչող քաղաքական յանցաւորներին և նրանց գործը վարկարեկ անելն էր կառավարութեան նպատակը. ազատագրական շարժման պախարակելն էր նրա յետին միտքը: Եւ հէնց այս տեսակէտով նայեց հարցին և բննադատեց կառավարութեան օրինագիծը դաշնակցական պատգամաւոր Տիգրանեանը:

Կազէտ պատգամաւորները նոյնպէս մերժում էին օրինագիծը: Բայց նրանց բացասումը զուտ ձևական և իրաւարանական պատճառարանութեամբ էր հիմնաւորւած և բնաւ չէր շօշափում խնդրի յիշեալ բուն էութիւնը, սկզբունքային, քաղաքական և բարոյական կողմը: Օր. նրանք առարկում էին օրինագծի դէմ, թէ սա պատժելի է դարձնում բոլոր յանցանքների գովարանումը, և ոչ թէ միայն ծանրագոյններինը. (մինչդեռ չէ որ հէնց ծանրագոյն յանցանքների թւում են կարգւած քաղաքական յանցանքները). հակաճառում էին, որ «գովարանութիւն» տերմինը անորոշ հասկացողութիւն է. առարկում էին, թէ օրինագծում սահմանւած պատիժները շատ խիստ են և կարող է պատահել, որ որևէ յանցանք գովարանողը տելի ծանր պատժի ենթարկւի այդ օրինագծի հիմամբ, քան նոյն յանցանքը գործողը: Իրաւարարութեան (իւստիցիայի) մինիստրը իսկապէս իրաւացի կերպով հակառակեց այս բոլոր առարկութիւններին, որ դրանք բոլորն էլ սկզբունքային բնաւորութիւնից զուրկ լինելով՝ հիմք չեն կարող լինել օրինագիծը իսպառ մերժելու: Եթէ կան անարդարութիւններ, թերութիւններ՝ ապա օրինագիծը կարելի է ուղղել, և չպէտք է ամբողջովին մերժել:

Սակայն կազէտ ճառախօսները չկամեցան ըստ էութեան վիճարանութիւն սկսել օրինագծի դէմ. և այս գործը կատարե-



ցին միմիայն ձախակողմեանները: Սոց.-յեղ. և Դաշն. միացեալ խմբի յանձնարարութեամբ և կողմից պատգամաւոր Տիգրանեանը խօսեց այսպէս.

«Մինիստրութեան օրինագծում բացի այն իրաւարանական և ձեական կողմերից, որ զննեցին նախորդ ճառախօսները, ես կարծում եմ՝ խորը սկզբունքային կողմ կայ, որի վրայ և պէտք է մենք դարձնենք մեր գլխաւորագոյն ուշադրութիւնը: Մինիստրութեան օրինագիծը ուզում է յանցանքի մի նոր տեսակ սահմանել, որոշելով նաև համապատասխան պատիժ: Այդ յանցանքը՝ տիրող օրէնքներին հակառակ գործողութիւնների գովաբանելն է. ոչ թէ մէկին որոշ գործողութեան կոչ անելը, ոչ թէ զրդելը, այլ հէնց գովաբանելը, այսինքն, ուրիշ խօսքով, որոշ կարծիքներ արտայայտելը, որոշ վերաբերմունք ցոյց տալը զէպի տիրող օրէնքները և դրանց խախտող գործողութիւնները: Եթէ ներկայ օրէնքները խախտող գործողութիւնների գովաբանումը պատժելի է և յանցաւոր, ապա ուրեմն, (եթէ զբան համաձայնենք) պէտք է ընդունենք, որ յանցաւոր է և անթոյլատրելի նոյն այդ օրէնքների նաև նոյն ինքն վատարանումը. որովհետև, տիրող օրէնքները խախտող գործողութիւնների գովաբանումը տրամաբանօրէն ուրիշ բան չէ, բայց եթէ ներկայումս գոյութիւն ունեցող օրէնքների, սրանց բովանդակութեան վատարանումը: Հետևապէս մինիստրութեան օրինագիծը այն իմաստն ու նպատակն ունի, որ պատժի երկխղով արգելէ ներկայ օրէնքների վատարանումը:

Բայց չէ՞ որ մենք լաւ գիտենք, որ ներկայ օրէնքները վատ են, հնացած և անկատար: Այդ գիտենք և ընդունում ենք ոչ միայն մենք, ժողովրդի ներկայացուցիչներս. նոյնպիսի կարծիք ունի տիրող հին օրէնքների մասին ինքը կառավարութիւնն իսկ: Այդ ողով էր խօսում ներկայ օրէնքների մասին կառավարութեան ղեկավարացիան Բ. Դումայում. իսկ իրաւարարութեան մինիստրը սրանից մէկ տարի առաջ առաջին Պետական Դումայում աւելի ևս որոշակի կերպով էր արտայայտուում: Նա գտնում էր, որ ներկայ «հին օրէնքները վերին աստիճան անկատար են», այս են մինիստրի իսկական բառերը, և որ նրանց «կատարելագործումը ոչ միայն խիստ ցանկալի, այլ մինչև իսկ անհրաժեշտ է ներկայանում»:

եթէ այդպէս են տիրող օրէնքները մինխտրութեան տեսակետով, ապա ինչպէս նոյն այդ մինխտրութիւնը այժմ ուղոււմ է առանձին օրինագծով պատիժ սահմանել այն օրէնքի վատարանութեան համար, որը հէնց ինքը ընդունոււմ էր և, ի հարկէ, պէտք է այժմս էլ ընդունէ իրրև վերին աստիճանի անկատար օրէնք:

Կարող են առարկել սրա դէմ, որ թէև օրէնքները վատ են իրենց բովանդակութեամբ, բայց օրինապահութեան գաղափարը վերջ ի վերջոյ չէ՞ որ պէտք է պաշտպանել: Բայց բանն այն է, որ ժողովրդի ներկայացուցչութիւնը օրինաւորութեան գաղափարը պաշտպանելիս չէ կարող լերկ օրինապահութեան այդ պաշտամունքի տեսակէտին կանգնել: Չէ կարելի հետեւել այն հայեցակէտին, իբր թէ օրէնքը, ինչպէս էլ որ լինի նրա բովանդակութիւնը, լինի ամենամատանելին, պէտք է անպատճառ նւիրական համարել և ինչպէս էլ որ լինի պաշտպանել: Եթէ մինխտրութիւնը, կառավարութիւնը յիրաւի ցանկութիւն ունի տիրող օրէնքների վարկը բարձրացնել, այդ բանին կարելի է համանել ոչ թէ վատարանումը և գովաբանումը յանցաւոր համարել սկսելով և ամենածանր պատիժներով պատուհասելով, այլ միայն միակ միջոցով. այն է, տիրող օրէնքների անպատշաճ, հնացած ներկայ բովանդակութիւնը փոխարինելով այնպիսի նորով, որը ժողովրդի իրաւաճանաչութեանը համապատասխանելով այդ իսկ պատճառով իւր ունեցած բովանդակութեան շնորհիւ նւիրական կլինէր ժողովրդի բազմութեան համար: Եթէ օրէնքը իւր բովանդակութեամբ այնչափ շեղոււմ է ժողովրդի իրաւաճանաչութիւնից, որ հասարակութեան բազմութիւնը, ժողովուրդը, իւր համար բարոյապէս պարտադիր և թոյլատրելի է դատոււմ նոյն այդ օրէնքների խախտման գովաբանումը, ապա, ես կասեմ, որ ոչ մի պատիժ, ոչ մի կառավարութիւն չէ կարող վերականգնել այդպիսի մի օրէնագրութեան վարկը: Եթէ կառավարութիւնը յիրաւի նախանձախնդիր լինէր օրինապահութեան շահերին, եթէ ձրգտէր յիրաւի օրինաւորութեան վարկը երկրում բարձրացնելու և ոչ թէ տիրող հին կարգերը աւելի ևս ամրապնդելու, ապա այդ նպատակով նա ոչ թէ այսպիսի պատժական միջոցների կղիմէր, որ ի հարկէ այդ նպատակին չեն տանոււմ, այլ բոլորովին ուրիշ միջոցների. կառավարութիւնը ոչ միայն չէր ղակաւակի, ինչպէ՞

որ այժմս անում է, այլ ընդհակառակը կաջակցէր տիրող հնացած օրէնքների շուտափոյթ փոփոխելուն, և ժողովրդի իրաւաձանաչութեանը համապատասխանող նոր օրէնքների շուտափոյթ սահմանելուն, որոնք իրենց ներքին էութեան շնորհիւ նւիրական կլինէին ժողովրդական բազմութեան համար:

Կարծում եմ, որ եթէ մինիստրութիւնը, այս անգամատախանատու կառավարութիւնը, ընդհանրապէս օրինաւորութեան և կառավարութեան վարկը պաշտպանելու բողի տակ, ուզում է որ ժողովրդի ներկայացուցչութիւնը հաստատէ իւր առաջարկած օրինագիծը, ապա այդ կառավարութեան նպատակն այս է. նա ուզում է, որ այդ օրինագծի հաստատմամբ բարոյական նւիրագործում, բարոյական արդարացում ստանան ժողովրդի ներկայացուցչութեան կողմից տիրող կարգը, ներկայ օրէնքները և ներկայ կառավարութիւնը. որովհետև եթէ ժողովրդի ներկայացուցչութիւնը պատժելի կը յայտարարէ տիրող օրէնքների խախտման գովարանումը, ապա զրանով նա իւր վստահութիւնը յայտնած կլինի թէ ներկայ կառավարութեանը և թէ ներկայ իրաւակարգին: Իսկ մերժելով ներկայ օրինագծի հաստատելը ժողովրդի ներկայացուցչութիւնը կմերժէ բարոյական արդարացումը թէ տիրող կարգին և թէ անպատասխանատու կառավարութեան:

Եւ քանի որ սոց-յեղ. խումբը այս հայեցակէտի վրայ է կանգնած, ապա գտնում է, որ ժողովրդի ներկայացուցչութիւնը առաջիկայ օրինագիծը պէտք է մերժէ ոչ թէ այն ձեական իրաւարանական հիմունքներով, որ այստեղ արդէն առել է, այլ լուրջ սկզբունքային պատճառարանութեամբ: Ժողովրդի ներկայացուցչութիւնը պէտք է ասէ. «Ներկայ օրինագիծը եւ մերժում եմ և տիրող հնացած օրէնքների խախտումը յանցանք չեմ համարում. (Մտախառութիւններ ձախակողմից):

Դումայի նախավերջին նիստն էր յունիսի 1-ին (52-րդը): Մինիստրների խորհրդի նախագահի պահանջով դանիակ դահլիճում Պոսկոլոբորը կարգաց յայտնի երկարապատում մնալորական ակտը \*), զրեթէ բոլոր սոցիալ-դեմոկրատ պատգամաւորների դէմ ուղղւած:

\*) Տե՛ս «Փայո» օրաթերթի № 14 և 15 յունիսի 13 և 14, 1907 թ.



կառավարութեան պահանջը անդառնալի էր, որ և պէտք էր կատարել Ստոլիպինի ասածով «անյապաղ» և «լիովին»...

Պարզ էր, որ այդ ամբողջ պահանջը, այն էլ այդպիսի անվայել ձևով առաջադրւած, իսկապէս մի սպառնական պատրուակ էր Դուման փակելու, ցրելու: Եւ մանաւանդ ձախակողմի պատգամաւորների համար արդէն հաստատապէս անտարակուսելի էր, որ Դումայի վերջին ժամերն հասել են արդէն:

Մինիստրութեան պահանջն էր, որ Դուման անմիջապէս վճռէ զատի ենթարկելու 55 հոգի սոց.-դեմոկրատ պատգամաւորներից, որոնցից 16-ին նաև ձերբակալելու, և այդ բոլոր ամբաստանւող պատգամաւորներին զրկէ ժամանակաւորապէս Դումայի նիստերին և պարապմունքներին մասնակցելու իրաւունքից:

Պետ. Դումայի նախագահը յայտնեց, որ քանի որ մինիստրութեան այդ հարցը նիստի օրակարգում նշանակւած չկայ, ուստի Դումայի ներքին կանոնադրութեան (նակազի) համաձայն խնդիրը կարող է այժմ քննել ոչ ըստ էութեան, այլ լոկ յետագայ ուղղութեան տեսակէտից, այսինքն թէ երբ և ինչ կարգով է քննելու:

Կաղէները առաջարկեցին մի յատուկ Յանձնաժողով ընտրել անմիջապէս՝ խնդիրը քննութեան առնելու ու մշակելու համար: Չախակողմի համար տարակոյսի առարկայ չէր, որ մինիստրութեան պահանջին մերժել է պէտք: Սակայն քանի որ պատգամաւորների մի խոշոր թիւ կարիք էր զգում և ցանկութիւն ունէր, որ լաւ պարզւի խնդիրը և մինիստրութեան կողմից զեկուցւած խիստ երկար ամբաստանագիրը խնամքով և հանգամանօրէն նախ քննւի և ապա թէ պատասխանը տրւի, սոց.-յեղափոխականների և դաշնակցականների միացեալ խումբ չընդդիմացաւ Յանձնաժողով ընտրելուն, թէպէտև լաւ գուշակում էր դրա սպարդիւն լինելը:

Նոյն այդ նիստում խօսեց պատգամաւոր Տիգրանեանը: «Խնդիրն այժմ բնաւ այն չէ, թէ կառավարութիւնը Դումային այս կամ այն պատգամաւորի դէմ մի ամբաստանագիր է ներկայացրել նրա՛ իրօք թէ սուտ այս կամ այն յանցանքը կատարած լինելու առիթով: Մենք ինքներս էլ ենք գիտակցում, որ այստեղ մի ձևական հարց չէ ի հարկէ ժողովրդական ներկայացուցչութեան այս կամ այն ֆունկցիայի մասին, այլ երկրորդ

Պետ. Գուժայի լինելու թէ չլինելու մասին է հարցը: Ինձ թուում է, ինչպէս և շատերին, որոնց հետ ես առիթ ունեցայ այդ մասին խօսելու, որ երկրորդ Պետ. Գուժայի վիճակը արդէն վճուած է. և այն լուծուածը, որ մենք ընդունելու ենք կառավարութիւնից մեզ առաջադրւած հարցումի վերաբերմամբ, ինձ թուում է բացի ըստ այլ հիմունքներից պէտք է թեկադրել նաև այն բանի դիտակցութեամբ՝ որ ներկայ նիստը երկրորդ Պետ. Գուժայի վերջին նիստն է:

Այստեղ ասողներ եղան, թէ պէտք է գնահատել, բարձր գնահատել ժողովրդական ներկայացուցչութեան զաղափարը: Բայց ասողները Պետ. Գուժայի այն կողմի պատգամաւորներին էին, որտեղից ամենից քիչ կարելի էր այդպիսի հաւաստիացումների սպասել: Եւ իմ կարծիքով այստեղ ներկայ գանձողներից բշերը համոզեցին, որ այն կողմում յիբաւի պոլութիւն ունենալին անկեղծ պաշտպաններ և յարգողներ ժողովրդական ներկայացուցչութեան, այն ժողովրդական ներկայացուցչութեան զաղափարի, որը իսկապէս նւիրական է, որովհետև նրա համար մարդկային արիւն է թափուել և դեռ էլի թափուում է: Ինձ թուում է, որ ժողովրդական ներկայացուցչութիւնը ձեռնամուխ լինելով կառավարութեան առաջարկի ըստ էութեան քննութեանը, պէտք է մերժէ այդ, բանի որ ներկայ առաջարկը...»

Նախագահը ընդհատում է՝ «Ճառախօս, խնդրեմ ըստ էութեան շխօսէք, այլ լո՛ւ յանձնաժողովին յանձնելու հարցի մասին»:

Տիգրանեանը շարունակում է «...Մտքերիս հոսանքը բոլորովին կարեւց, որովհետև այժմ Պետ. Գուժայում տիրող ամբողջ տրամադրութիւնը հակասում է խնդիրը լոկ ուղղութեան կողմից և ոչ թէ ըստ էութեան քննելուն: Վերջ ի վերջոյ ախր էլ ի՞նչպէս կարելի է դատողութիւններ անել այս հարցի ուղղութեան մասին, բանի որ նոյն ինքն Գուժայի վիճակի հարցը արդէն վճուած է ըստ էութեան: Էլ ի՞նչպէս այստեղ ուղղութեան հարցը քննենք, այսինքն թէ Գուժան ի՞նչ եղանակով պէտք է քննէ ներկայ խընդիրը յետագայ նիստում, որը լինելու չէ:

Նախագահ. «Ներողութիւն, այդ ձեր ենթադրութիւնն է, որ ոչ մի բանի վերայ չէ հիմնւած»:

Տիգրանեան՝ «Ես տեսնում եմ, որ ներկայ դէպքում պէտք է հրաժարեմ խօսքս շարունակելուց, որովհետև իմ բռնած տեսա-

կէտք հակասում է խնդիրը բննելու այն ձևին, որի մասին ասում է նախագահը և որին ևս պարտաւոր եմ ենթարկելը:

Սոց.-դեմոկրատների այս դատը քննելու համար կազմւած Յանձնաժողովի անդամ ընտրւեց սոց.-յեղափոխականների ու զաշնակցականների խմբից պատգամաւոր Տիգրանեանը:

Ի՞նչ էր անելու այդ Յանձնաժողովը. ի՞նչ պէտք է լինէր նրա հայեցակէտը: Երկու տարրեր կարծիք յատնւեց այս առիթով նոյն Յանձնաժողովում:

Կաղէտական մեծամասնութիւնը կարծում էր, որ հարցն այն է, որ Յանձնաժողովը քննէ տեսնի, թէ ի՞նչ աստիճան ապացուցւած է մեղադրանքը, արդեօք մինխտրութիւնը ունի՞ բաւարար փաստեր և համոզիչ ցուցմունքներ, որ սոց.-դեմոկրատ պատգամաւորները յիբաւի գործել են ինչ բանում որ մեղադրւում են. այս գործը կատարելու համար ոմանք առաջարկեցին քննել վաւերաթղթերը, հարցուփորձի ենթարկել մեղադրւողներին, վկաներին և այլն: Այս կարծիքին հետևողները բնականաբար տրամադիր էին կատարելու մինխտրութեան պահանջը այն սոց.-դեմոկրատ պատգամաւորների վերաբերմամբ, որոնց վրայ բարդւած մեղադրանքը բաւարար չափով ապացուցւած կհամարւի:

Բոլորովին այլ կարծիք յայտնւեց զաշնակցական պատգամաւոր Տիգրանեանը: Մերժելով իսպառ կաղէտների յիշեալ հայեցակէտը, որը Յանձնաժողովին ինչ որ զատարանական քննիչ է դարձնում, իսկ Իւււսային մի զատաստանական ատեանի դեր ընծայում, մինչդեռ ժողովրդական ներկայացուցիչների ժողովը միշտ իբրև քաղաքական և օրէնսդիր բարձր մարմին պիտի հանդիսանայ, Տիգրանեանը առաջարկեց բոլորովին առանց քննութեան թողնել՝ արդեօք ամբաստանւող պատգամաւորներին վերաբերմամբ մեղադրանքը ապացուցւած է թէ ոչ, այլ ամենից առաջ պարզել, թէ ի՞նչ բանում են մեղադրւում սոց.-դեմոկրատ պատգամաւորներին, ի՞նչ յանցանք են վերագրւում նրանց, և ապա քննել թէ այդ յանցանքը, որ ներկայ դէպքում քաղաքական և ոչ թէ քրէական բնաւորութիւն ունի անշուշտ, արդեօք պախարակելի, ստորացուցիչ օրպիսութիւն ունի՞. արդեօք այդ վերագրւող յանցանքը այնպիսի մի գործ է, որը չէ վայելում և չի հաշուում ժողովրդի ներկայացուցչի վսեմ կոչման և բարձր դիրքի հետ, թէ ընդհակառակը մի գործ է, որը թէև հակառակ լինելով տիրող անար-



դար և հնացած օրէնքին՝ յանցանք է համարոււմ ձեական—իրաւական և դատարանական տեսակէտից, բայց քաղաքական և բարոյական տեսակէտից թերևս մինչև իսկ դավասանքի է արժանի: Եւ եթէ այդպիսով Յանձնաժողովը կտեսնի, որ մինիստրութեան մասնացոյց արած ամբաստանութիւնը այս տեսակի մի յանցանք ինկատի ունի, ապա այլ ևս մինչև իսկ աւելորդ կլինի քննելը, թէ արդեօք ապացուցւած է թէ ոչ այդ մեղադրանքը Յանձնաժողովի մեծամասնութիւնը սակայն այս կարծիքին չէր, և զեռ մտադիր էր շարունակելու իւր «դատարանական» քննութիւնը, երբ Դուման կնքեց իւր մահկանացուն...

V.

Նոռմալ պայմաններում Դումայի Յանձնաժողովներում և ֆրակցիական ու խմբական ժողովներում կատարւած աշխատանքի արդիւնքը պիտի երևան հանւէր Դումայի ամբիոնի վրայ ընդհանուր նիստում: Բայց երկրորդ Դումայի անժամանակ և վաղաժամ փակմամբ մի շարք Յանձնաժողովների գործածք և պատրաստածը մնաց անկատար, լոկ նոյն Յանձնաժողովի արձանագրութիւններում նշանակւած, առանց հասարակութեանը յայտնի դառնալու, մանաւանդ որ, ինչպէս ասացի, մամուլի (մանաւանդ կովկասեան) էջերում էլ Յանձնաժողովներում կատարւածների մասին քիչ բան էր գրոււմ:

Դումայի այսպիսի վիճակ ունեցած Յանձնաժողովներից էին խղճի ազատութեան և տեղական դատարանի Յանձնաժողովները, որոնց մասին և կյիշատակւի այստեղ:

Խղճի՞ ազատութեան Յանձնաժողովի հէնց առաջին նիստում նոյն Յանձնաժողովի անդամ պատգամաւոր Տիգրանեանը առաջարկեց ընդունել իրրև զեկամարող սկզբունք եկեղեցու ու պետութեան բաժանման սկզբունքը և այնուհետև յետագայ գործունէութեան ընթացքում հեակեալ այդ սկզբունքին Յանձնաժողովի բոլոր աշխատանքներում: Այս առաջարկին կողմնակից հանդիսացան Յանձնաժողովի սոց.-դեմոկրատ անդամները և աշխատաւորականներից մի քանիսը. մահմեդական անդամները անորոշ ու երկրուն դիրք գրաւեցին ըստ երևութին պարզ հաշիւ չտալով

խնդրի էութեան մասին: Յանձնաժողովի մեծամասնութիւնը կազմէաների ղեկավարութեամբ խուսափեց այդ առաջարկից:

Այս առիթով «Ручь» լրագրի թղթակիցը (С. А.) գրում էր (№ 122, 4-го (17-го) мая 1907 г.): «... Խղճի ազատութեան յանձնաժողովում վերջերս իսկապէս խոշոր կարևորութիւն ներկայացնող մի իրողութիւն է անդի ունեցել, որի վրայ հասարակութիւնը պէտք է իւր լուրջ ուշադրութիւնը դարձնէ: Կազմէաները տապալեցին մի խնդիր, որ խորունկ նշանակութիւն ունի ամենքի համար, ում համար որ թանգ է խղճի իրական ազատութիւնը, ինչ ծաւալով որ ձգտում են այն իրականացնելու Արևմուտքի առաջադէմ պետութիւնները: Յանձնաժողովում կազմէաները կըտրուկ կէրպով ընդդիմացան եկեղեցին պետութիւնից անջատելու խնդիրը ներկայումս յարուցանելուն: Խնդիրը յարուցել և երկու նիստում շարունակ պաշտպանել է երեանի նահանգի պատգամաւոր պ. Տիգրանեանը: Սկզբունքով կազմէաները ի հարկէ ոչինչ չէին կարող առարկել առաջարկի դէմ, թէպէտ և անուս էին առարկութիւններ: Իրանք էլ են ցանկալի գտնում այդ սկզբունքի իրականացումը, բայց այժմս հնարաւորութիւն չկայ: Մանաւանդ որ սկզբունքը իրականացած չէ իւր լիակատար ծաւալով նոյն իսկ Ֆրանսիայում: Երբ այնուհետև առաջարկի հեղինակը ըստ էութեան ապացուցանել սկսեց, թէ ինչ անելանելի վիճակում կլինի խղճի ազատութեան Յանձնաժողովը, եթէ մի որոշ և պայծառ սկզբունք չընտրէ իրեն համար, որ պիտի կարմիր թելի նման անցնի իւր բոլոր օրինազօծերով, պ. պ. Բուլղակովը և Յանձնաժողովի միւս կազմէաները ձեական հողի վրայ անցան, ասելով, թէ իբր այդպիսի մի հարց Յանձնաժողովի իրաւասութեան մէջ չի մտնում, մշակելու չէ յանձնուած, և այլն: Պ. Տիգրանեանը և նրա համախոհները ընդդիմախօսեցին, որ քանի որ կազմէամբ խղճի ազատութեան Յանձնաժողով է, ապա հէնց դրանով իսկ ենթադրուած է, որ նա կը բացատրէ խղճի ազատման առաջին և ամենակարևոր հարցը, որով և պայծառ ուղղութիւն կտայ իւր յետագայ աշխատանքներին: Վերջապէս, որ եկեղեցու պետութեան փոխադարձ յարաբերութիւնը այնքան սերտ կերպով կապակցուած է խղճի բոլոր հարցերին, որ առանց այդ հարցը լուծելու, Յանձնաժողովը իսկապէս ոչինչ լուծած չի լինի: Կազմէաները փորձեցին առարկել, թէ առաջարկի հեղինակը թող հա-

մապատասխան մի օրինազիծ ներկայացնէ, բայց նա պատասխանեց, որ բանն օրինազիծը չէ, այլ ընդհանուր սկզբունքք: Յանձնաժողովը որոշեց, որ այժմ ժամանակը չէ<sup>\*</sup>), և հնարաւորութիւն չկայ այդպիսի մի մեծածաւալ հարցով զբաղուելու, այլ պէտք է ուրիշ գործ անել»:

Եկեղեցիին ու կրօնը պետութիւնից անջատելու սկզբունքի մերժումը այնուհետև շարունակ վիճարանութեան և հակաճառութեան առարկայ էր դառնում յանձնաժողովի աշխատանքներում: Նոյն այդ հանգամանքը խոշոր տարածայնութեան պատճառ եղաւ կրօնական համախմբութիւնների կառավարչական օրինազիծ քըննադատութեան և մշակման ժամանակ: Կաղէտները թեքում էին կրօնական համախմբութիւնների սկզբնաւորութեան ղէպի կոնցրեսիոն (թոյլատրական) եղանակը, խուսափելով լոկ ծանուցման (եալօջնի) եղանակից. կրօնական համախմբութիւնների փակման վերաբերմամբ էլ կաղէտները գերադասում էին վարչական (ազմինիստրատիւ) կարգը դատաստանականին:

Կաղէտային մեծամասնութեան գիմաց Յանձնաժողովում մի ձախակողմեան օպոզիցիայ գոյացաւ, որը անշեղ հետևելով խղճի լիակատար ազատութեան և պետութեան աշխարհօվանացման (սեկուլարիզացիայի) սկզբունքներին քննադատում էր կաղէտների բանաձևերը իւր սեփական յօրինածները հակադրելով: Կարելի է ասել, որ այդ ձախակողմեան, գլխաւորապէս սոցիալիստական օպոզիցիայի ղեկավարը դաշնակցական պատգամաւորը հանդիսացաւ:

Բացի դրանից Յանձնաժողովի գործունէութիւնը նւիրած էր նաև մէկ կողմից պարզելու թէ պետութեան տիրող օրէնքներից որոնք պէտք է անյապաղ վերացնել ըստ տարադաւան և տարահաւատ քաղաքացիների անհատական իրաւունքները հաւասարեցնելու (թէ քաղաքացիական և թէ քաղաքական սուպրէզում), և թէ ի՞նչ նոր օրէնքներ հրատարակելու կարիք կայ նոյն այդ նպատակին հասնելու համար:

Յայտնի է, որ Ռուսաստանում տիրող օրէնսդրութիւնը դա-

<sup>\*</sup> Նոյն այդ հայեացքն էին պաշտպանում նաև կաղէտային թերթերը՝ «Рѣчь»-ը և «Русскія Вѣдомости» (սեւ օր. Ս. Կոտլեարեմուկու յօդածը վերջին լրագրի № 101, մայիսի 5)։



ւանանքը ազգութիւնից և եկեղեցին ազգային կազմակերպութիւնից չէ զատուած: Տիրող օրէնսդրութեան այդ աւանդական հայեցակէտի իրրև մի հետևութիւն (եկեղեցու և ազգի ու պետութեան միութեան սկզբունք)՝ ներկայումս դաւանական և ազգային (կոնֆեսիոնալ և նացիոնալ) հարցերը շողկապւած են հանդիսանում եկեղեցական հարցերի և հաստատութիւնների հետ: Ուստի խղճի ազատութեան Յանձնաժողովը Ռուսաստանի եկեղեցիների և կրօնների ազատման վերաբերեալ ինդիքները քննելիս ստիպւած շօշափելու էր նաև Ռուսաստանի զանազան ազգութիւնների քաղաքական ազատութեան խնդիրը, ազգային ինքնավարութեան և ինքնօրինութեան (աֆտոնոմիայի) սահմաններում:

Սակայն Յանձնաժողովի պարագմունքները դեռ ևս պատրաստի և մշակւած արդիւնքների չյանգած, փակեց Պետական Դուման:

Տեղական դատարանի Յանձնաժողովի համար առաջ եմ բերում նոյն Յանձնաժողովի անգամ պատգամաւոր Սաղաթէլեանի դեկուցումը:

«Ենթկայումս ամենքի համար ակներև դարձած ճշմարտութիւնը, որ գիւղացի ժողովուրդը գրկւած է արդարազատութիւնից, որ գիւղական դատարանները ապացուցել են իրենց անպէտքութիւնը, առաջ է բերել տաղնապալի կարիք գիւղական դատավարութեան վերակազմութեան: Կառավարութիւնը իւր կողմից շտապել էր ներկայացնել Դումային նոր դատաստանական օրինագիծ, որի համաձայն զատակարարային դատարանը վերանուծ է, և գիւղական դատարանների տեղ հաստատուում են հաշտարար դատարաններ: Դատաւորը ընտրուած է տեղացիներից, որը պիտի ունենայ բարձր իրաւարանական կրթութիւն և հողի ցենզ, հաւասար զեմատուոյի ընտրողական ցենզին:

Իատավարութիւնը կատարուած է պետական լեզուով ընդհանուր օրէնքների հիման վրայ, իսկ գիւղական կեանքի այն դէպքերում, որոնք օրէնքներում նախատեսուած չեն, գործադրուում է տեղական իրաւական սովորոյթը: Վերանորոգութիւնը վերաբերում էր միայն այն նահանգներին, որոնք ունեն զեմատուոյ և Դոնի շրջանին: Ըստ երևոյթին կառավարչական օրինագիծը դեմոկրատիկ հիմքերի վրայ էր գրւած, բայց այդ միայն ըստ երևոյթին:

«Դատաստանական մասնաժողովում օրինագիծը երկար վիճարանութիւնների առարկայ եղաւ և մի քանի արմատական փոփոխութիւնների ենթարկեց:

«Այս վիճարանութիւնների ժամանակ և որոշեց ձախակողմեան կուսակցութիւնների ուղղութիւնների տարբերութիւնը:

«Առաջ եկան հարցեր. 1) դատավարութիւնը ինչ՞նչ տեղացի ժողովրդի լեզուով չպիտի լինի, 2) ենթարկելով գիւղական կեանքը X-րդ հատորի օրէնքներին, (Гражданские законы) չեն վտանգել համայնական առանձնայատկութիւնները, ի թիւս դոցա և համայնական հոգատիրութիւնը:

«Կազէտները շատ բնորոշ կերպով արտայայտեցին, որ կողմնակից են սեպհականութեան վերաբերմամբ հոովմէական ուղղութեան, որը զարգացրել է և որի վրայ հաստատել է այժմեան բուրժուազական կազմը: Կազէտները մերժում էին իրաւական սովորոյթի գոյութիւնը իբրև մի հաստատուն և ռացիօնալ սիւտեմի: Այս առիթով ևս վէճի մտայ մասնաժողովում կազէտների և պահպանողականների հետ, արձարծնելով այն միտքը, որ այժմ երբ հասունացել է ընկերխրական կազմի վերափոխման հարցը, ենթարկել գիւղական կեանքը X-րդ հատորի ազդեցութեանը կնշանակէ նոր խոչնդոտ յարուցանել վերածնութեան գործին և հետզհետէ քայքայել համայնականութեան սկզբունքները և համայնական հոգատիրութիւնը: Ինչքան էլ որ առարկեն, թէ իրաւական սովորոյթները բազմազան են և անկատար՝ նրանք աւելի նպատակայարմար են և նպաստաւոր ընկերվարական յառաջադիմութեան տեսակէտից, քան X-րդ հատորը, որը ամբողջովին հիմնւած է անսահման սեպհականութեան սկզբունքի վրայ, և ներշնչւած է հոովմէական օրէնքի ոգով. իրաւական սովորոյթները պատճառ չեն գիւղական դատարանի թերութիւնների, այլ մտաւորապէս և բարոյապէս անպատրաստ դատաւորները, որոնք ոչ թէ գործադրողներ են, այլ պաշտօնական յեղաշրջողներ իրաւական սովորոյթների: Նոր դատարանի համար իրաւական սովորոյթները պիտի պարտադիր լինեն: Հակառակ գէպքում նրանց հասցրած փնասը անհամեմատ գերազանց կլինի բան բերած օգուտը:

«Մեծամասնութեամբ ընդունեց, որ գիւղական ժողովրդի շրջանում ժառանգութեան, ընտանեկան բաժանութեան և հողի

յարարերութիւններէ վերաբերմամբ պիտի գործադրեն իրաւական սովորոյթները, մնացեալ ղէպերում X-րդ հատորը:

«Ապա քննադատութեան առնեցին օրինազօծի միւս անարդար կողմերը, — որ անհիմն պատճառարանութեամբ սահմանափակում է ղէմսովոյ ունեցող նահանգներով միայն, և չի ընդունում տեղական լեզուն դատավարութեան համար պարտադիր:

«Այս հարցերում կաղէտները շարժողականեցին ձախակողմեաններս: Կաղէտները միացան մեզ ցենզի վերաբերմամբ և մեծածանութեամբ մերժեց հողի ցենզը դատաւորների համար: Նոր էին սկսել Դումայում վիճարանութիւններ այս օրինազօծի մասին, որ վրայ հասաւ նրա փակումը»:

## VI.

Դումայի վաղաժամ փակմամբ, կիսակատար, նոյն իսկ մեծ մասամբ անկատար մնացին նաև մի շարք հետաքրքրաշարժ խընդիրներ ու կարևոր ակտեր, որ ձախակողմեաններն և առանձնապէս սոց.-յեղ. և դաշնակց. միացեալ խումբը մշակել էր իւր կուսակցական ժողովներում, յարուցել Դումայում հանգէս բերելու և նոյն իսկ արդէն որոշ ընթացք տել:

Պառլամենտական խմբի գործունէութեան արդիւնքը սովորաբար երևան է պալու խմբի անգամ պատգամաւորների Դումայի ամբիոնից արտասանած ճառերում և խմբի կողմից առաջարկուող բանաձևերում ու ուղղութիւններում: Սակայն Բ. Դումայում եղան հարցեր, որոնք զանազան պատճառներով հանգէս չեկան ընդհանուր նիստերում: Այժմ համառոտակի յիշատակեմ սոց.-յեղ. և դաշնակց. միացեալ խմբի այս կարգի անկատար մնացած գործունէութիւնը և յատկապէս դաշնակցական պատգամաւորների ունեցած մասնակցութիւնը:

Ամխիստիայի հարցը, որ չնայած կաղէտների առաջ բերւած խոչնդումների՝ ձախակողմեան (գլխաւորապէս սոց.-յեղափոխականների, դաշնակցականների և տրուդովիկների \*) խմբերի ջան-

\*) Սոց. դեմոկրատները աւելորդ համարեցին ամխիստիայի համար առանձին քայլեր անելը Դումայում, օր. ամխիստիայի յատուկ առաջարկ կամ առանձին օրինազօծ յարուցանելով, որովհետև ապարդիւն էին զանում այդ: Նրանք բաւականացան պատգամաւոր Մերեթելու կարգացած իրենց զեկլարացիայում



բերի շնորհիւ վերջապէս Դուժան իւր քննութեանն առնել որոշեց: Սակայն կաղէտները ձեական մի հարց յարուցին, արդեօք Դուժան իրաւունք ունի ամիսատիայ անելու, թէ այդ Միապետի բացառիկ մենաշնորհն է, նրա իրաւասութեանն է պատկանում և անձատշելի է ժողովրդական ներկայացուցչութեանը \*):

Դուժան ընտրեց յատուկ ամիսատիայի Յանձնաժողով, որ պէտք է քննէր նաև այդ ձեական իրաւարանական հարցը Դուժայի իրաւասութեանը վերաբերեալ: Ամիսատիայի Յանձնաժողովի անդամ ընտրեց պատգամաւոր Տիգրանեանը ամբողջ սոց.-յեղ. և դաշնակց. միացեալ խմբի որոշմամբ: Յանձնաժողովը դեռ ձեռնարկած իւր գործին Դուժան ցրեցին:

Ամիսատիայի նման «վտանգաւոր» հարցերից էր ըստ կաղէտային հայեացքի նաև տնօրրը զատապարտելու առաջարկի քննութիւնը, որ յարուցին աջակողմեանները անշուշտ որոշ պռովոկատորական դիտաւորութեամբ: Դուժայի թէ ծայրայեղ, թէ չափաւոր աջակողմը պնդում էին, որ անհրաժեշտօրէն շուտով քննել այդ խնդիրը և ամբողջ Դուժայի կողմից որոշ պատասխան տրբւի: Չախակողմեանները (սոց.-յեղ., դաշն. և սոց.-դեմ.) պատրաստ էին պատասխանելու և իրենց կտրուկ կարծիքը համարձակ ու շիտակ յայտնելու: Տրուգովիկները որոշ չափով տատանուում էին:

յոկ յայտարարելով, որ «սոց. դեմոկրատ. ֆրակցիան ոչ մի բող է չի մտաւնայ արտուրւածների ու բանտարկւածների կատարեալ ազատման մասին», բայց որ դրա համար աշխատելու են «այն միակ եղանակով, որով միայն և կարող է այդ ձեռք բերուի», այն է «ճշտապէս ցոյց տալով ժողովրդին, որ «ժողովուրդն ինքն ազատուելով միայն՝ կազատի և իւր կուղներին»: Եթէ աշխատաւորականները և սոց.-յեղափոխականները ամիսատիայի օրինազրկ առաջարկելու ջիւղ կողմնակից էին, այդ չէ նշանակում ինարկէ, որ սրանց կարծիքով օրինադիւր հաստատուելու և օրէնք էր դառնալու: Բայց եթէ անմիջական օրէնսդրական արդիւնքը աչքի առաջ ունեցւէր, ապա ձախակողմը ոչ մի օրինազրկ առաջարկ այլ ևս ի հարկէ չպիտի անէր... Սոց.-յեղափոխականների և դաշնակցականների միացեալ խումբը սակայն ընդունում էր, որ ամիսատիայի հարցը յատուկ օրինազրկ յարուցանելը և Դուժայում քննելը անշուշտ ազդու ազդեալատիայի կարևորութիւն էր ունենալու:

\*) Այս առարկութիւնը ի հարկէ լոկ ձեական պատրուակ էր. իրօք կաղէտները դէմ էին ամիսատիայի հարցը յարուցանելուն իրենց ընդունած տակալիկայից զրբւած: Բ. Դուժայում եղած կուսակցութիւնների տակալիկաների մասին տես «Պովկասի առաւօտ» օրաթերթի №№ 19, 20 (1907 թիւ) «չորթեակերպերը երկրորդ Դուժայում»:

Իսկ կաղէտները պարզ կերպով ընդդիմանում էին այդ հարցը մէջ բերելուն: Չէ՞ որ քաղաքական տեւորը գնահատելու հարցը կապակցւած ու պայմանաւորւած էր նոյնինքն ազատագրական շարժման գնահատութեան փափուկ հարցից: Դուժան փրկելու տենչանքին տարւած, կաղէտները չէին ուզում, որ Դուժայի ընդհանուր ժողովում հանդէս դայ այդ հարցը, տաք, սուր, թեք ևս խիստ կարծիքներ յայտնեն, և իրենք էլ հարկադրւած լինեն որոշ պատասխան տալու: Իրենց կուսակցական Ֆրակցիայում չափաւոր, մեղմ, մասամբ երկմիտ սեգուլիցիայ ընդունելով տեւորի մասին և հրատարակելով այդ, կաղէտները այնուհետև հակառակջարկով հանդէս եկան Դուժայում, օրակարգից դուրս հանելու տեւորի հարցը և զրանով չզբաղւելու: Տրուգովիկները վերջ ի վերջոյ կաղէտներին միանալով այս խնդրում, կաղէտների առաջարկը ընդունեց Դուժայի մեծամասնութեան կողմից, և այն օրը, երբ արդէն որոշւած էր որ պէտք է քննւէր տեւորի խնդիրը օրակարգի մէջ նշանակւած լինելով, Դուժայի մեծամասնութիւնը հրաժարւեց այդ հարցով զբաղւելու:

Սոց.-յեղ. և դաշն. միացեալ խումբը հասկանալի պատճառներով մեծ կարևորութիւն էր տալիս այս հարցը լիակատար և պարզ լուսաբանելուն: Կուսակցական ժողովի նիստում որոշեց Դուժայի ամբիոնից ոչ միայն լոկ բացատրել տեւորը, պարզելով նրա անխուսափելիութեան պատճառները երկրի քաղաքական-հասարակական կացութեան պատճառով (ինչ որ անելու էին անշուշտ սոցիալ-դեմոկրատները), այլ նաև արդարացնել այն, ցոյց տալով նրա բարոյական որպիսութիւնը և նպատակայարմարութիւնը... Միացեալ խումբը յանձնարարեց սոց.-յեղ. պատգամաւոր Արխանգելսկուն և դաշն. պատգամաւոր Տիգրանեանին խօսել տեւորի մասին յիշեալ բովանդակութեամբ, որ սակայն տեղի չունեցաւ՝ տեւորի հարցը օրակարգից անակնկալ կերպով դուրս հանելու պատճառով:

Սոց -յեղափոխ. և դաշնակց. միացեալ խմբում բննութեամբ առարկայ եղաւ նաև Դուժայի նախագահ Գոլովինի բռնած ընծայքը առիթ առողք սոցիալ-դեմոկրատ պատգամաւոր Արշակ Զուրաբովի յայտնի միջնադէպն էր \*):

\*) Սեհոզի օտարակեր թերթերի (զխաւորապէս «Նովոյէ Վրեմյայի») և կառավարչական պաշտօնական «տեղեկատու բիւրոյի» տարածած խեղաթիւր

Գոլովինի յանցանքը այն էր, որ նիստը ընդհատելուց յետոյ (ազմուկի պատճառով) նա իրեն թոյլ տւեց ենթարկել կաղէտների Ֆրակցիայի տրամադրութեանը և որոշմանը, անտես անելով միւս Ֆրակցիաները և խմբերը, մինչդեռ նախագահը պարտաւոր է անկուսակցական և չէզոք պահել իրեն: Այս բոլորովին սխալ ճանապարհի վրայ կանգնելով, Գոլովինը իրեն թոյլ տւեց ոչ միայն նիստը վերսկսելուց յետոյ անտեղի ներբողներ կարգալ իրրև թէ վերաւորւած զօրքի հասցէին, տարապարտուց զրկել Զուրարովին ձայնից և յանդիմանել, այլ նաև նիստից յետոյ անվայել մեղալական այցելութիւններ կատարել զինւորական մինիստրի և մինիստրների խորհրդի նախագահի մօտ:

Մոց.-յեղ. և դաշն. միացեալ խմբի ժողովում այս առիթով որոշեց հարց յարուցանել նախագահի իրաւասութեան սահմանների մասին ընդհանրապէս, աչքի առաջ ունենալով նաև Գոլովինի այցելութիւնները կայսրին, որոնց մասին նա, առաջին Պետ. Դուռմայի նախագահ Մուրումցևի նման, Դուռմային ոչինչ պաշտօնապէս չէր յայտնում: Խուժըրը այն կարծիքին էր, որ Դուռմայի ընտրեալ նախագահը անշուշտ պատասխանատու լինելով նոյն Դուռմայի առաջ իւր բոլոր պաշտօնական գործերի համար, չէ կարող որ և է գաղանիք ունենալ իրեն ընտրող մարմնից, և առանց նրա գիտութեան և հաւանութեան կարևոր և փափուկ քայլեր առնել: Այս խնդիրը Դուռմայում յարուցանելու մասին որոշեց նա-

ւած տեղեկութիւնների շնորհիւ այդ միջնադէպի մասին բոլորովին սխալ տըպաւորութիւն ստեղծեց հասարակութեան մի մասի մէջ: Միջնադէպը զարնժակ նիստում տեղի ունենալով մաքուր և ազնիւ թերթերը անկարող եղան հերքել այդ պոպոկատարական սուտը իսկական եղելութիւնը հազորդելով հասարակութեանը: Զուրարովը վերաւորական բան չստեց զօրքի մասին. «Ինքնակալ պետութեան մէջ մեր զօրքը երբէք պատրաստ չի լինի արտաքին պաշտպանութեան համար, այլ հիմնալի կուելով մեզ հետ և ձեզ ցրելով, միշտ պարտութիւն կը կրէ արևելքում»: ան աջակողմին կեղծ կատաղութիւն իրը պատճառող իսկական խօսքերը. եթէ կայ այստեղ որ և է վերաւորանք, ապա այդ զօրքի հասցէին չէ, այլ ինքնակալութեան, որի շնորհիւ զօրքը զօրեկ է կատարեալ լինելու հարաւորութեանը պոպոկացիայի պատրակ էր հարկաւոր, այդ խօսքերը արտասանող ձառախօսի սցիալ-դեմոկրատ և մանաւանդ օտարազգի, ոչ-ուս լինելը յարմար առիթ համարեցին նրանք մի նոր սկանդալ սարքելու համար, և սարքեցին:



խապէս խորհրդակցել տրուողովիկների ու սոցիալ-դեմոկրատներին հետ. միացեալ խմբի կողմից բանակցելը ձախակողմեանների ինֆորմացիոն բիւրոյում յանձնարարեց Տիգրանեանին: Սոցիալ-դեմոկրատները սկզբունքով համաձայնելով, առաջ բերին խնդրի փափուկ և բարդ լինելը և առաջարկեցին մի առ ժամանակ յետաձգել Դուժայում յարուցանելը (երևի սպասում էին, որ Լոնդոն սոց. դեմ. համալուծարին գնացած իրենց ընկեր-պատգամաւորները յետ դառնան): Սակայն Դուժայի վերահաս փակմամբ այս խնդիրն էլ մնաց այսպէս անկատար:

### Յ Ա Ի Ե Լ Ի Ա Ծ

#### ԴԱՇՆԱԿՅՈՒԹԵԱՆ ՀՐԱՀԱՆԳԸ ԴՈՒՄԱՅԻ ՊԱՏ- ԴԱՄԱՈՐԻՆ

«Պատգամաւորը պէտք է համերաշխ գործէ սոցիալիստ-յեզափոխական աշխարհայեացք դաւանող բոլոր կուսակցութիւնների հետ և նրանց հետ բլոկ կազմէ, աջակցելով միաժամանակ ազատութեան և ժողովրդապետութեան սկզբունքների բոլոր անկեղծ և անշեղ կողմնակիցներին:

Համոզւած լինելով, որ Ռուսաստանի վերածնութիւնը անհնարին է առանց պառլամենտից դուրս վարուող կուլի, պատգամաւորի վրայ պարտք է զբուժել իր խօսքերը և կրչերը համապատասխանեցնել այն քաղաքական և յեղափոխական քայլերի հետ, որոնք կարող են նախաձեռնել ժամանակակից յեղափոխական շարժումն իրենց ուսերի վրայ տանող հասարակական տարրերը—յեզափոխական ինտելիգենցիան, աշխատաւոր գասակարգի գիտակից խաւերը, ճնշւած ազգերը և յեղափոխական բանակը:

Այս նպատակով պատգամաւորը պարտաւոր է.

Զգտել Սահմանադիր ժողովի գումարմանը, յեղափոխական և սոցիալիստական տեսակէտներից բննելով այն բոլոր հարցերը, որոնք ներկայ ազատագրական շարժման առանցքն են կազմում:—

ա) Իրականացնել Ռուսաստանում լիակատար ժողովրդապե-

տութիւն. Սահմանադիր ժողովը պէտք է գումարւի ընդհանուր, հաւասար, զաղտնի, ուղղակի և համեմատական (պրօպօրցիօնալ) ձայնատուութեան հիման վրայ:

բ) Լուծել ազգերի հաւասարութեան խնդիրը Ռուսաստանում:

գ) Ամբողջ հողը տալ երկրագործ ժողովրդի ձեռքը:

դ) Իրականացնել բանւոր դասակարգի բոլոր նւազագոյն պահանջները. Տ ժամեայ բանւորական օր և լին և լին: Չը թողնել առանց բնութեան բանւորական օրէնսդրութեան և ոչ մի կողմը:

Իսկ Ռուսաստանի քաղաքական վերակազմակերպման խնդրում Դաշնակցութիւնը ղեմոկրատիզմի և ազատութեան սկզբունքներին զրգւած պահանջում է փոխել պետութեան ցենտրալիստական (կետրոնացնող) կազմակերպութիւնը ղեցնւտրալիստականի (ապակետրոնական), հիմնւած դաշնակցական (ֆեդերատիւ) սկզբունքի վրայ, թողնելով ընդհանուր պետական օրէնսդիր մարմնի կոմպէտէնցիային (իրաւասութեանը) միայն ընդհանուր պետական հարցերը, ինչպիսի են, օրինակ, պետութեան պաշտպանումը, մաքսի և դրամի սխտեմը, պօստ-հաղորդակցութիւնը և այլ դրանց նման խնդիրները, մնացած բոլոր խնդիրների ղնութիւնը և նրանց վերաբերմամբ օրէնսդրութիւն յօրինելը թողնելով շրջանային սէյմերին, որոնք պէտք է կազմեն Ռուսաստանի զանազան շրջաններում և մասնաւորապէս Անդրկովկասում: Միայն այդ սէյմերը հնարաւորութիւն կունենան և ձեռնհաս կարող են լինել հողի իրաւական, ազգային, կուլտուրական և այլ զանազան հարցերը լուծելու:

Ազգերի հաւասարութեան սկզբունքը ոչ թէ խօսքով այլ իրապիսի իրականացնելու, փոքրամասնութեան իրաւունքների ապահովման գրաւական ներկայացնելու, և կովկասեան ազգերի ազգային կոիւններին ու պառակտումներին վերջ տալու նպատակով, անհրաժեշտ է ա) քաղաքների, շրջանների, պետութեան և այլ ինքնավար մարմինների ուսումնարանական և այլ կուլտուրական կրթական բիւջէները բաժանել առանձին ազգութիւնների և համայնքների մէջ՝ համեմատ նրանց բնակչութեան թւին:

բ) Բոլոր պետական և հասարակական հիմնարկութիւններում պէտք է պաշտօնեաներ ընդունեն բոլոր ազգերի ներկայացուցիչներից. խարութիւն չը պէտք է դուրի ազգերի մէջ նաև աշխատանքի բոլոր այլ ձիւղերում:

գ) Անդրկովկասի պետական և հասարակական հիմնար-

կութիւնների բոլոր պաշտօնեաները պարտաւոր են գիտենալ տեղական գլխաւոր լեզուներից երկուսը:

Հողի խնդրում պատգամաւորը պէտք է անցկացնէ կեարօնական օրէնսդիր հիմնարկութեան մէջ ընդհանուր այն սկզբունքները, որոնք հողը կը տան երկրագործ համայնքների ձեռքը հաւասարաշափ (уравнительный) հողարաժանութեան և հողից հաւասարապէս օգտուելու իրաւունքով: Իսկ հողի խճճեաժ հարցի վերջնական լուծումը կովկասում, պէտք է պահանջէ՝ յանձնել կովկասեան օրէնսդրական սէյմին:

Հէնց ստաջին պարագայից օգտուելով, պատգամաւորը պէտք է հրահանգի կովկասեան երկրագործներին խեղդող կիսա-ֆէոդալական յարաբերութիւնների վերջ դրելը. զրա հետ միասին նա պէտք է դադարեցնէ Ռուսաստանից ներս հոսող զաղթականական շարժումը, մինչև որ տեղական ազգաբնակչութիւնը կստանայ այնքան հող, որ համապատասխանէ, դոնէ, նրա սպառողական պէտքերին:

Զօրաբանակը վերակազմելու գործի ժամանակ միլիցիականներին պէտք է տալ թոշակ, որը համաշափ պէտք է լինի տեղական աշխատավարձի մինիմումին: Ամեն մի միլիցիական պէտք է ծառայէ իր նահանգի սահմանում, մօտակալ պետական սահմանները պաշտպանելու համար: Իսկ սահմանների ընդհանուր պաշտպանութեան համար պէտք է կազմեն առանձին բանակներ, որոնց մէջ կը մտնեն միլիցիականներ բոլոր նահանգներից. ամեն մի նահանգ ուղարկում է սահմանների պաշտպանութեան համար իր բնակիչների թւին համեմատ միլիցիականներ:

Վերածնւած ժողովրդավարական Ռուսաստանի արտաքին քաղաքականութիւնը պէտք է համապատասխանէ նրա ներքին քաղաքականութեան:

Երիտասարդ Ռուսաստանը պէտք է պաշտպանէ թոյլ ազգերի իրաւունքները, միջազգային դատարանի յանձնելով ծագած վէճերը. զրա հետ միասին նա պէտք է շատագոյլ հանդիսանայ ժողովրդապետութեան, ազգային հաւասարութեան և ֆեդերացիայի սկզբունքների իրականացմանը բոլոր այլ պետութիւններում մանաւանդ Պարսկաստանում, Տաճկաստանում, որպէս այնպիսի երկրներում, որոնք զտնուում են նրա ազգեցութեան տակ:



## ՀՈՂԻ ՏԵՂԱԿԱՆ ԿՈՄԻՏԷՆԵՐԻ ՄԱՍԻՆ

(Առաջարկւած Բ. Պետ. Գումային սոց.-յեղ. եւ գրեւ. միացեալ խմբի կողմից):

«Ուշադրութեան առնելով,—որ հողի խնդրի բարենորոգման հիմունքները շօշափում են ժողովրդի թէ՛ իրաւաճանաչութիւնը և թէ՛ նրա ամենակենսական շահերը,—որ այդ հիմունքները չեն կարող իրաւացիօրէն վճուել Պետական Գումայից, որը ընտրւած է ամենամեծապէս ընտրական օրէնքի հիմամբ և նախընտրական ազիտացիայի ազատութեան կատարեալ բացակայութեամբ,—որ ամեն մի կարևոր անհամապատասխանութիւն ծրագրւած բարենորոգման և ժողովրդի իրաւաճանաչութեան ու շահերի միջև մեր լայնատարած և խիստ բազմազան հայրենիքի այս կամ այն մասում կարող է նորանոր բարդութիւններ և երկպառակութիւններ յարուցանել,—Գումայի սոց.-յեղափոխականների խումբը անհրաժեշտ է համարում տեղական Հողի կոմիտէներ կազմակերպել և, մտադիր լինելով մօտերս մի մանրամասն համապատասխան օրինագիծ ներկայացնելու, ներկայուած բաւականանում է համառօտ ձևարանելով իւր հայեացքը այդ կոմիտէների կոչման վերաբերմամբ յետագայ հիմնական դրութիւնների համաձայն:

1) Հողի տեղական կոմիտէները պէտք է կազմեն անյապաղ, առանց սպասելու որ հողի խնդրի բարեփոխման հիմունքները մշակեն Հողի Յանձնաժողովից և ընդունեն Պետ. Գումայից:

2) Այդ կոմիտէները պէտք է նրաւիբուն խորհրդածելու հողի խնդրի բարեփոխման նոյն ինքն հիմունքները և այն ձևերը, որով պէտք է ձևակերպել այդ հիմունքները ըստ տեղական պայմանների:

3) Այդ կոմիտէներին պէտք է յանձնել այն բոլոր տեղեկութիւնների հաւաքելը, որ անհրաժեշտ են հողի խնդրի բարեփոխման ժամանակ:

4) Մինչև հողի խնդրի բարեփոխման իրականացումը—հողի տեղական կոմիտէներին պէտք է յանձնել կարգաւորել կապալագները և գիւղատնտեսական վարձի պայմանները, ուր որ ճորտական (кабальный) բնաւորութիւն ունեն:

5) Կոմիտէները ընտրուած են հանրական, անմիջական, հաւասար և գաղտնի բազարկութեամբ:—Ընդ սմին դադարեցելու են հողի սեփականութեան առևտուրի հիմունքներով շարժուածք և ընծայուածք:

### ՀՈՂԻ ՀԻՄՆԱԿԱՆ ՕՐԷՆՔԻ ՆԱԽԱԿԻԾԸ

(Առաջարկուած Բ. Պետ. Գումային սոց.-յեղ. և դառն. միացեալ խմբի կողմից):

1) Ռուսաց պետութեան սահմաններում այսուհետև և ընդմիշտ վերացուած է հողի ածին սեփականատիրութիւն:

ա) Ֆինլանդիան, քաղաքական ինքնօրինութեան տէր լինելով, ազատ է սոյն հիմնական օրէնքի ներգործութիւնից:

բ) Նոյնը կը վերաբերի Ռուսաց կայսրութեան նաև ուրիշ մասերին, երբ Ֆինլանդիայի նման քաղաքական կազմակերպութիւն կատանան (Լեհաստան):

2) Ամբողջ հողը՝ իւր բոլոր ջրերով ու խորքերով՝ յայտարարուած է սեփականութիւն Ռուսաց պետութեան համայն ազգաբնակութեան:

3) Այդ սեփականութիւնից օգտուելու հաւասար իրաւունք ունեն բոլոր քաղաքացիները և քաղաքացուհիները:

4) Ամբողջ հողի՝ իւր բոլոր ջրերով ու խորքերով՝ ծայրագոյն տնօրէնը, սոյն հիմնական օրէնքի գծած սահմաններում, ժողովրդական ներկայացուցիչների ժողովն է հանդիսանում. տեղական տնօրէններ են հանդիսանում նոյն հիմունքներով տեղական ինքնավարութեան օղանները՝ իւրաքանչիւրը իւր երկրային շրջանում: Տեղական ինքնավարութեան ամենաստորին օղանը երկրային համայնքն է, որն ընդգրկուած է մէկ կամ մի քանի գիւղ:

5) Պետութեան վրայ, յանձին իշխանութեան կեարծնական օղանների ու տեղական ինքնավարութեան օղանների, ծանրանում է՝

ա) բոլոր քաղաքացիների համար հաւասարապէս օգտուելն ապահովացնելը:

բ) հողի բնական հարստութիւնները ուժասպառ լինելուց պահպանելը, այլ և դրանց շտտացնելու միջոցներ ձեռք առնելը:

6) Հողից, իւր ջրերով ու խորքերով, օգտւելը թոյլ է արը-  
ւում այս կերպ՝

ա) հասարակաց տնտեսութեան համար՝ պետական բօրձրա-  
գոյն իշխանութեան և տեղական ինքնավարութեան օւղանների  
ձեռքով, որոնք կազմակերպում են և վարում հողի վրայ, նրա  
ջրերում և խորքերում հասարակօրէն անհրաժեշտ և հասարա-  
կաց նշանակութիւն ունեցող տնտեսութիւններ (հասարակաց  
օգտւելը)։

բ) մասնաւոր աշխատաւոր տնտեսութիւնների համար՝ ան-  
հատների, ընտանիքների և խմբերի (ընկերակցութիւնների ու  
արտելների) ձեռքով, որոնք վարում են ձեռնարկութիւնը անձնա-  
կան աշխատանքով (մասնաւոր—աշխատաւորաբար օգտւելը)։

գ) բնակատեղի ու շէնքերի համար՝ 1) այն անձերի ձեռքով,  
որոնք ապրում են շինութիւնների վարձից և վարձու բանւորներ  
ունեցող առևտրական ու արդիւնագործական ձեռնարկութիւնից  
(կապիտալիստաբար օգտւելը) ստացւող եկամուտով և 2) այն ան-  
ձերի ձեռքով, որոնք օգտւում են հողից իբրև տնտեսողից և  
տնտեսական շէնքերից սեփական բնակութեան համար, այլ և ա-  
ւետրական ու արդիւնագործական ձեռնարկութիւնների համար  
առանց վարձու բանւորների։

Հողից, ջրից և խորքերից օգտւելու ոչ մի այլ տեսակ, բա-  
ցի 6-րդ յօդւածումս ցոյց աւածից, թոյլ չէ արւում։

7) Հասարակաց օգտւելու հիմնական կանոնները։

ա) Պետութիւնը և տեղական ինքնավարութեան բոլոր օւ-  
ղանները իրաւունք ունեն համապատասխան ներկայացուցչական  
ժողովների յատուկ կարգադրութիւններով հողի անհրաժեշտ տա-  
րածութիւններ յատկացնել հասարակաց օգտւելու համար յետա-  
գայ նպատակներով՝ I. հողի բնական հարստութիւնները ուժաս-  
պառ լինելուց պահպանելու, այլ և դրանց շատացնելու միջոցներ  
ձեռք առնելու համար (ոռոգման, ցամաքացման, ջրաբաշխման  
շինւածքներ, անտառներ ձգել, աւազուտներ ամրապնդել և այլն)։  
II. Հողի աւելի խոշոր հարստութիւնների շահագործման և դրանց  
եկամուտները հասարակաց պէտքերի յատկացնելու համար։ III.  
Փորձնական ու օրինակելի տնտեսութիւններ ու ձեռնարկութիւն-  
ներ սարքելու, այլև առողջապահական, բարեգործական, կրթա-



կան և այլ նպատակների համար, և IV. տնտեսութեան աւելի նպատակայարմար ձևեր հաստատելու համար:

բ) Յատուկ օրէնքով կանոններ են սահմանուում՝ պետութեան կամ տեղական ինքնավարութեան օւղանների ձեռքով ստացւած արտադրութիւնները աշխատաւոր ժողովրդին արտօնեալ պայմաններով (արտադրման գնով կամ ձրխարար) մատակարարելու անձնական սպառողութեան քանակով, ինչպէս և բոլոր ցանկացողներին անտրական հիմունքներով վաճառելու մասին:

գ) Յատուկ օրէնքով կանոններ են սահմանուում պետական և հասարակաց ձեռնարկութիւններում աշխատանքը այնպէս կազմակերպելու, որ աշխատողները ընդարձակ իրաւունքներ ստանան ձեռնարկութիւնների կառավարման մէջ:

Տ) Մասնաւոր-աշխատաւորական օգուելու հիմնական կանոնները.

ա) Ոչ որ իրաւունք չունի հողից օգուելու աւելի չափով, քան ինչ որ կարող է՝ նոյն տեղի տնտեսութեան միջին պայմաններում՝ մշակել ինքը կամ իւր ընտանիքի աշխատող ուժերով, այսինքն աշխատաւորական նոսմայից ոչ աւելի:

բ) Հողը կարող է յատկացւել օգուելու՝

I. առանձին անձերի և ընտանիքների:

II. հողը իրենց մէջ հաւասար բաժանող հողի ընկերակցութիւնների.

III. ձեռնարկութիւնը միասին վարող և արդիւնքը հաւասար բաժանող արտիւնների:

Կանօթութիւն. Ինքնավարութեան օւղաններից և ոչ մէկը իրաւունք չունի արդիւնքներ յարուցանել արտիւնների կամ հողի ընկերակցութիւնների կազմակերպելուն և կամ արտօնութիւններ սահմանել ծրական (ոչ համայնական) եղանակով օգուողների համար:

զ) Հողից օգուելու հաւասարութիւնը առանձին համայնքների կամ այլ երկրային ինքնավար միութիւնների միջև սահմանում են ըստ պատկանելոյն տեղական ինքնավարութեան համապատասխան օւղանները և բարձրագոյն պետական իշխանութիւնը:

I. Ընդունւած նոսմայից վեր հողերի վրայ պտղութիւն հարկ դնելով,

II. Ազգաբնակութիւնը ցրելով ու գաղթեցնելով,

III. Այդ միջոցները անբաւարար եղած դէպքում հողերի սահմանները փոփոխելով:

դ) Յատուկ օրէնքներով սահմանուած են հողաբաժանութեան հիմնական սկզբունքները, իսկ ինքնավարութեան բարձրագոյն օրգաններին յանձնարարուած է այդ սկզբունքների հիման վրայ և համեմատ պարտադիր կարգադրութիւններ ու կանոններ հրատարակել ապահովելու.

I. Հողաբաժիններից օգտւելու անհրաժեշտ տեղութիւնը հողի մշակման տեղական պայմանների համեմատ.

II. Հողաբաժինները կամ նրանց մասերը մէկի ձեռքից ուրիշին անցնելիս օգտւողներին վարձատրելը այն չվայելած բարւոքումների համար, որ նրանք կատարել են իրենց աշխատանքով կամ կապիտալով:

և՛) Հողի հաւասար ընդհանուր բաժանուածը անձերի, ընտանիքների ու խմբերի միջև վարուած է տեղական ինքնավարութեան ստորին ինստանցիան վերին ինստանցիաների հսկողութեամբ և հողի օրէնքի ընդհանուր նոսմաները պահպանելով:

դ) Իւրաքանչիւր քաղաքացի, որ կամենում է իւր աշխատանքը հողի վրայ դնել և չէ կարողացել իրագործել այդ համաձայնութեան գալով առանձին համայնքների, հողի ընկերակցութիւնների և արտելների հետ, իրաւունք ունի զիմելու տեղական ինքնավարութիւնների ու պետութեան հողավար (землеустроительный) հիմնարկութիւններին, որոնք պարտաւոր են.

I. կամ տեղաւորել նրան շատ հող բնեցող համայնքներից մէկում յատուկ օրէնքով ցոյց տւած կարգով.

II. կամ նրան հողաբաժին հանել այս կամ այն խոշոր երկրային ինքնավար միութեան հողի պահեստի ֆոնդից.

III. կամ կարգել նրան հող մշակող հասարակական ձեռնարկութիւններից մէկն ու մէկում:

Երանօթութիւն: Յատուկ օրէնքով սահմանուած է հողաբաժինները հարկը պահանջած դէպքերում ետ առնելու կամ տալ մերժելու կարգը, նմանապէս և իրենց իրաւունքները իրաւարանօրէն պաշտպանելու կարգը այն անձերից, որոնք այդ իրաւունքը խախտւած կհամարեն:

է) Հողի և իւր արդիւնքների հաւասար բաժանման ժամանակաժողովներն ու եղանակները հողի ընկերակցութիւններում ու արտելներում իրենք են սահմանում հողի օրէնքի ընդհանուր նոսմաները պահպանելով:

ը) Հողը մասնաւոր կերպով իրար տալը առանձին օգաւողների միջև (անձերի, ընտանիքների, հողի ընկերակցութիւնների և արտելների) թոյլ է տրւում ոչ այլ կերպ, բայց եթէ համայնքի համաձայնութեամբ և հողի օրէնքի ընդհանուր նոսմաները պահելով: Մասնաւոր-աշխատաւոր օգաւողները հողագործութիւնը թողնելիս իրենց օգաւած հողարածիւնները համայնքի անօրինութեանն են յանձնում. մի և նոյն ժամանակ զանազան վայրերի ու ձեռնարկութիւնների համար յատուկ օրէնքով սահմանելիք ժամանակամիջոցների ընթացքում վերապահում են իրենց նոյն համայնքում հողից օգաւելու իրաւունքը, իսկ այդ ժամանակամիջոցը անցնելուց յետոյ պահում են լոկ ամեն քաղաքացու ընդհանուր իրաւունքը հողարածին ստանալու:

թ) Յատուկ օրէնքով վարկի կանոններ են սահմանւում հողից աշխատաւորարար օգաւողների համար արդիւնագործութեան անհրաժեշտ միջոցները ձեռք բերելու և ձեռնարկութիւնները բարւոքելու նպատակով:

ժ) Յատուկ օրէնքի հիմամբ ընդհանուր պարտագիր ապահովագրման կամ որևէ ուրիշ ձևով հատուցւում են հողից աշխատաւորարար օգաւողների կորուստների տնտեսական ամեն տեսակ աղէտներից (հրդեհ, անբերրիութիւն, անասնի կոտորում, աշխատելու ընդունակութիւնից զրկելը և այլն):

9) 8-րդ յօդւածում շարադրւած հիմունքների նմանութեամբ կանոններ են սահմանւում մասնաւոր աշխատաւորական օգաւելու համար խորբերից, ջրերից, անտառներից և ուրիշ արդիւնարեւր հողամասերից:

10) Բնակւելու, շէնքերի ու շինւածների համար հողից օգաւելու հիմնական կանոնները.

ա) իրրև ազարակային հողարածիւններ ամեն տեսակ շէնքերի ու շինւածքների համար յատկացւում են պետութիւնից ու տեղական ինքնավարութեան օրգաններից սահմանւած կանոնների համաձայն:

բ) Ամեն տեսակի շէնքերը ու շինւածքները, հասարակաց



պէտքերի պահանջմամբ, կարող են օտարացել պետութեան ու տեղական ինքնավարութեան օւղանների ձեռքով յատուկ օրէնքով սահմանուելիք կարգով:

## 1. ՀՈՂԻ ՀԻՄՆԱԿԱՆ ՕՐԷՆՔԻ ՆԵՐՄՈՒԾՄԱՆ ԿԱՐԳԸ:

Օրէնքը ներմուծելու և մինչև ներմուծելը հողի յարարերու թիւնները կարգաւորելու նախապատրաստական միջոցները:

§ 1. ա) Վերացուած են բոլոր հրովարտականները հողի և հողից օգտուելու մասին Հիմնական Օրէնքների 87-րդ յօդուածի կարգով հրատարակւած, այլ և Գիւղացիների ընդհանուր Օրէնսդրութեան 36-րդ յօդուածը:

բ) Կանգ է առնուած գիւղացիական և ազնւականութեան հողային բանկերի, հողավար (землеустроительный) կոմիտիաների և հողավարման միւս ներկայ օւղանների գործունէութիւնը:

գ) Կանգ է առնուած հողի սեփականութեան առևտրի ու ընծայման ճանապարհով շարժումը:

§ 2. Մինչև տեղական ինքնավարութեան վերակազմակերպումը երկրայնութեան և հանրական, անմիջական, հաւասար ու փակ ձայնատուութեան հիմունքներով, այլ և անցողական ժամանակի հողավարման նպատակով՝ կազմակերպուած են տեղական հողի կոմիտէներ—վոլոստի, գաւառի, նահանգի ու շրջանի՝ հանրական, անմիջական, հաւասար ու փակ ընտրական իրաւունքի հիմամբ:

Մասնաձեռնութիւն: Շրջանների բաժանումը իրենց գիւղական հիմնական առանձնայատուկութիւնների համեմատ կատարուած է օրէնսդրական կարգով:

§ 3. Իրաքանչիւր վոլոստի կոմիտէտը բաղկանում է հաւասար թւով նոյն վոլոստից ընտրւած անդամներից և սահմանակից վոլոստներից ընտրւած անդամներից:

§ 4. Գաւառի հողի կոմիտէտը կազմուած է հաւասար թւով նոյն գաւառի ներկայացուցիչներից և նահանգի միւս բոլոր մասին վերցւած գաւառների ներկայացուցիչներից:

§ 5. Նահանգի հողի կոմիտէաը կազմուած է հաւասար թւով նոյն նահանգի ներկայացուցիչներէից և շրջանի միւս բոլոր իմիասին վերցւած նահանգների ներկայացուցիչներէի:

§ 6. Շրջանի հողի կոմիտէաը կազմուած է հաւասար թւով շրջանի ներկայացուցիչներէից և ներկայացուցիչներէից միւս բոլոր շրջանների միասին վերցւած:

§ 7. Հողի կոմիտէաները, տեղական առանձնայատկութիւնների ու պայմանների համեմատ, նախագծեր են կազմում՝

ա) Խնքնավար երկրոյին միութիւնների սահմանների մասին.

բ) Հողից օգտուելու նոսմաների մասին և

գ) Հողարածիւններ յատկացնելու մասին:

§ 8. Նախընթաց յօդուածի որոշած նպատակներով մանրամասն հաշիւ է կատարուած ազգարնակութեան, բոլոր հողերի, ձեռնարկութիւնների, մշակուող խորքերի, այլ և դրանց գնահատումը:

§ 9. Անյապազ վերջ է դրուած ուղեկների, կաթնեւաի, եկեղեցիների ու վանքերի կողմից հողին և նրա խորքերին տիրելու ամեն ձևերին, և այդ հողերի անօրինութիւնը յանձնուած է հողի կոմիտէաներին, որոնց անմիջական անօրինութեանն են յանձնուած նաև պետական արդիւնաբեր հողամասերը:

§ 10 Այդ հողամասերի բաշխումը աւելի մանր տեղական հողի կոմիտէաների միջև կատարուած է համապատասխան աւելի խոշոր և բարձր հողի կոմիտէաների հսկողութեամբ, և բարձրագոյն կոմիտէաներին իրաւունք է վերապահուած իւր անմիջական անօրինութեանը թողնել աւելի ընդարձակ տեղական—հասարակական նշանակութիւն ունեցող արդիւնաբեր հողամասերը:

§ 11. Հողի կոմիտէաները իրաւունք ունեն միջոցներ ձեռք առնելու բոլոր հողային հարստութիւնները ջրերով ու խորքերով, այլ և աշխատանք ժողովրդի շահերը պաշտպանելու, կարգաւորելու հողատէրերի ու հողից աշխատանքաբար օգտուողների փոխադարձ շարաբերութիւնները, ժամանակաւոր հողից օգտուելու շահերը սահմանելու, կապալի և վարձու աշխատանքի պայմանները կանոնաւորելու և այլն:

§ 12. Քաղաքների, գեմաստիւնների, հատարակական, կրթական և բարեգործական հաստատութիւնների, այլազգիների ու կողակների հողերը մնում են իրենց ներկայ տէրերի ժամանակաւոր անօրինութեան տակ պետական իշխանութեան ու հողի կոմիտէա-

ների հսկողութեամբ, սրանցից յատկապէս սահմանելիք կանոններով, որոնք ապահովելու են հասարակաց շահերը ու աշխատաւոր ժողովրդի պետքերը:

## II. ՕՐԷԼԻՔ ԵՒ ՄՈՒԾԵԼՈՒ ՄԻՋՈՑՆԵՐԸ

§ 1. Հողի ասաջւայ տէրերին ու օգտուողներին—առանձին առանձերին, ընկերակցութիւններին, համայնքներին ու արտիկներին—իրենց ցանկութեամբ և նոյն տեղի համար ընդունւած աշխատաւորական նոսմայից ոչ աւելի չափով՝ թողնուած են օգտելու հողերը, ձեռնարկութեան հողաբաժինները ու մշակող խորքերը, որոնք ա) սեփականատիրութեան իրաւունքով իրենց են պատկանած եղել, բ) նաղէլի են եղել, և գ) կապալով իրենց ձեռին են եղել:

Կանոններն: Տեղական ինքնավարութեան օրգաններին թոյլ է տրուում, որ այդ դէպքում հողաբաժինների փոխանակում և սահմանների փոփոխում կատարեն:

§ 2. Մնացած բոլոր հողերը, իրենց ջրերով ու խորքերով, օտարացում են առանց վարձատրման և յատկացում են պետական ու հասարակական տնտեսութիւն կազմակերպելու, այլ և աշխատաւոր, սակաւահող և հողազուրկ ժողովրդին ապահովելու:

§ 3. Ամենից առաջ հողով մատակարարում են տեղացի սակաւահող օգտուողները, ապա տեղացի հողագործ ազգաբնակչութեան հողազուրկ մասը (մշակները, անտուն գիւղացիներն և այլն), ապա տեղացի ոչ հողագործ ազգաբնակչութիւնը, և վերջը արդէն, եթէ հողի պահեստը կնիւրէ, եկտորները:

§ 4. Որտեղ որ տիրում է ծխական տնտեսութիւնը, առաջուայ ծխական հողատէրերը ծխական օգտուողներ են դառնում հողի հիմնական օրէնքի § 8. բ. կէտի I բաժնի հիմամբ, այդտեղից բղխող բոլոր հեռանքներով:

§ 5. Համայնական տնտեսութեան վայրերում

ա) երբ երկրային համայնքը իւր բնակչութեան կազմով մտաւորապէս նոյն է նախկին տիրոջ կազմակերպչական համայնքին—գրանց ձուլում են, և վերջինիս իրաւունքներն ու պարտականութիւնները անցնում են առաջինին:

բ) երբ երկրային համայնքը երկու կամ մի քանի նախկին տիրապետական համայնքներ է ընդգրկում, գրանց թոյլ է տրուում կամ մի համայնք կազմել և ձուլել երկրային համայնքի



հետ, կամ դառնայ չողի ընկերակցութիւն չողի շինմ. Օրէնքի § 8 բ. կէտի 2-րդ բաժնի իմաստով բոլոր բղխող հետեանքներով-  
 գ) ինչ վերաբերում է բարդ (վոլտաի) համայնքներին, ուր  
 որ կան այդպիսիներ, նոյն հիմունքներով կատարում է դրանց  
 ձուլումը կամ յարաբերութիւնների կարգաւորումը ինքնավարու-  
 թեան համապատասխան բարձր երկրային օւղանների հետ:

§ 6. Յատուկ օրէնքներով որոշում է Օրէնքի ներուծումը  
 այլազգիների ու կազակների չողերում:

§ 7. Բարեգործական և կրթական հիմնարկութիւնների չո-  
 զերը, որքան որ ծառայում են լոկ եկամուտ ստանալու այդ հիմ-  
 նարկութիւնները պահելու համար, յատկացւում են սակաւահող  
 ու հողագուրկ ժողովրդին բաժանելու՝ փոխարէնն հատուցանելով  
 դրամական նպաստներով. իսկ մնացած չողերը կարող են իրենց  
 մնալ որպէսզի օգտուեն տեղական ինքնավարութեան օւղաններից  
 որոշելիք չափով և պայմաններով:

§ 8. Քաղաքային չողերը, որչափ որ ծառայում են անմիջա-  
 պէս քաղաքի ժողովրդի պէտքերին (իրև արօտատեղի կամ բնա-  
 կատեղի, անատեղի և շինւածքների տեղի) մնում են իրենց անօ-  
 րինութեան յանձնւած, և, հարկ եղամ ղէպում, աւելացւելու են.  
 իսկ զուտ անտեսական պէտքերի ծառայող չողերը անցնում են  
 պատշաճաւոր երկրային համայնքների կամ տեղական ինքնավարու-  
 թեան աւելի խոշոր օւղանների անօրինութեանը:

§ 9. Համայն—պետական կամ խոշոր տեղական նշանակու-  
 թիւն ունեցող բոլոր անտառները, ջրերը ու խորքերը յանձնւում  
 են պետութեան և տեղական ինքնավարութեան օւղանների ան-  
 միջական անօրինութեանը. մի առ ժամանակ դրանք կարող են  
 թողնել իրենց առաջւայ տէրերին ու օգտուողներին օգտելու  
 պետութեան իշխանութիւնից կամ տեղական ինքնավարութեան  
 օւղաններից որոշելիք պայմաններով, որոնք պէտք է հող տա-  
 նեն պահպանելու թէ մասնաւոր օգտելու յանձնւած խորքերի ու  
 ջրերի արժէքաւորութիւնը, և թէ դրանց շահագործման մէջ աշ-  
 խատող ժողորրի անողութիւնն ու աշխատանքը:

§ 10. Ագարակային հողաբաժինների վրայ կառուցած բոլոր  
 շինւածքներն ու շէնքերը մնում են իրենց ներկայ սեփականա-  
 տէրերին ու տէրերին, բայց պետութեանը և տեղական ինքնա-  
 վարութեան օւղաններին իրաւունք է վերապահւում այդ օտա-  
 րացնելու հասարակաց կամ պետական օգտի համար, որի կատար-  
 ման կարգը պէտք է որոշել ընդհանուր օրէնսդրական եղանակով  
 հասագատւած յատուկ կանոններով:



# „Յ Ա Ռ Ա Զ“ Ի ԳՐԱԴԱՐԱՆ

## Լ Ո Յ Ս ԵՆ Տ Ե Ս Ե Լ

1. Բախ.—Հօրուստներ և աղբատներ II սպազրութիւն	15 կ.
2. Պէշխօնով.—Հաց, լոյս և ազատութիւն	12 »
3. Ֆէօդօրովի.—Ինչպէս են ժողովում և ծախսում ժողովրդական փողերը . . . . .	5 »
4. Կարմելիւ.—Նոր լիբան ըարողը . . . . .	2 »
5. Չերնօլ.—Գիւղացին և բանւորը . . . . .	15 »
6. Պերնէրսօրֆէր.—Ազգային հարցը և ս. զեմօկրատիան	5 »
7. Պրամպօլինի.—Գիւղացիներին	5 »
8. Ե. Թոփչան.—Արհեստակցական միութիւններ . . . . .	15 »
9. Կօլօտօրժակի.—Ի՞նչ է իրաւական պետութիւնը	15 »
10. Կ. Կարանով.—Հողային հարցը Նոր-Ջելանդիայում	2 »
11. Ժան Ժօրէս.—Բուրժուական սեփականութիւնը և նրա ապագայ գրաւումը . . . . .	5 »
12. Ա. Աքեղեան.—Գեմօկրատական ընտրութիւններ . . . . .	12 »
13. Կառնցկի.—Ազգութիւնների հարցը Ռուսաստանում	3 »
14. Ա. Անարոնեան.—(Ղարիբ) Ազատութեան ճանապարհին	80 »
15. Ֆ. Լասսալ.—Սահմանադրութեան էութեան մասին	5 »
16. Ա. Կ.—Ինչպէս կարելի է լուծել հողային հարցը . . . . .	12 »
17. Վ. Գալուբով.—Ի՞նչ է ժողովրդապետութիւնը . . . . .	2 »
18. Ս Զաւարեան.—Վիճակագրական տեղեկութիւններ գիւղական ազգաբնակչութեան տնտեսական վիճ. մասին	25 »
19. Ալֆօնս Գլանան.—Ժողովրդական օրէնսդրութիւնը—գաշնակցական Զւիցերիայում . . . . .	25 »
20. Գիլշտէյն.—Ո՞վ ինչպէս է ապրում . . . . .	7 »
21.—Մի գրոյց հողի մասին . . . . .	5 »
22. Լ. Շիշկօ.—Ագրարային ծրագրի հարցը . . . . .	7 »
23. Ա. Նիկոլանով.—Կօօպերացիա . . . . .	5 »
24. Շտապեցէք օգտուելու ձեր իրաւունքներից . . . . .	1 »
25. Լ. Պետրով.—Երկու ծրագիր . . . . .	20 »
26. Ս. Վշօսեկ.—Պետական կազմակերպութեան հիմքերը Արևմուտքում . . . . .	12 »
27. Անկիյ.—Գիւղացիական հարցը Ֆրանսիայում . . . . .	7 »
28. Մ. Յովհաննիսեան.—Գաշնակցութիւնը և նրա հակա- ակորդները . . . . .	50 »

«Յ Ա Ռ Ա Ջ»-ի ԳՐԱԳՄԱՐՆԱԿ

29. Ժ. Գեղ. եւ Պ. Լաֆարգ.—Տնտեսական զարդացումը և սօցիալիզմը	5
30. Նօյստօրժակի.—Ազգային հարցը, աւտօն. և ֆէդէրաց	7
31. Պորամանկ կարգեր	7
32. Մ. Յովհաննիսեան.—Գորղեան հանգույցը (տաճկահայ խնդիրի վերջին շրջանը)	20
33. Հրահանգներ գաւառների համար	
34. Վ. Չերնօվ.—Դասակարգային կուլի թէօրիայի շուրջը	10
35. Լ. Շիշկօ.—Նւազագոյն ծրագիրը	12
36. Ս. Նեկրասօվ.—Ի՞նչ կարգեր են հարկաւոր ժողովրդին	10
37. Ա. Շախաթունեան.—Ֆէդէրալիզմ և ղեմօկրտաիզմ	30
38. Արամայիս.—Վնասակարը	4
40 Մ. Յովհաննիսեան.—Կովկասեան Վանդէան (հայ-թրքահայ ընդհարումները և նրանց պատճառները)	25
41. Շ. Կօրջեմի—Ի՞նչպէս իրականացնել սոցիալիստներին հաւասարութիւնը	7
42. Գ. Խաժակ.—Ի՞նչպիսի ֆէդէրացիա	80
43. Վ. Չերնօվ.—Պրօլէտարիատը և աշխատ. դիւզացիութ.	18
44. Ա. Երամօվս.—Գիւղացին և բանւորը	3
45. Է. Վանդերվելդ.—Բանւոր գասակարգի զրութիւնը Բելգիայում	45
46. Ս. Չակ.—Հող և կապիտալիզմ	15
47. Վանէ.—Անջատւածները	10
48. Մ. Յովհաննիսեան.—Փիլիսօփայ սօցիօլօզը	15
49. Ֆէօդօրօվս.—Ժողովրդական փողերը (բուրժեւեկ)	7
51. Արամայիս.—Մի քանի գլուխ հայ թրքական ընդհարումներից II մաս	10
52. Յ. Թադէսեան.—Ֆրանսիական մեծ յեղափոխութիւնը	20
53. Գեթունի.—Յիշդօլթիւններ մօտիկ անցեալից I պրակ	10
54. Գեթունի.—Յիշդօլթիւններ մօտիկ անցեալից II պրակ	15
55. Յ. Թադէսեան.—Ազգային հերոս	5
56. Կ. Կարշե.—Տնտեսագիտական զրոյցներ	20
57. Ս. Տիգրանեան.—Դաշնակցական պատգամւորները երկրորդ պետական Դաւալում	30

Դիւնէ՛ր Թիֆլիս «Փարոս», և «Գուտտենբերգ» գիթանութները.

—Բազու՛՛ «Սատրուղնիկին».

—Երեան.—Ս. Օհանջանեանին և «Արարատ» գրաթիւնները.

Յանկացողները կարող են ստանալ գրադարանի բոլոր գրքերը միասին պոստով, չվճարելով ճանապարհածախը:



